


釋氏稽古略

四宋至南渡末

漢書門類		三	三	三	三
		一	三	四	九
		一	六	九	
五	一	六	九		
冊	架	函	號	類	

庫文閣内					
三		三			漢
一		三			
函		四			書
九	五	九			
架	冊	號	類		

内閣文庫			
番號	漢	3349	
冊數	5 (4)		
函號	310	144	



糊などで貼り付けられている部分がめくれぬ箇所あり
綴じ部(喉部分)の文字など開きが不鮮明な箇所あり

釋氏稽古略

遠庵居士嚴爾珪重梓

烏程職里寶相比丘釋 覺岸 寶洲編集再治

宋

趙姓以土德王
都汴今汴梁路

太祖 太宗 眞宗 仁宗 英宗 神宗 哲宗 徽宗

欽宗 高宗 孝宗 光宗 寧宗 理宗 度宗 幼主

太祖

諱玄朗。初名光胤。曰匡胤。西京洛陽人。趙姓仕周。至歸德軍節度使殿前都點簡。受周禪。年三十四歲。即皇帝位。以二月十六日爲

長春節。在位十六年。壽終五十歲。帝屢造佛寺。每歲度僧八千人。繫年錄者。上天竺寺講經也。

建隆三 乾德五

開寶八

庚申

建隆元年

大遼 應曆十年

遷鄭王也。居西京也。洛陽開寶六年正月。殂於房州。謚曰恭帝。

趙

漢劉鈞 天壽年

鳳翔

吳越

荆南高氏唐

蜀

廣政 漢 晉 年

造寺 九月帝征李重進於淮南。十二月詔於廣陵州揚戰地造寺。
賜田 額曰建隆。賜田四頃。拔薦戰亡軍士。命沙門道暉主之。繫年

辛酉 建隆二年 大遼 應曆十一年

趙 北漢 承鈞 鳳翔 吳越 荆南高氏 唐 炬立 蜀 南漢 天寶四年

陞座 春二月十六日聖誕罷三教論講。始自開寶已後。乃召三學僧入殿。庭試義。凡自京師普天之下。歲遇聖誕節。則命僧陞座說法。祝聖。遙

代傳流之實本於試義也。宋僧史畧容齋三筆

壬戌 建隆三年 大遼 應曆十二年

趙 北漢 鳳翔 吳越 荆南高氏 唐 蜀 南漢

詔僧明童行。每歲經本州考試入京師。執政重監試。所業其妙。法蓮華經七卷。通者奏名下祠部。給牒披剃。若特詔疏恩。如建隆太平興國普度僧尼。不限此例也。繫年

癸亥 乾德元年 大遼 應曆十三年 荆南高繼冲 奉表納土 歸宋 合五十七年 國除

趙 北漢 承鈞 鳳翔 吳越 荆南 唐 蜀 孟昶 南漢 銀天寶五年

甲子 乾德二年 大遼 應曆十四年

趙 北漢 吳越 唐 蜀 南漢

乙丑 乾德三年 大遼 應曆十五年

趙 北漢 吳越 唐 蜀 滅 南漢 天寶六年

丙寅 乾德四年 大遼 應曆十六年

北漢 吳越 唐 南漢 天寶七年

詔秦涼既通。遣僧百人往西域求佛經法。宋僧

丁卯 乾德五年 大遼穆宗 應曆十七年

北漢承鈞

吳越

唐

南漢 天寶年

戊辰 十一月改 大遼穆宗被弑景宗立 保寧元年

北漢

吳越

唐

南漢

廣運元年

十年

金銀 九月二十七日詔成都府造金銀字佛經各一藏粉 兵部侍郎劉熙古監視冬十一月郊祀畢肆赦改元

北漢 秋七月承鈞寢疾召平章事郭無為執繼恩手付以後事繼恩嗣位謚承鈞曰孝和皇帝經六十餘日九月侯霸榮郭無為弑

繼恩迎繼元而立之改元廣運初漢主劉旻壻曰薛釗甚賢生子曰繼恩而釗卒其婦再適何氏生子曰繼元何氏夫婦卒定王承鈞無子旻以二子命承鈞養之 至是弑繼恩而立繼元

大遼 穆宗末年殘忌猜忍人人屏息虞禍會醉索食不得欲斬庖人掌膳者恐禍及因捧食以進挾刃弑帝於黑山下九月也謚曰

景宗 天順皇帝廟號穆宗景宗立諱明記更名賢世宗元欲子也初世宗被弑之時帝年九歲御廚尚食劉解里以瓊束之藏於積薪中得免

至是即位嬰風疾多不視朝壬午乾亨九年十二月崩謚孝成皇帝廟號景宗

已巳 開寶二年 遼 景宗 保寧二年

北漢

吳越

唐

南漢

繼元立 廣運二年

號手 春二月十六日帝長春節詔許四海僧上表入殿庭比試三學下開封府功德使差僧證經律論義十條全通者賜紫衣號手表僧至大

宗太平興國四年功德使奏天下一家不須手表自此皇帝誕日宰輔親王監司刺史各薦所知三學僧惟兩街僧錄所薦者是日入內

授門下牒謂之簾前師號仍給紫衣謂之簾前紫衣分賜訖便同賜齋自餘王侯薦者問日方出節制廉問牧宰則又轉降而賜焉

庚午 開寶三年 遼 保寧三年

北漢

吳越

唐

南漢

廣運三年

銀降

南漢 嶺南廣也。劉鋹舉國降宋封銀恩赦侯。合六十七年國除。是歲勅修京師舊封禪寺為開寶寺。前臨官街。北鎮五丈河。屋數千

間。連數坊之地。極於鉅麗。鑄鑄報寶。

辛未 開寶四年 遼 保寧四年

北漢 廣運四年 吳越 唐

六月十一日勅成都再造金字佛經一藏。并鑿年鏤。

壬申 開寶五年 遼 保寧五年

北漢 廣運五年 吳越 唐

經版 帝自用兵平列國。前後凡造金銀字佛經數藏。今年勅雕佛經印。一藏計一十三萬版。北山錄。

癸酉 開寶六年 恭帝祖 保寧六年

北漢 繼元 吳越 南唐 李氏

廣運六年

甲戌 開寶七年 遼 乾亨元年

北漢 廣運七年 吳越 唐

帝 帝命曹彬與潘美曹翰征江南。十一月濟師。彬嘗面奉帝旨。母殺。人明年冬攻之。垂克。彬稱疾不視師。潘美帥諸將省之。彬曰。予病非藥石能治。須諸公共誓。城破不殺人。則自愈矣。諸將諾。共焚香為誓。是日拔金陵。城。中拔堵。彬位至使相。父子配食清廟。

貴盛累世。實不殺之。報應也。都壽張編。陳傳。

乙亥 開寶八年 遼 乾亨二年。三月往聘宋。宋乃初通使於遼。

北漢 廣運八年 吳越 南唐 李煜降宋。封違命侯。合三十九年而國除。

○丙子年夏四月。上幸西京。有事於南郊。是歲。十二月二十二日。改為太平興國元年。總纂。

太宗諱。太祖母弟。封晉王。開寶九年。太祖崩。帝即位。年三十八。偃武修文。改講武殿為崇政殿。選用賢良。謹擇刺史。謂刺史最為親民。

苟非其人民受其禍。求言納諫。風俗醇厚。在位二十一年。壽五十九。歲崩。以十月十七日為乾明節。

太平興國八雍熙四 端拱二
淳化五 至道三

丙子十二月改 遼 乾亨三年
太平興國元年

北漢 廣運九年 吳越

丁丑太平興國二年 遼 乾亨四年
北漢 廣運十年 吳越

復京師舊龍興寺。周世宗廢之。為龍興舍。至是主僧擊登聞鼓訴復寺。帝感嘆。詔復之。賜名太平興國寺。仍為營葺。亟宏壯之制。 事明 乾亨五年

戊寅太平興國三年 遼 乾亨五年

北漢 廣運十一年 吳越奉表入朝納土

三月吳越忠懿王錢俶上表歸宋。入朝。盡獻十三州之地。

本四月陳洪進奉表獻漳泉兩郡。秋八月十三日翰林學士知制誥李昉兩中書舍人扈蒙直史館李穆宋白鄭隣幾徐鉉奉勅表進太平廣記帙成五百卷。

錄佛法者列三十卷。

僧沙門贊寧。隨吳越王入朝。帝賜號通慧大師。勅住左街天壽寺。命修僧史。明年詔寧乘驛進明州阿育王山釋迦文佛真身舍利入禁中。

供養得舍利一顆。因之以開寶寺西北闕地造浮圖十一級。下作天宮。以葬之。 韋初梁武帝天監十八年嘉祥寺沙門慧皎作高僧傳。聽歸浙

東秉筆。明帝永平十年。至天監成十四卷。唐太宗貞觀十九年。終南山西明寺道宣律師作續高僧傳。始天監之來。迄貞觀成三十卷。寧作始自

唐貞觀二十年。至此端拱元年。成三十卷。用梁唐義例。開十科。一譯經科。二慧解科。三禪定科。四戒律科。五護法科。六感通科。七遺身科。

八讀誦科。九興福科。十雜科。聲德正傳者五百三十三人。附見者一

百三十人端拱元年冬十月遣弟子顯忠智輪詣闕上表以進聖書賜帛獎諭勅入大藏流通十一月詔寧赴闕淳化元年奉旨著鷲嶺著聖賢錄一百卷淳化二年詔寧充史館編修麟註至道二年詔除寧掌洛京教門事麟傳戊戌真宗咸平元年詔擢寧汴京右街僧錄主管教門公事次年進左街巳亥咸平二年春二月東京左街僧錄史館編修主管教門公事通慧大師替寧歸寂壽八十二三月葬全身於天壽寺巳巳仁宗天聖七年寧曾孫宗盛啓塔茶毘之收遺骸舍利歸葬錢塘故里寧生杭州臨安縣後唐明宗天成中出家杭州祥符寺潞王清泰初入天台具探律部博通三藏吳越忠懿王補寧兩街僧統號明義宗文大師所作僧史僧傳並行於世麟註

巳卯 太平興國四年 遼 乾亨六年 北漢五月太原劉繼元降宋封彭城公合二十九年國除

庚辰 太平興國五年 遼 乾亨六年 河中府傳顯密教沙門法進請西域法天三藏譯經於蒲津詔入京師初興譯事詔童子五十人習梵學麟註

辛巳 太平興國六年 遼 乾亨八年 詔立右街副僧錄詔致祭建康鍾山寶誌大士賜號道林真覺菩薩麟註

壬午 太平興國七年 遼 乾亨九年十二月帝崩治十五年謚孝成皇帝廟號景宗 詔立譯經傳法院於東京太平興國寺之西如唐故事以宰輔為譯經潤文使設官分職西天中印度惹蘭陀羅國密林寺天息災三藏帝與法天施護等譯大乘莊嚴寶王經帝製大宋新譯三藏聖教序詔普度天下童行為僧不限有司常例自太平興國元年至八年度僧一十七萬餘人麟史

大遼 聖宗立諱隆緒景宗長子年十二即位改元統和尊母蕭氏為承天太后臨朝稱制凡二十七年乃歸政于帝癸丑改元開泰復國號大契丹麟史太平十年六月三日崩於上京謚曰天輔皇帝治四十九年

癸未 太平興國八年 遼 聖宗立 統和元年

御贊舍利

初太祖迎洛陽唐高宗顯慶年間大沙門宣律師天王太子所獻佛牙舍利於東京相國寺灌頂院安奉至是帝親

饗

以烈火煨試晶明堅固光彩五色照人帝製贊曰功成積劫印文端不是南山宣律師得恐難眼覩數重金色潤手擎一片玉光寒煉時

百火精神透藏處千年瑩彩完定果重修真秘密正心莫作等閑看改灌頂院為法華院建重閣以智照大師慧温主香火補舍

甲申 雍熙元年

遼 統和二年

日本

春三月日本國僧裔然入朝因言其國傳世八十歷年三千二百矣帝謂輔臣曰中國自唐末五代分裂不但其君朝成夕敗臣亦誅死

相尋朕兢兢求治冀上穿鑿祐為子孫長久計卿等亦保世祿出十三朝錄

泗州

詔修泗州僧伽塔加謚大聖二字寺曰普照本

陳搏

十月詔隱士陳搏入見賜號希夷先生尋請歸華山

乙酉 雍熙二年

遼 統和三年

丙戌

雍熙三年

遼 統和四年

山外

秋八月二十五日秀水高僧晤恩端坐西面而逝初天台宗元自唐德宗建中三年荆溪尊者滅後五傳而至清竦竦有二弟子曰義寂

曰志因寂以教觀正脉傳義通通傳知禮朝翻遵式下慈源源授受志因傳晤恩恩名著僧史恩傳洪敏源清傳智圓源慶昭昭傳

繼齊咸潤境觀解行各師其說四明知禮辭而闢之衡嶽家世斥之為山外宗教詔

丁亥

雍熙四年

遼 統和五年

十月天台教荆溪尊者下六世螺溪傳教定慧院淨光法師義寂入寂義通嗣之麟

香林

四川西路益州城都香林院禪師名澄遠二月入滅師生西川漢州綿竹上官氏嗣雲門偃禪師燈

戊子

端拱元年

遼 統和六年

○義通法師

傳天台教是年十月十八日入寂於明州寶雲院通本高麗王種初出家傳華嚴起信有聲石晉天福中渡海來謁

四明 螺溪叢寂頓悟開顯十法界圓融之旨嗣法
璽 流通逾二紀得知禮遵式高弟益大其傳謬

巳丑 端拱帝建開遼 統和七年
二年寶寺成

庚寅 淳化 遼 統和八年
元年

三教 詔叅知政事蘇易簡撰三教聖賢事跡易簡奏天壽寺通慧大師贊
寧大乙官道士韓德純分領其事通慧贊寧著鷲嶺聖賢錄一百卷

辛卯 淳化 遼 統和九年
二年

壬辰 淳化 遼 統和十年
三年

癸巳 淳化 遼 統和十一年
四年

○首山 汝州首山禪師名省念萊州狄氏子受業本郡南禪寺纔具戒
徧遊叢席常密誦法華經衆目之曰念法華受風穴沼禪師記
蘇開法首山爲第一世次住汝州葉縣廣教及寶應於昨淳化三年
十二月四日午時上堂說偈曰今年六十七老病隨緣且遣日今年

却記來年事來年記着今朝日。至今年十二月四日辭衆上堂仍說
偈曰白銀世界金色身情與非情共一真明暗盡時俱不照日輪午
後示全身言訖泊然而逝茶毘收舍利建塔師嗣風穴延沼沼嗣南
院慧顒顒嗣興化存獎獎嗣臨濟義玄禪師其嗣師之法道在汾陽
善昭葉縣歸省神鼎洪謹谷隱蘊聰廣慧元璉丞相王隨相公等
凡一十二人省傳浮山法遠遠傳淨因道臻等法道昌盛於後傳

甲午 淳化 遼 統和十二年
五年

乙未 至道 遼 統和十三年
元年

○御製 祕藏詮二十卷緣識五卷道遙詠十卷
命兩街僧箋註入釋氏大藏頒行朕鑑

丙申 至道 遼 統和十四年
二年

丁酉 至道三年 遼 統和十五年
三月帝崩

真宗 太宗第三子諱恒二十九歲即位務從簡易作文武七條以賜臣
僚轉運知州並帶勸農事東封泰山西祀汾陰以文理太平治二

帶勸 十五年壽五十四歲以
壽 十二月二日為承天節

咸平六 景德四 大中祥符九
天禧五 乾興一

戊戌咸平元年 遼 統和十六年

巳亥 咸平二年 遼 統和十七年

庚子 咸平三年 遼 統和十八年

金光 夏大旱浙東天台講宗知禮尊明遊式斷柱同修護國金光明三昧
明懺 懺三日乃雨明州太守蘇為以碑頌其德 黜駐教行錄 浙西自春涉
夏亦不雨給事中知杭州張去華率僚屬具幡蓋鼓吹迎天竺圓通
大士禱於梵天寺繼時雨霽四境沛足此觀世音菩薩出應民望慈
觀音 悲靈感之始
應世 也 靈感紀實

辛丑 咸平四年 遼 統和十九年

帝製 天竺三藏朝散大夫試光祿卿明教
經序 大師法賢進新譯經帝製序 馱藏經

壬寅 咸平五年 遼 統和二十年

帝繼 西天譯經三藏朝奉大夫試光祿卿傳法大師施護譯
製序 給孤長者女得度因緣經請帝製繼聖教序 馱字藏

癸卯 咸平六年 遼 統和二十一年

御讚 帝勅右街僧錄備儀仗音樂華幡迎大相國寺佛牙舍利供養於開
佛牙 寶寺塔下帝製讚曰西方有聖釋迦文接物垂慈世所尊常願進修
增勝果庶期饒益
富黎元 金朝御讚

甲辰景德元年 遼 統和二十二年

傳燈錄 吳僧道原集釋迦世尊初祖迦葉以至東土禪宗傳嗣諸祖
機緣為景德傳燈錄三十卷進呈帝覽之嘉賞勅翰林學士
楊億等刊正撰序頒
入大藏天下流行 聯

義。日本國僧寂照。資本國禪師源信所陳經論義目。二十七條。問疑於四明法師知禮。受教歸國。鐵行。四明大法師知禮。著十不二門指要二卷。開明南嶽天台所證一心三觀之妙。鐵行。

乙巳 景德二年

遼 統和二十三年

丙午 景德三年

遼 統和二十四年

丁未 景德四年

遼 統和二十五年

戊申 大中祥符元年

遼 統和二十六年

冬十月。帝東封泰山祀上帝。十一月朔。幸曲阜祭孔子。加謚曰玄聖文宣王。追謚齊太公曰昭烈武成王。周文王曰文憲王。各立廟。尋以聖祖諱改玄聖為至聖。巳酉年二月詔許曲阜先聖廟立學。紀。

巳酉 大中祥符二年

遼 統和二十七年

酒。禪師名遇賢。姑蘇長洲林氏子。七歲出家。依嘉興永安可依大德。年三十。剃落圓具。往叅龍華球禪師。發明心印。回居明覺院。唯事飲酒。醉則成歌。警世道俗。號之酒僊。歌曰。揚于江頭浪最深。行人到此盡沉吟。他時若到無波處。還似有波時用心。曰。金竿又聞泛玉山。還報頽。莫教更漏捉。趁取月明回。曰。一六二六。其事已定。一九二九。我要喫酒。長伸兩脚眠。一寤。起。來。天地還依舊。曰。門前綠樹無啼鳥。庭下蒼苔有落花。聊與東風論箇事。十分春色屬誰家。曰。秋至山寒水冷。春來柳綠花紅。一點動隨萬變。江村煙雨濛濛。有不有空。不空。空。籬撈取西北風。曰。生在閻浮世界。人情幾多愛惡。祇要喫些酒子。所以倒街臥路。死後却產娑婆。不願超生淨土。何以故。西方淨土。且無酒。酷。至是祥符二年上元日。師凌晨浴罷。就室握拳。以右舉左。張其口而化。軀。江。賦。師。嗣。龍。華。彥。球。球。嗣。長。慶。稜。稜。嗣。雪。峯。存。禪。師。存。嗣。德。山。鑿。詔。諸。州。路。置。禪。師。鉢。燈。天。慶。觀。紀。

僧。申國長公主。太宗第七女。生不茹葷。至是懇求為僧。進封吳國。賜名清裕。號報慈正覺大師。都城西為建崇真資聖禪院。嬪御三十人。詔兩禁送之入寺。賜齋申國俗壽。三十八。尼。夏。十六。而入滅。皇朝。

庚戌 大中祥符三年 遼 統和二十八年

勅 冬十月有旨改明州保恩院為延慶院。勅改華亭陸機別業大明寺。額曰普照。勅改義興函亭鄉禪林院。額曰聖感禪寺。傳十方住持。奉

祠山祀典 神祇碑文記

辛亥 大中祥符四年 遼 統和二十九年

經 目 詔譯經潤文使參知政事趙安仁 翰林學士楊億撰大藏目錄總綱

壬子 大中祥符五年 遼 統和三十年

天竺酷蘭古國刹帝利種。沙門覺稱至京師。館于譯院。年始四十許。通四十餘本經論。潤文使丁晉公。嘉其敏慧。遣譯者導之見楊翰林億。略設茗果與之語。覺稱曰。願至五臺山拜文殊。即還本土。入此國。見屠殺猪羊。市肆懸肉。痛不忍觀。西竺舉國不食肉。他日晉公問數萬里遠來。更何所為。曰。併欲禮宣律師塔耳。煨朝類苑若煨文公談苑

癸丑 大中祥符六年 大契丹 開泰元年

賜法 音集 春三月帝賜御製法音集。付傳法院箋註。藏經目錄

修心 帝賜譯經院修心偈曰。初祖安心在少林。不傳經教但傳心。後人若悟真如性。密印由來妙理深。綱目正統記

大遼復號大契丹。以幽州為析津府。改元曰開泰。至丙午咸雍二年復稱大遼。

甲寅 大中祥符七年 大契丹 開泰二年

建昭 應官 天竺三藏朝散大夫試鴻臚卿傳教大師法天譯金剛大教寶王經。冬十一月京師建王清昭應宮成。起自大中祥符二年四月。至是年十一月畢工。總二千六百一十區。丁晉公詔為修宮使。土木金石丹漆之用。搜材選勝於天下。沈存中筆談曰。温州鴈宕山。諾矩羅尊者所居。前世人所不見。因昭應採木。此境始露。洪邁容齋三筆

乙卯 大中祥符八年 大契丹 開泰三年

大法師遵式講于天台東掖山十有二年矣。至是始西渡居杭州古靈山寺。今下竺初西晉天竺慧理法師居焉。隋高僧真觀講法華之地。唐道標繼成之。至僖宗時為寇所毀。西巖有檜枯株存於焚敗之餘。法師以水灑而祝之。枝葉重榮。力行四種三昧。建金光明懺堂。一椽懺堂。一甃必誦大悲咒七遍。殿宇全備。奏蒙朝廷賜天竺靈山寺額。傳天台教觀。職註行。

丙辰

大中祥符九年

大契丹

開泰四年

丁巳天禧元年

大契丹

開泰五年

生 姦 詔天下立放生池。明州大法師知禮自丙辰春。偕十僧誓修法華三昧三年。滿如藥王故事。燒身供養妙法蓮華經。以生淨土。翰林學士四明楊億聞知。郵置長書。堅請住世。仍委郡守李夷庚保護。天禧四年宰相寇準。翰林楊億。以知禮行業及遺身事奏聞。帝曰。但傳朕意。請留住世。特賜師號法智大師。錄行。

○秋七月。太尉文正公王旦薨。公在政府十八年。病革。囑翰林學士楊億曰。吾深厭煩惱。願未來世為苾芻。林間宴坐。觀心為樂。至易簣時。

剃髮

君為我剃鬚髮。着壞色三衣。用火葬禮。營骨塔於先塋之側。億曰。三公也。歛贈公衮。豈可加於僧體乎。與諸孤議。但以三衣置柩中。不

歲寶玉而巳。岐文錄湘

戊午

天禧二年

大契丹

開泰六年

巳未

天禧三年

大契丹

開泰七年

庚申

天禧四年

大契丹

開泰八年

辛酉

天禧五年

大契丹

開泰九年

要旨

詔殿頭俞源清往明州延慶院為國修懺三晝夜。法智大師知禮著修懺要旨一卷。錄行。

壬戌

乾興元年 二月帝崩

大契丹

太平元年

修懺 帝特賜杭州天竺寺法師遵式號慈雲大師。章獻明肅皇后劉氏遣使至天竺為國修懺。法師著護國金光明三昧儀一卷。上進。懺

春三月杭州西湖孤山法慧法師智圓號中庸子十七日自作祭文
挽詩十九日入滅。圓撰通經十疏處士林。逋和靖為隣。天竺法師遵
式為友。壽四十七歲。臘三十九葬。以陶器。蜚仁宗景祐三年。因積雨
山頽。啓其封。全體如生。爪髮俱長。唇紅微開。齒如珂雪。為襲新衣。散

孤山 法師 衆名香瘞之高宗。紹興中。孤山建四聖
觀。遷師塔于北山。瑪瑙坡。孤山開居編
懺主行業記

仁宗

積真宗第六子。年十三。即帝位。帝務仁厚。裁抑僥倖。委任賢良。專
置諫官六員。納諫不倦。置學校。創廣惠院。以處窮民。自奉甚薄。利
澤施民。號為極治。以四月十四日為乾元
節。行崇天曆。在位四十一年。壽五十五歲。

天聖九 明道二 景祐四 寶元二 康定一
慶曆八 皇祐五 至和二 嘉祐八

癸亥天聖元年

行樂大契丹 太平二年

甲子

天聖二年 大契丹 太平三年

汾陽。臨濟下五世。汾陽太子院禪師名善昭。太原俞氏子。剃髮受具。杖策
遊方。所至少留。隨機叩發。歷叅知識七十一員。後見首山念禪師契

悟玄旨。遊衡湘及襄沔間。每為郡守以名刹致師。凡歷八請。師皆不
赴。洎首山沒。西河道俗。遣僧契聰迎請住持。師閉關高臥。衆排闥而
入。讓之曰。佛法大事。靖退小節。先師棄世。今何時而欲安眠哉。師曰。
非公不聞此語。乃赴其請。至是天聖二年。龍德府尹李侯致師住承
天。价三返不起。价再至。辟函師曰。老病業已不出山。借往當先後之。
价曰。唯師所擇。師令具饌。且趣裝曰。吾先行矣。停筓而化。闍維收舍
利。建塔師嗣首山念禪師有
十智 曰十智同真者。師之語也。傳本

乙丑

天聖三年 大契丹 太平四年

丙寅

天聖四年 大契丹 太平五年

焚身 詔天台教部入大藏流行。初天竺寺僧思悟求教藏流行。自乙丑春
酬志 禱於大悲觀音。至是行願克遂。乃焚身于日觀庵前。用報佛恩。別集

丁卯

天聖五年 大契丹 太平六年

碎 九月光祿大夫太子少傅文元公晁迥。
金 撰法藏碎金十卷。皆理性自得之學也。

戊辰 天聖六年 大契丹 太平七年

四明。春正月五日，明州法智尊者知禮，趺坐集眾而言曰：吾建延慶道場，誓在流通法華三昧，爾等莫作最後斷佛種人。生必有死，猶旦暮然。

精修無間，世世生生相逢有在。語畢，驟稱阿彌陀佛而寂。露龕二七日，爪髮俱長，儀容如生。闍維也。舌根不壞，舍利五色，莫知數。資政殿大學士兼太子少保清獻公趙抃著法師行業碑。繳行

已巳 天聖七年 大契丹 太平八年

禪宗廣燈錄 附馬都尉李遵勗撰三十卷。帝製序賜之。都尉薨，附見慈明圓禪師章下。

庚午 天聖八年 大契丹 太平九年

長水。楞嚴經疏 嘉興秀州長水法師名子璿，秀州人。初依本州洪敏法師學楞嚴經。至動靜二相了然不生有省。聞滁州瑯琊山覺禪師道望，趨往參見。及門值其陞座，遂問曰：清淨本然，云何忽生山河大地？覺厲聲曰：清淨本然，云何忽生山河大地？

擬稟嗣之。覺禪師謂之曰：汝宗不振久矣，宜勵志扶持，以報佛恩。璿如教。後住長水，眾幾一千，以賢首宗教疏楞嚴經十卷。御史中丞王隨序之。行于世。長水瑯琊山廣照禪師名慧覺，嗣汾陽昭禪師。

辛未 天聖九年 大契丹 太平十年 六月三日，帝崩，謚曰天輔皇帝。廟號聖宗。在位四十九年。

夏四月，詔迎韶州曹溪南華禪寺六祖大鑑禪師衣鉢入禁中。清淨堂供養。八月十五日，遣使送還賜南華長老普遂號智度大師。續燈大契丹興宗即帝位。諱宗真，番名木不孤順聖元妃所生。聖宗第八子也。在位二十五年崩。

壬申 明道元年 大契丹興宗 景福元年

修。章獻明肅太后劉氏。修。西夏趙元昊。京師景德寺成。長通繼封西平王。

聖。冬十月八日，杭州天竺靈山寺慈雲靈應尊者遵式入寂。遺命臥全身于遐榻，葬寺東月桂峯下。嗣法明智大師祖韶，韶有二弟子，曰慧辯，即海月禪師也。曰元淨，即辯才法師也。海月華亭人，受業普照寺。元淨字無象，生杭州於潛徐氏，賜紫衣號辯才。元豐六年入寂。本傳

癸酉 明道二年

大契丹 重熙元年

甲戌景祐元年

大契丹 重熙二年

勅試經通者度為僧。宋宣獻公綬。夏英公竦。在政府同試童行。有行者誦法華經不通。問其習學幾年。曰十年。二公笑且憫之。各取法華經七軸誦之。宋公十日。夏公七日。不遺一字。人性之相遠也如此。歐陽脩

乙亥 景祐二年

大契丹 重熙三年

丙子 景祐三年

大契丹 重熙四年

丁丑 景祐四年

大契丹 重熙五年

戊寅寶元元年

大契丹 重熙六年

西夏 僭帝號

大慶元年

西夏 初唐太宗貞觀三年冬。閏十二月乙丑。黨項酋長細封步賴。并別部拓拔氏等來降。僖宗中和元年夏四月。拓跋思恭以兵赴

國難。戰黃巢有功。帝命思恭權知夏綏節度使。八月。陞思恭為夏綏節度使。賜姓李氏。昭宗乾寧二年八月癸巳。思恭弟保大節度使李思孝攻王行瑜。黎園寨有功。癸卯。以保大節度使李思孝為北面招討使。定難節度使李思諫為東面招討使。至是。宋太宗太平興國七年壬午歲十月。李繼捧來朝。獻州四夏銀綏宥縣八。其西夏自天福年。繼捧以來。未嘗入覲。繼捧來。太宗嘉之。繼捧且自陳諸兄弟多相怨。對願留京師。詔授彰德軍節度。留京師。奉朝請。賜姓趙氏。名保忠。錫夏綏銀宥密五州使。淳化元年。夏四月。李繼遷寇邊。命將出師。敗繼遷於夏州。淳化二年秋七月。繼遷降。賜姓趙氏。名保吉。授銀州觀察使。保忠陰與保吉為唇齒。雖外示歸順。而潛結羗戎。侵寇不止。先是。趙保忠奏繼遷誘蕃戎入寇。乞師。帝命翟守義帥師屯夏州。繼遷恐。乃奉表歸順。淳化五年。春正月。李繼捧與李繼遷叛。帝遣李繼隆率兵討之。進攻夏州。李繼捧狼狽出降。就擒繼捧以歸。帝詰青數四。詔釋之。留京師。繼遷終反覆。不臣。卒為國釁。至道元年。九月。李繼遷犯邊。寇靈州。至道二年。九月。帝復命李繼隆分五路討李繼遷。丁酉年二月。繼遷遁去。十二月。繼遷遣使修貢。求備邊任。時真宗初登位。方在諒陰。姑從其請。加繼遷定難節度封。以夏綏銀宥靜五州。咸平四年。九月。繼遷陷清遠軍。詔討之。壬寅年三

月李繼遷陷靈州咸平六年十二月李繼遷陷西涼府潘羅支邀擊之繼遷中流矢死子德明襲位天禧元年丁趙德明以民饑上表乞糧數百萬詔許之丁卯仁宗天聖五年也五月趙德明寇邊明道元年封趙元昊德明西平王至是寶元元年十二月趙元昊僭號先是元昊欲南侵恐喃廝羅制其後復舉兵攻蘭州諸羗至馬街山遂築瓦川會城元昊既悉有夏銀綏靜宥靈鹽會勝甘涼瓜沙肅之地仍居興州阻河依賀蘭山為固始大補偽官創十六司以統眾務又置十八監軍司委酋豪分統其眾為鎮守總十五萬人又選豪族善弓馬三千迭直號六班直元昊制番書改元大慶卒用其黨楊守素之謀築壇受冊號始文英武興法建禮仁孝皇帝國稱大夏改大慶二年曰天授遣使來告僭號納旌節敕告上表略曰臣父德明嗣奉世封勉從朝命三十年邊情善守五千里職貢常輸臣偶因端閑輒生狂斐制小番之文字改大漢之衣冠不期歷運在茲軍民同請伏望皇帝陛下許以西郊之禮冊為南面之君敢竭愚庸常敦歡好朝廷議討之元昊從此猖獗寇陷軍州或順或逆至理宗寶慶三年國滅

已卯 寶元二年

大契丹 重熙七年

西夏 大慶二年 改曰天授

庚辰康定元年

大契丹 重熙八年

西夏 寇宋

慈明

潭州石霜山慈明禪師名楚圓全州李氏子少為書生年二十依湘山隱靜寺出家其母有賢行使之遊方謁汾陽昭禪師昭

默器之經二年未許入室每見必詬罵或毀詆諸方及有所訓皆流俗鄙事一夕訴之曰至法席再夏不蒙指示但增世俗塵勞歲月飄流已事不明失出家之利語未竟昭罵曰是惡知識敢禪販我怒舉杖逐之師擬伸救昭遽掩其口師乃大悟曰是知臨濟道出常情遂服役七年辭去依唐明嵩禪師嵩謂師曰楊大年內翰知見高入道穩實子不可不見師乃往見大年大年問曰對面不相識千里却同風師曰近奉山門請大年曰真箇脫空師曰前月離唐明大年曰適來悔相問師曰作家大年便喝師曰恰是大年復喝師以手劃一劃大年吐舌曰真是龍象師曰是何言歟大年顧令別點茶曰元來是家裏人師曰也不消得良久又曰如何是圓上座為人句師曰切大年曰作家作家師曰放內翰二十拄杖大年撫膝曰這裏是甚麼處所師拍手曰不得放過大年大笑又問記得唐明悟時因緣否師曰唐明聞僧問首山佛法大意首山曰楚王城畔水東流大年曰只如此語意如何師曰水上掛燈毬大年曰與麼則辜負古人去師曰內

翰疑則別叅大年曰三脚蝦蟆跳上天師曰一任踴跳大年乃又笑
 館于齋中日夕質疑智證因聞前言往行恨見之晚大年憐入朝見
 附馬都尉李公驥曰近得一道人真西河獅子李公曰我以拘文不
 能就謁奈何大年默然歸語師曰李公佛法中人聞道風遠至有願
 見之心政以法不得與侍從過從師黎明謁李公李公閱刺使童子
 問之曰道得即與上座相見師曰今日特來相看又令童子曰碑文
 刊白字當道種青松師曰不因今日節餘日定難逢童子又出曰都
 尉言與麼則與上座相見去也師曰脚頭脚底李公乃出坐定問曰
 我聞西河有金毛獅子是否師曰甚麼處得此消息李公便喝師曰
 野狂鳴李公又喝師曰恰是李公大笑既辭去問臨行一句師曰好
 將息李公曰何異諸方師曰都尉又作麼生曰放上座二十拄杖師
 曰專為流通李公又喝師曰瞎李公曰好去師曰諾諾自是往來楊
 李之門以法為友久之辭還河東大年曰有一語寄唐明師曰明月
 照見夜行人大年曰却不相當師曰更深猶自可午後更愁人大年
 曰開寶寺前金剛近日因什麼汗出師曰知大年曰上座臨行豈無
 為人句師曰重疊關山路大年曰與麼則隨上座去也師作噓聲大
 年曰真獅子兒師還唐明唐明即太原路承天院三李公遣兩僧訊
 師師於書尾畫雙足寫來僧名以寄之李公作偈曰黑尾千里餘全

附馬

擲示雙趺人天渾莫測珍重赤鬚胡師時以母老南歸至瑞州今江
 首眾於洞山聰禪師會中依止三年先是汾陽曰我徧叅雲門兒孫
 特以未見聰為恨師故依止焉遊仰山袁州太守黃宗旦請住南源
 山廣利寺遷潭州道吾移住石霜山崇勝寺遷南嶽莊嚴寺移潭州
 興化寺寶元元年附馬都尉李公遵勗遣使邀師曰海內法友惟師
 與楊大年耳大年棄我而先僕年來衰落忍死以一見師乃東下至
 京師見李公月餘公畫一圓相書偈遺師曰世界無依山河匪礙大
 海微塵須彌納芥拈起幞頭解下腰帶若覓死生問取皮袋師曰如
 何是本來佛性公曰今日熱如昨日隨聲便問師臨行一句作麼生
 師曰本來無罣礙隨處任方圓公曰晚來困倦更不答話師曰無佛
 處作佛公於是泊然而逝仁宗皇帝聞都尉之化與師問答嘉嘆久
 之師臨壙而別有旨賜師官舟南歸至是康定元年正月五日師入
 寂世壽五十四歲僧臘三十二夏銘行實於興化寺塔全身於石霜
 山師嗣汾陽昭臨濟六世也嗣師者分宗曰黃龍南楊歧會續登錄
 琅琊滁州琅琊山今進廣照禪師名慧覺西洛人也弱冠扶父衡陽
 太守樞歸洛過澧州藥山古寺宛若宿契緣此出家既得度遊
 方叅學得法汾陽應緣滁水與明州雪竇顯禪師雲門同時唱道
 四方謂之二甘露門逮今淮南遺化如在師嗣汾陽昭禪師續燈

辛巳慶曆元年

大契丹 重熙九年

西夏

○湖州淨覺法師仁岳撰楞嚴經集解十卷說題一卷熏聞記五卷翰林侍讀學士知制誥胡宿序之曰室中千燈多光互入堂下六樂正聲相宣鼓吹妙經藻火圓教法施豈方法哉師英集解

壬午 慶曆二年

大契丹 重熙十年

西夏

癸未 慶曆三年

大契丹 重熙十一年

西夏 來宋請和

西夏趙元昊夏四月遣使來宋稱臣請和又復遣使稱男不稱臣但稱臣於契丹錄譯經院朝散大夫試鴻臚卿光梵大師惟淨見執政裁省譯經之務預自奏疏乞罷帝曰三聖崇奉朕而敢罷且琛貢所籍名件皆異域文字非鴻臚誰識不凡未幾御史中丞孔道輔等果乞罷譯館帝出淨疏示之道輔之論遂止錄御讚佛牙 夏早損稼六月詔迎相國寺佛牙禱于禁中隨時大雨其佛牙舍利祖宗御封帝手啓之灌以海上薔薇水得舍利

御讚

一顆五色光發帝貯以琉璃餅製讚曰三皇掩質皆歸土五帝潛形已化塵夫子域中稱至聖老君世上亦言真理軀只見空遺塚何處將身示後人惟有吾師金骨在曾經百煉烈宗試色長新以七寶莊嚴金盃貯之藉以白氈覆以瓊珞龍鳳之衣供養踰月造金殿四門以象天宮而歸之詳見翰林知制誥王珪三朝御讚佛牙舍利序詩

甲申 慶曆四年

大契丹 重熙十二年

西夏

宋冊趙元昊為國主

十二月宋冊元昊為夏國主歲賜銀絹二十三萬元昊更名曩霄錄

乙酉 慶曆五年

大契丹 重熙十三年

歐陽公修自諫院除河北都轉運使左遷滁州遊廬山東林圓通寺遇祖印禪師居訥談論大教折中儒佛與韓文公見大顛相類歐陽

丙戌 慶曆六年

大契丹 重熙十四年

楊歧 袁州楊歧山禪師名方會郡之宜春冷氏子弱冠至瑞州九峯恍若舊遊遂投師剃落每閱經心融神會叅慈明圓禪師圓自

臨濟 七世

南源遷道吾赴石霜師皆佐之總院務依之雖久然未有省發每咨
參圓曰庫司事繁且去他日又參圓曰監寺異時兒孫遍天下在何
用忙為圓適出雨忽作師偵之小徑搗住曰這老漢今日須與我說
不說我便打圓曰監寺知是般事便休語未卒師大悟即拜於泥途
來日具威儀詣方丈禮謝圓呵曰未在師自是契會辭歸九峯道俗
迎居楊歧至是遷雲蓋示寂焉皇祐元年建塔于本山嗣慈明五燈

丁亥 慶曆七年

大契丹 重熙十五年

貝州王則反則元隸宜殷軍小校以妖術惑眾據貝
州僭號東平王國曰安陽改年號曰德勝尋滅之編

戊子 慶曆八年

大契丹 重熙十六年

己丑皇祐元年

大契丹 重熙十七年

○ 汴京自周朝毀寺太祖建隆間復興兩街止是南山律部慈恩賢首
疏鈔義學而已士大夫聰明超軼者皆厭聞名相因果而天台止觀
達磨禪宗未行也淳化太宗以來四明尊者知禮天竺懺主遵式行
道東南而觀心宗眼照耿天下翰林楊億晁迥首發明之至是內侍

淨因 禪院

李允寧奏施汴宅一區創興禪席帝賜額曰十方淨因禪院帝留意
空宗下三省定議召有道者住持歐陽公修陳公師孟奏請廬山圓
通寺居訥允寧親自馳詔下江州訥稱目疾不
起帝益敬重聽舉自代訥乃以懷璉應詔僧寶

圓通 訥

江西湖東道江州路廬山圓通禪寺禪師名居訥梓州東川蹇氏子
生而英偉讀書過目成誦年十一出家十七試法華經得度成業講
肆會禪者南回勉其參請於是徧歷荆楚間迄無所得至襄州榮禪
師處密契心要留止十年遊廬山道望日重南康守程師孟請住歸
宗遷圓通至是淨因詔之不起舉懷璉以自代天下賢訥為知人既

禪坐 義手

老休居寶積巖神宗熙寧四年二月八日無疾端坐而逝壽六十二
臘四十五塔于巖塢師禪坐初又手自如至中夜漸升至膺侍僧每
候之以待曉色師嗣襄州子榮禪師榮嗣智門祚祚嗣香林遠遠嗣
雲門偃禪師僧寶

庚寅 皇祐二年

大契丹 重熙十八年

西夏

大覺璉

禪師名懷璉福建道漳州龍溪陳氏子齠齡出家卅角圓頂
篤志學道即慕參尋造泐潭法席投機承印可事之十餘年

遊廬山掌訥禪師記室於圓通院皇祐元年詔圓通居訥禪師住持左街十方淨因禪院訥舉師代已至是庚寅二月十九日召對化城殿問佛法大意奏對稱旨賜號大覺禪師齋畢傳宣劾南方禪林儀範開堂演法又宣左街副僧錄慈雲大師清滿啓白偈曰帝苑春回皇家會啓萬乘既臨於舜殿兩街獲奉於堯肩爰當和煦之辰正是闡揚之日宣談祖道上副宸衷問答罷乃曰古佛堂中曾無異說流通句內誠有多談得之者妙用無虧失之者觸途成滯所以谿山雲月處處同風水鳥樹林頭頭顯道若向迦葉門下直得堯風浩蕩舜日高明野老謳謠漁人鼓舞當此之時純樂無爲之化焉知有恁麼事皇情大悅後遣中使問曰才去豎拂人立難當師即以頌回進曰有節非干竹三星遶月官一人居日下弗與衆人同帝覽大悅詔入對便殿賜羅扇御題元寂頌於上帝與師問答詩頌書以賜之凡十有七篇至和二年三月師乞老山居進頌曰六載皇都唱祖機兩曾金殿奉天威青山隱去欣何得滿篋唯將御頌歸御和頌曰佛祖明明了上機機前薦得始全威青山般若如如體御頌收將甚處歸仍遣使宣諭曰山卽如如體也將安歸乎且住京國作與佛法師再進頌謝曰中使傳宣出禁圍再令臣住此禪扉青山未許葳千拙白髮將何補萬機霄露恩輝方湛湛林泉情味苦依依堯仁況是如天闊

應任孤雲自在飛帝初閱投子山禪師語錄僧問如何是露地白牛投云叱叱由此有契乃製釋與頌十四首今以一賜師曰若問主人公真寂合太空三頭并六臂臘月正春風師進和曰若問主人公澄類碧空雲雷時鼓動天地盡和風帝覽之宣賜龍腦鉢孟師謝恩罷乃曰佛法以壞色衣以瓦鐵器此鉢非法遂焚之中使回奏帝嘆訝久之修撰孫覺幸老以書問宗教師答之其略曰妙道之意聖人嘗寓之易至周衰先王之法壞禮義亡然後奇言異術間出而亂俗迨我釋迦入中土醇以第一義示人而始末說爲慈悲以化衆生亦所以趣時也自生民以來淳朴未散則三皇之教簡而素春也及情實日鑿則五帝之教詳而文夏也時與世異情隨日遷故三王之教密而嚴秋也昔商周之誥誓後世學者有所難曉彼當時人民聽之而不違則俗與今如何也及其弊而爲秦漢也則無所不至而天下有不忍願聞者於是我佛如來一推之以性命之理教之以慈悲之行冬也天有四時循環以生成萬物而聖人之教迭相扶持以化成天下亦猶是而已矣至其極也皆不能無弊弊跡也道則一耳要當有聖賢者世起而救之也自秦漢至今千有餘歲風俗靡靡愈薄聖人之教裂而鼎立互相詆訾不知所從大道寥寥而莫知返良可歎也師以禪寂自任持律嚴甚於都城之西構精舍舜老夫禪師名曉

舜號 舜住廬山棲賢為郡吏臨以事民其衣依師而住師館之于正寢而

老矣 自處偏室執弟子禮甚恭王公貴人來候者恠之師具以實對曰吾

少嘗問道於舜今其不幸其可以像服二吾心哉帝知之賜舜再落

髮仍住棲賢寺舜瑞州人住南康雲居嗣洞山曉聰禪師聰嗣文殊

應真真嗣德山緣密密嗣雲門偃禪師舜於璉昆季也英宗治平二

年師上疏丐歸帝附以劄子曰大覺禪師懷璉受先帝聖眷累錫宸

章屢貢欵誠乞歸林下今從所請俾遂閑心凡經過小可庵院隨住

住持或十方禪林不得逼抑堅請師携之東歸鮮有知者既渡江少

留金山西湖四明郡守以阿育王山廣利禪寺虛席迎之九峯韶公

作疏勸請師乃赴之融澤四明之人相與出力建大閣藏所賜

御製詩頌榜之曰宸奎翰林學士兼侍讀端明殿學士蘇軾為記軾

以書問之曰承意作宸奎閣碑謹已撰成衰朽廢學不知堪上石否

見叅寥說禪師出京日英廟賜手詔其略云任性住持不知果有否

如有切請錄示全文欲添入此一節師終藏而不出逮委順後獲於

篋笥江西瑩仲溫羅湖錄稱之曰大覺之不暴耀足以羞挾權恃寵

者之顏若夫仁廟萬機之暇與璉唱酬發揮宗乘以資至治所以宸

奎閣所謂得佛心法古今一人而已誠哉斯言也大覺年八十二歲

哲宗元祐五年無疾而化師嗣泐潭澄澄嗣五心戒嗣雙泉寬寬

嗣雲門偃
禪師五燈

浮山九帶 禪師諱法遠鄭州王氏子年十九遊并州冀灃嶺投三交

蒙印可嘗與達觀穎薛大頭七八輩遊蜀幾遭橫逆師以智脫之眾

以師曉吏事故號遠錄公住舒州今安慶路浮山號圓鑒禪師歐陽公

修聞師奇逸造其室未有以異之與客碁師坐其旁文忠遽收局請

因碁說法師即令擲鼓陞座曰若論此事如兩家着碁相似何謂也

敵手知音當機不讓若是綴五饒三又通一路始得有一般底祇解

閉門作活不能奪角衝關硬節與虎口齊羴局破後徒勞綽幹所以

道肥邊易得瘦肚難求思行則徃徃失黏心羸而時時頭撞休誇國

手謾說神仙羸局輸籌即不問且道黑白未分時一着落在甚麼處

良久曰從來十九路迷悟幾多人文忠嘉歎久之從容謂同僚曰修

初疑禪語為虛誕今見此老機緣所得所造非悟明於心地安能有

柴石
野人

會聖嚴叙佛祖與義作九帶年七十餘而歸寂自稱柴石野人師嗣

汝州葉縣廣教院禪師歸省省嗣首山念念嗣風穴沼沼

嗣南院顯顯嗣興化獎獎嗣臨濟玄禪師九帶傳全塔現

東○夏五月十八日。台州東掖山神照法師本如入寂。師從法智悟經王。而繼慈雲東掖三十年。嗣子檀庵有嚴。白蓮處咸。神悟處謙。鐵斷。錄

心經李觀字泰伯。盱江人。時稱大儒。至是皇祐二年。范文正公以表薦之。就門除一官。復差充太學說書。未幾而卒。泰伯初嘗著潛

書。又廣潛書。力於排佛。明教大師高公攜所著輔教編謁之。辯明泰伯方留意讀佛經。乃悵然曰。吾輩議論尚未及一卷。般若心經。佛道

豈易知耶。其門下士黃漢傑者。以書詰其然。泰伯答之略曰。民之欲善。蓋其天性。古之儒者用於世。必有以教導之。民之耳目鼻口心知

百體。皆有所主。其異端何暇及哉。後之儒者用於世。則無以教導之。民之耳目鼻口心知。如百體皆無所主。舍浮圖何適哉。仲軀心經凡三

譯。皆行於世。今泰伯所稱者。乃唐太宗詔三藏法師玄奘所譯之本。五十四句二百六十七字。

辛卯 皇祐三年。佛示寂。大契丹 重熙十九年 西夏

壬辰 皇祐四年。大契丹 重熙二十年

儂智高陷雍州。即州建大南國。僭號仁惠皇帝。改元啓曆。據南詔。南詔去蜀二千餘里。錄

雪竇 明州雪竇山禪師名重顯。字隱之。太平興國五年四月八日生。遂寧府李氏。幼依益州普安院仁銑上人出家。受具。出蜀浮沉

荆渚間。嘗與賓大陽。北遊至復州。北塔祚禪師愛師精銳。留止五年。盡得其道。將造錢塘。值曾學士於淮南。曾以書薦師於靈隱。珊禪師

師至陸沉已三年。曾公奉使浙西。訪師於靈隱。堂僧千餘人無識之者。檢床曆物色得之。曾問向所附書。師袖而納之。曾大笑。珊益以奇

之。師出世蘇州翠峰。遷明州雪竇。宗風大振。至是皇祐四年六月十日。尸作吐沐浴。出杖屨衣盂散及徒眾。攝衣北首而逝。壽七十三。夏

五十。全身塔于寺之西塢。賜號明覺大師。得法上首天衣懷禪師等。師暮年悲學。者尋流失源。作為道日損。偈曰。三分光陰。二早過。靈臺

一點不揩磨。貪生逐日區區去。喚不迴頭爭奈何。其敷揚宗旨妙語。偈頌。徧播叢林。師嗣智門祚。祚嗣香林遠。遠嗣雲門偃禪師。燈

癸巳 皇祐五年。大契丹 重熙二十年 西夏

知制誥呂溱出知杭州。首請法智下第一世實相法師梵臻。以天台教觀主天竺看經院。紀勝

甲午至和元年。大契丹 重熙二十二年 宋封孔愿 曰衍聖公

乙未二年

大契丹二十三年八月西夏月改元清寧

八月契丹主崩在位二十五年壽四十一歲謚曰文成皇帝廟號興宗子洪基立改重熙二十三年為清寧元年

丙申嘉祐元年

大契丹清寧二年

丁酉嘉祐二年

大契丹清寧三年

戊戌嘉祐三年

大契丹清寧四年

○定祖圖

明教大師契嵩明道年間從龍興西山歐陽氏昉昉兩借其家所藏之書讀於奉聖院遂以佛五戒十善通儒之五常著為原教是時歐陽文忠公修纂韓文公昌黎排佛盱江李泰伯亦其流師乃攜所業謁泰伯以論儒釋脗合且抗其說泰伯愛其文之高服其理之勝因致書譽師於文忠公既而師居杭州靈隱撰正宗記定祖圖至是嘉祐三年齋往京師經開封府投狀府尹王公素仲儀以劄子進之曰臣今有杭州靈隱寺僧契嵩經臣陳狀稱禪門傳法祖宗未甚分明教門淺學各執傳記古今多有爭競故討論大藏經

正宗

記

輔教

編

明教大師

備得禪門祖宗所出本末因刪繁撮要撰成傳法正宗記一十二卷并畫祖圖一面以正傳記謬誤兼註輔教編四十篇印本一部三卷上陛下書一封並不干求恩澤乞臣繳進臣於釋教粗曾留心觀其筆削註述故非臆論頗亦精緻陛下萬機之暇深得法樂願賜聖覽如有可采乞降中書看詳特與編入大藏目錄取進止帝覽其書可其奏乃送中書丞相韓魏公琦參政歐陽文忠公修相與觀嘆歐陽公曰不意僧中有此郎探經考證既無訛謬於是朝廷旌以明教大師號賜書入藏中書劄子曰權知開封府王素奏杭州靈隱寺僧契嵩撰成傳法正宗記并輔教編三卷宜令傳法院於藏經內收附劄付傳法院準此出聖仲溫羅湖文集初見周昭王四年佛正宗記下仲溫瑩公贊之曰嵩之高文至論是以寄宣大化既經進獻獲收附於大藏則維持法門之功日月不能老矣嗟夫吾徒有終身不過目者豈知潛利陰益所自耶

己亥嘉祐四年

二月弛大契丹

茶禁

清寧五年

西夏

歐陽公修宋公祁修唐書成修又撰五代史七十四卷洪邁容齋三筆曰舊唐書五代史二書關佛氏處新書史刪盡矣四月帝以周恭帝子崇義公給田千頃令奉周祀緡

庚子

嘉祐五年

大契丹

清寧六年

西夏

達觀禪師

達觀禪師名曇穎杭州錢塘丘氏子年十三依龍興寺為大僧二十
遊京師師為人奇逸智識敏妙書史無不觀詞章尤雅麗夏文莊公
竦王文康公暉歐陽文忠公脩節度使李端懿端愿咸扣玄關敬以
師禮殊相樂也時錄其語目之曰登門集師初謁大陽明安禪師次
謁石門聰公侍之日久盡契玄奧東遊初住舒州慶豐香爐峯遷潤
州吟嶺因聖太平之隱靜明州雪竇再遷潤之金山至是嘉祐四年
除夕遣侍者持書別揚州刁景純學士曰明旦當行不暇相見厚自
愛刁驚曰當奈何乃復書訣別馳書吏至岸師遽命擊鼓陞座敘出
世本末勉眾勿怠又曰吾化當以賢監寺補次金山懷賢禪師下座讀景純
書畢歸方丈大眾擁隨之跣趺良久乃化壽七十二夏五十三師嗣
襄州谷隱山慈照禪師蘊聰聰嗣首山念念嗣風穴沼臨濟派也續
達觀嘗作性辯其文曰今古聖賢言性者只得情也脫能窮理不能
盡性何也不知三才萬物皆性也天性上地性下金生水濕木直火
熱土厚此五行性也統而論之精而察之萬物之性皎然可見矣就
中最靈者人也陰陽交遘而生變化而動者情也約人情純粹者也
其所以可上可下為賢為愚受性上者君子也外情不能惑性雖混

性辯

於小人猶金玉之土石耳至於堯舜禹湯垂名萬古乃當時保高位
守常道而察人情隨性立法也桀紂幽厲惑富貴失大寶縱自性被
情遷也天地雖無情風雲四時易其候山川萬物亂其形唯人居中
度天時隨地利而不失其節所以人為天地心也情意識皆本乎性
也隨物所顯故外有多名耳餘不可備敘也情者心也牽於用意者
志也記於事識者知也辯於物愛惡喜怒皆情也夫為大聖人者性
決定也不被外惑不為情牽性制於情也所以我教謂之正覺者
也易唯知窮理盡性之說而未見乎出古入今之道者也僧寶傳

天衣

越州天衣禪師名義懷温州樂清陳氏子長遊京師依景德寺為童
行天聖年間試經得度師七坐道場晚年以疾居池陽杉山庵門弟
子杭州臨平山佛日禪師智才迎歸侍奉至是嘉祐五年才往蘇州
師速其歸才至師說偈曰紅日照扶桑寒雲封華嶽三更過鐵圍撥
折驪龍角才曰卯塔既成如何是畢竟事師舉拳示之遂就寢推枕
而寂塔全身寺東之原師嗣雪竇顯禪師徽宗崇寧中謚振宗禪師

辛丑

嘉祐六年

大契丹

清寧七年

西夏

天鉢元公

文潞公彥博以使相鎮魏府口北魏路也文慧禪師名重元居天鉢寺
一日言別公曰師老矣復何往師曰入滅去公語其子友甫曰元公

道韻深穩言笑有味非常僧也往候之果已坐脫方盛暑香風襲人
火化煙色白瑩舍利無數公執上所賜白琉璃餅祝曰舍利可得乎
煙卽入餅中舍利填满公愈信重留心內典師生青州千乘孫氏年
十七出家冠歲圓具遊方至天衣法席頓悟玄旨天衣曰此吾家千
里駒也師四易名藍在處緇
白仰慕嗣天衣懷禪師鐔燈

律部 ○會正記 堪律師所作師名允堪錢塘人幼從天台崇教大師慧思祝
髮學無不通專精律部慶曆皇祐以來依律建戒壇於杭之

大昭慶蘇之開元秀之精嚴歲歲度僧祝延聖壽師著會正記等文
十二部講續南山宣律師之律藏自其後有靈芝律師元照繼嗣其
宗焉師是年十一月二十六日入寂於昭
慶移塔西湖菩提號真悟智圓大律師鐔

壬寅 嘉祐七年 大契丹 清寧八年

雲峯 ○雲峯禪師名文悅生隆興徐氏七歲剃髮於龍興寺粹美有精識年
十九徧參江淮意詣荊州金鑾瑞州大愚先至大愚見芝禪師屋老
僧殘荒涼如傳舍芝自提笠日走市井暮歸閉關高枕欲去之芝適
上堂曰大家相聚喫葶藶喚作一莖薺入地獄如箭射下座師駭焉

夜造丈室芝曰來何所求曰求佛心法芝曰我忍饑不暇何暇爲汝
說法汝可爲衆乞飯去師卽請行未幾芝遷西山翠巖師從之詣丈

室芝曰又欲求佛心法耶汝不念乍住屋壁踈漏且寒雪我忍寒不
能何能爲汝說法佛法未到爛却可爲衆營炭師奉命及還維那闕

架榻 職師造丈室芝曰佛注不怕爛却堂司一職今以煩汝師有難色欲
棄去自念勤勞日久何得中止然抑有恨於芝適後架架上榻縮爆

桶墮地乃大悟頓見芝從前用處亟着伽黎走至寢堂芝迎笑曰維
那且喜大事了畢師再拜汗下服勤八年而芝歿師東遊三吳所至

特設 茶榻 叢林改觀雪竇顯禪師尤敬畏之每集衆茶必橫設特榻示禮異之
南昌移文請住翠峯又遷雲峯上堂曰語不離窠曰焉能由蓋纏片

雲橫谷口迷却幾人源所以道言無展事語不投機承言者喪滯句
者迷汝等諸人到這裏憑何話會良久曰欲得不招無間業莫謗如

來正法輪上堂有情之本依智海以爲源含識之流總法身而爲體
祇爲情生智隔想變體殊達本情忘知心體合諸禪德會麼古佛與

露柱相承佛殿與燈籠鬪額若也不會單重交折至是嘉祐七年七
月八日陞座辭衆說偈曰住世六十六年爲僧五十九夏禪流若問

旨歸鼻孔大頭向下遂泊然而逝闍維五色舍利塔於禹溪北
師嗣大愚禪師守芝芝嗣汾陽善昭昭嗣首山念禪師僧寶

癸卯 嘉祐八年。三月大契丹。清寧九年。

西夏

英宗 諱曙。漢王子。太宗孫也。即位年三十三。在位四年。壽三十七歲。

治平四年

甲辰 治平元年。大契丹。清寧十年。

西夏 寇宋邊

乙巳 治平三年。明大曆二年。大契丹。咸雍元年。

秋八月三日。都城大雨。水泛漲。下詔求直言。宰相曾公亮嘗因數陳知杭州沈文通奏天竺看經院。社觀世音菩薩。始自石晉至今。治平。福天下澤生民。前後靈跡甚著。蒙旨賜曰天竺靈感觀音院。端明殿學士禮部侍郎蔡襄繼守是邦。一新院宇。用揭新額。紀勝。

丙午 治平三年。大遼。咸雍二年。契丹復。西夏 寇宋邊。

丁未 治平四年。帝崩。咸雍三年。

正月詔民間私造寺院屋宇。及三十間者悉存之。普賜額曰壽聖。躡繪殿。

神宗 諱頊。英宗子。年二十即位。銳意求治。大教東被。卒于凋弊。在位十八年。壽三十八歲。一千年矣。

熙寧十年 元豐八年


戊申 熙寧元年。大遼。咸雍四年。

西夏

巳酉 熙寧二年。大遼。咸雍五年。

西夏 宋冊乘常 爲夏國主

黃龍。隆興府黃龍禪師名慧南。信州章氏子。依泐潭澄禪師分座接物。名振諸方。偶同雲峯悅禪師遊西山。夜話雲門法道。峯曰澄公雖是雲門之後。法道異矣。師詰其所以異。峯曰雲門如九轉丹砂。點鐵成金。澄公藥汞銀。徒可翫。入煨則流去。師怒以枕投之。明日峯謝過。又曰雲門氣宇如王。甘死語下乎。有法授人者死語也。死語能活人乎。師曰若如是則誰可汝意。峯曰石霜圓手段出諸方。子宜見之。師即造焉。中途聞慈明不事事。忽叢林。遂登衡嶽。謁福嚴賢。命師掌書記。俄賢卒。郡守以慈明補席。入院貶剥諸方。件件數爲邪解。師爲之氣索。



遂造其室。明日書記頌徒遊方。借使有疑。可坐而商略。師哀懇愈切。明日公學雲門禪。必善其旨。如云放洞山三十棒。是有喫棒分。是無喫棒分。師曰有喫棒分。明色莊曰。從朝至暮。鵲噪鴉鳴。皆合喫棒。師遽炷香作禮。明端坐受之。復問之曰。趙州道臺山婆子。我為汝勘破了也。且那裏是他勘破婆子處。師汗下不能加答。次日又詣。明詬罵不已。師曰。罵豈是慈悲法施耶。明日你作罵會那。師於言下大悟。作頌曰。傑出叢林。是趙州。老婆勘破。有來由。而今四海清。如鏡行人。莫與路為讐。呈慈明明。領之後。開法同安。初受請。日泐潭來。僧審提唱之語。有曰。智海無性。因覺妄而成。凡覺妄元虛。即凡心。而見佛。便爾休去。將謂同安無折。合隨汝顛倒所欲。南斗七。北斗八。僧舉似澄澄。不憚。師住黃龍。室中設三轉語。人人有箇生緣。舉手口我手。何似佛手。垂足曰。我脚何似驢脚。叢林目曰。黃龍三關。遷黃檗。師嗣慈明。圓禪師。至是熙寧二年三月十七日。午刻。饌客罷。起至寢室前。大眾肅侍。跏趺端坐。而逝。關維火化。舍利五色。塔于前山。謚普覺禪師。傳嗣弟子真淨克文。東林常總。晦堂祖心等。鐙燈

佛印。

佛印禪師。名了元。字覺老。饒州浮梁林氏子。世業儒。幼歲出家。寶積寺。禮沙門日用為師。試法華經。受具。遊廬山。謁開先。遲禪師。遲稱賞

之。年十七。謁圓通。訥禪師。訥以書記懷。璉應詔。虛其職。以師補之。年二十八。住江州。承天。為開先之嗣。自承天。遷淮之斗方。廬山之開先。歸宗。潤之金山。焦山。江西袁州之大仰。住雲居。四十年。間德洽。緇素。蘇翰林。軾謫黃州。師住廬山。歸宗。與黃州對岸。相與酬酢。章句。哲宗元符元年正月四日。談話別衆。一笑而化。世壽六十七。歲僧夏五十。有二師。嗣開先。善暹。暹嗣德山。遠遠。嗣雙泉。郁郁。嗣雲門。偃禪師。鐙

庚戌

熙寧三年

大遼

咸雍六年

西夏

富鄭公弼。以使相鎮亳州。迎至穎州。華嚴禪院。證悟禪師。脩顯。諮決心法。及致仕居洛陽。以頌寄蘇州。圓照本禪師曰。曾見顯師。悟入深因緣。傳得老師心。東南謾說江山遠。目對靈光與妙音。仍有書曰。弼留心祖道。為日已久。常恨不遇明眼人。開發蒙陋。雖久聞盛德。而無由瞻謁。昨幸出守臺社。與穎州接境。因里人張比部。景山。請得顯師。下訪。相聚幾一月。以慈悲方便之力。令有悟處。會結夏。逼日。四月初。遽且歸。穎。其於楷磨。淘汰。則殊未有功。衰病相仍。昏鈍難入。昔古靈師。所謂不期。臨老得聞。極則事。見之於弼。今日矣。天幸天幸。弼雖得法於顯師。然本源由老和尚而來。宗派甚的。必須亦欲成持。更望垂慈攝受。遠賜接引。未至今。至則為南嶽下。龐蘊百丈下。裴休也。經談

○趙清獻公抃平居以北京衿猷天鉢重元禪師錫慶為方外友而咨
 決心法暨牧青州日聞雷有省即說偈曰退食公堂自凭几不動不
 搖心似水霹靂一聲透頂門驚起從前自家底舉頭蒼蒼喜復喜刹
 刹塵塵無不是中下之人不得聞妙用神通而已矣已而答富鄭公
 書略曰近者旋附節本傳燈三卷當已通呈今承制宋威去餘七軸
 上納抃伏思西方聖人教外別傳之法不為中下根機之所設也上
 智則頓悟而入一得永得愚者則迷而不復于差萬別唯佛與祖以
 心傳心其利生接物而不得已者遂有棒喝拳指揚眉瞬目拈椎豎
 拂語言文字種種方便去聖逾遠諸方學徒忘本逐末棄源隨波滔
 滔皆是斯所謂可憐憫者矣抃不佞去年秋初在青州因有所感既
 已稍知本性無欠無餘古人為安樂法門信不誣也比蒙太傅侍中
 富貴如是之極道德如是之盛福壽康寧如是之備退休閑逸如是
 之高其所未甚留意者如來一大事因緣而已今茲又復於真性有
 所悟入抃敢為賀於門下也清獻公至是元豐二年以太子少保致
 政歸衢州與里民不間位貌築居曰高齋有偈見意曰腰佩黃金已
 退藏箇中消息也尋常時人要識高齋老只是柯村趙四郎又誌其
 壽塋曰吾政已致壽七十二百歲之後歸此山地彼真法身不即不
 離充藥大千普現悲智不可得藏不可得置壽
 塋之說如是如是公元豐七年秋八月薨羅湖集錄

辛亥 熙寧四年 大遼 咸雍七年 西夏 十一月夏

夏六月歐陽公脩以觀文殿學士太子少師致仕居潁州公以文章
 道德為儒者宗心雖一貫言必排佛氏仁宗嘉祐五年為樞密副使
 六年閏八月叅知政事兼譯經潤文使既登二府多病嘗夢至一所
 十人冠冕環坐一人曰叅政安得至此宜速反舍公出門數步復往
 問之君等豈非釋氏所謂十王者乎曰然因問世人飯僧造經果有
 益乎曰安得無既寤病良已自是深信佛法丹陽葛勝仲得此說於
 簡齋陳與義與義得於公之
 孫恕昭然也吳克作歐公行狀又韻語陽秋

壬子 熙寧五年 大遼 咸雍八年 西夏

實相法師梵臻是歲居杭州南
 屏興敬寺通守蘇軾敬之遺事
 舒州慶今安白雲禪師名守端衡陽葛氏子幼事翰墨冠依茶陵郁禪
 師披剃往叅楊歧歧一日忽問受業師為誰師曰茶陵郁和尚歧曰

吾聞伊過橋遭顯有省作傷能記否師誦曰我有明珠一顆久被塵勞關鎖今朝塵盡光生照破山河萬朵歧笑而趨起師愕然通夜不寐黎明咨詢之適歲暮歧曰汝見昨日打驅難者麼曰見歧曰汝一籌不及渠師復駭曰意旨如何歧曰渠愛人笑汝怕人笑師大悟中侍久之辭遊廬山圓通訥禪師舉師住承天聲名籍甚又遜居圓通次徙法華龍門興化海會所至眾如雲集至是熙寧五年入寂壽四十八歲嗣楊歧會會嗣慈明圓禪師錄寶

癸丑 熙寧六年

大遼 咸雍九年

西夏 三月夏 寇秦州

海月 鄱師 秋七月十七日天竺靈山寺海月大師慧辯晨起盥潔謝眾趺坐而寂杭州通守蘇軾弔以三詩序而贊之辯之後慧淨大師思義義有四弟子德賢仲元永湛慧日皆相踵主法元之弟子曰慈明大師慧觀又繼日師住持觀收慈雲懺主詩文為靈苑金園天竺三集天竺

甲寅 熙寧七年

大遼 咸雍十年

西夏

乙卯 熙寧八年

熙寧八年元曆 行奉大遼

咸雍十一年

丙辰 熙寧九年

大遼 咸雍十二年

丁巳 熙寧十年

大遼 咸雍十三年

○荆國公王安石臨川人至是熙寧三年冬十二月拜相七年夏四月不雨安石罷相八年二月再相熙寧九年冬十月安石罷政歸建康十年奏施建康舊第為禪寺請克文住持帝賜額曰報寧賜文號真淨禪師文隆興寶峯雲庵禪師也名克文生陝府鄭氏叅黃龍南禪師深得玄奧嗣南禪師至徽宗崇寧元年十月十五日出道具散諸徒中夜沐浴更衣跌坐而逝煙焰五色所至皆舍利分骨葬泐潭新豐焉禪師荆公謂蔣山禪師佛慧泉禪師曰世尊拈花迦葉微笑頃在翰苑偶見大梵王問佛決疑經三卷有云梵王在靈山會上以金色波羅華獻佛請佛說法世尊登座拈花示眾人天百萬悉皆罔措獨迦葉破顏微笑世尊曰吾有正法眼藏涅槃妙心分付迦葉梅溪集

蔣山 佛慧禪師名法泉生隨州時氏隨州 湖北道幼歲出家群書博覽過目成誦號雅泉萬卷遍叅知識玄機頓悟應世住持屢遷大刹住蔣山日建康因雪上堂召大眾曰還有過得此色者麼良久曰文殊笑普賢嗔眼裏無筋一世貧相逢盡道休官去林下何曾見一人上堂

快人一言快馬一鞭若更眼睛定動未免紙裹麻纏脚下是地頭上是天不信但看八九月紛紛黃葉滿山川晚年召住京城大相國智海禪寺上堂問眾曰赴智海留蔣山如何卽是眾莫知對便歸方丈索筆書偈曰非佛非心徒擬議得皮得髓謾商量臨行珍重諸禪侶
 門外青山正夕陽擲筆踟躕而逝使回奏帝訝之勅謚佛慧禪師師嗣雲居曉舜禪師舜號舜嗣洞山聰聰嗣文殊真真嗣德山密密嗣雲門偃禪師偃號偃師嘗作北却行略錫其文曰前山後山高峩峩喪車麟麟日日過哀歌幽怨滿巖谷聞者潛悲薤露歌哀歌一聲千載別孝子順孫徒泣血世間何物得堅牢大海須彌竟磨滅人生還如露易晞從來有會終別離苦樂哀感不暫輟况復百年驚夢馳去人悠悠不復至今人不曾古人意栽松起石駐墓門欲爲死者長年計魂魄悠悠揚形化土五趣人鬼茫茫并輪度今人還葬古人墳今墳古墳無定主洛陽城裏千萬人終爲北却山下塵沉迷不記歸時路爲君孤坐長悲辛昔日送人哭長道今爲孤墳臥芳草妖狐穿穴歲子孫耕夫撥骨尋珠寶老木蕭蕭生野風東西壞塚連晴空寒食已過誰享祀塚畔餘花寂寞紅日月相催若流矢貧富賢愚盡如此安得同遊常樂鄉縱經劫火無生死仲溫譔

羅漢
注雨

夏京輔大旱帝齋禱甚力夜夢一僧馳馬空中口吐雲霧旣而沛然雨足帝大悅使以像求之得於京城相國寺山門閣五百羅漢中第十三尊者也宰相王珪賀以詩曰良弼爲霖承空望神僧作霧應精求叅政元絳曰仙驥乘雲穿仗下佛花吹雨匝天流人爭誦之韓躡

戊午元豐元年

大遼

咸雍十四年

西夏

證戒
光記

杭州南山法師慧才解行入四明法智尊者之室每持大悲呪必百八遍而後止嘗夢觀世音菩薩脫袈裟以衣之至是春三月爲靈芝元照及道俗千人授菩薩大戒於雷峯方羯磨觀音像放光明初貫寶燄漸散講堂燈炬日光皆爲映奪淨慈法真禪師守一作證戒光記米芾書龍井辯才法師元淨立石燹

巳未

元豐二年

大遼

咸雍十五年

西夏

陸冬十月二十日慈聖光獻太皇太后曹氏崩宣淨因禪師道臻入慶壽宮陞座說法僧問慈聖僊遊定歸何處師曰水流元在海月落不離天宮庭無不加敬稱之曰善帝悅賜與甚厚及神宗上僊哲宗詔師福寧殿登高座說法詔曰禪師道臻素有德行可賜號淨照禪師

道臻。禪師名道臻字伯祥。生福州古田戴氏。幼不茹葷。十四歲出家。上生院。又六年為大僧。閱大小經論。置之曰。此方便說耳。即持一鉢走江。

淮。遍叅知識。得旨於浮山遠禪師。遊京師。謁大覺璉禪師於淨因。璉使首眾僧於座下。璉公歸吳。眾請師繼住淨因。開堂日。英宗遣中使降香賜紫方袍。徽號京師。四方稱慶。至哲宗元祐八年八月十七日。沐浴更衣。說偈已。跏趺而化。壽八十歲。僧臘六十一。師嗣浮山法遠。

禪師遠嗣葉縣省省嗣首山念。念嗣風穴沼。沼嗣南院頤。頤嗣興化獎。獎嗣臨濟玄禪師。東都事畧并僧寶傳

庚申 元豐 大遼 咸雍十六年 西夏

改譯 譯經官制自唐以來。至是元豐譯經僧官皆授試光祿卿少卿。試鴻臚卿少卿。今改賜試卿曰三藏大法師。試少卿曰三藏法師。容齋

與可。文同字與可。東川梓潼人。嘗守洋州。浙西湖州。歷館職。文行高潔。畫竹精妙。至是一夕沐浴冠帶正坐而逝。館職崔公度聞之。驚曰。昨別與可於州南。意翛翛然。曰。明日復東乎。與可畫公度攜賓往候。觀其畫也。與可不答。明日獨往。與可曰。與公話。遂左右顧。恐有聽者。與可徐曰。吾聞人不妄語者。舌可過鼻。即吐舌引至眉間。三疊如餅狀。今言其死。與可信異人也。諫都傳

辛酉 元豐 大遼 咸雍十七年 西夏

蘇州。蘇州江瑞光寺禪師宗本。移住杭州淨慈。奔走天下禪子。道場甚盛。靈芝照律師送布三衣。僧伽黎衣七條五條瓦鉢。致書于師曰。佛制是物。上中下根。悉令遵奉。事因時舉。道籍人弘。勉其受持。為後學勸。師受之。終身食用瓦鉢。陞座說法。服此大布之衣。照律師行狀

羽士。丞相張無盡居士。諱商平居與廬山東林照覺總禪師為方外侶。當是辛酉秋。以序送羽士蹇拱辰字翊之。往叅問於總。曰。成都道士蹇翊之來言於余。曰。吾鄉羽衣之族。世相與為婚姻。娶妻生子。與俗流無異。拱辰因觀道藏神僊傳記。翻然覺悟。當吾血氣剛強。視聽聰明。嗥咿哇鳴。順吾耳。青黃赤白。炫吾目。甘脆膏腴。爽吾口。馨香馥烈。適吾鼻。滑澤纖柔。佚吾體。歡欣動蕩。感吾意。此六寇者。乘吾昏亂。晝夜與吾相親。而未嘗相釋也。一旦吾之形耗而羸。氣耗而衰。精耗而萎。神耗而疲。八風寒暑之所薄。百邪鬼祟之所欺。陰魄欲沉。陽魂欲飛。則六寇者。曾莫吾代。而天下之至苦。吾獨當之。房闈之戀。莫如婦。血肉之恩。莫如女。拱辰於是悉囊中之所有。與之而謝去。給以他事。出遊百里。遂泛涪江。下濮水。歷縉雲。出塗山。訪岑公之洞府。瞻神女之祠觀。而達於渚宮也。將泛九江入廬山。結茅於錦秀之谷。長嘯乎香

翠氏皆古俗

說偈曰。來時無物去時空。南北東西事一同。六處住持無所補。乃良
 久。監寺急當進曰。和尚何不道末後句。師曰。珍重珍重。言訖而逝。壽
 六十四歲。坐四十五夏。師嗣天衣義懷禪師。懷嗣雪竇顯顯嗣智門
 祚。祚嗣香林遠。遠嗣雲門偃禪師。續燈元豐間。樞密蔣公穎叔。與師
 為方外友。公平日雖究心宗。亦泥于教乘。因撰華嚴經解三十篇。頗
 負其知見。漕淮上至長蘆訪秀。而題方丈壁曰。余凡三日。遂成華嚴
 解。我於佛法有大因緣。異日當以此地。比覺城東際。唯具佛眼者當
 知之。秀於時辯之曰。公何言之易耶。夫華嚴者。圓頓上乘。乃現量所
 證。今言比覺城東際。則是比量。非圓頓宗。又云異日。且一真法界無
 有古今。故云十世古今。始終不移於當念。若言異日。今日豈可非是
 乎。又云具佛眼者。方知然。經云。平等真法界。無佛無衆生。凡聖情盡
 彼我皆忘。豈有愚智之異。若待佛眼。則天眼人眼。豈可不知哉。公於
 是悔謝。及秀之示寂也。公祭之。侑以文曰。方外之友。唯余與師。念昔
 相見。一語投機。師來長蘆。我漕淮沂。亦復交臂。笑言熙怡。我論華嚴
 師為品題。陷虎機緣。脫各徑畦。曷為捨
 我先其往而。蔬莫致誠。庶其歆之。羅湖
 十一月。司馬溫國公光。居洛十五年矣。上
 表進所編書。賜名資治通鑑。帝製序賜之。

通鑑

乙丑 元豐二年 大遼 咸雍二十一年 西夏 八年 帝崩

壽三月。哲宗即帝位。四月。詔法雲秀禪師。詣先帝神御說法。賜號圓
 通禪師。冬。十月。葬神宗永裕陵。詔淨因道臻。慧林宗本。入福寧殿說
 法。賜臻號淨照禪師。五月。司馬光
 本號圓照禪師。僧寶除門下侍郎

義天僧統 高麗國君文宗仁孝王第四子。出家名義天。是冬航海至
 至二浙。淮南京東諸郡。迎餞如行人禮。徧訪三學宗工。初抵鄞。師事
 明智中立。而友法鄰。請跋教乘。草庵入天台山。拜智者塔。渡浙造
 杭州上竺。以弟子禮事。慈辯從諫。受天台教觀。彌伽。次靈芝。拜大
 智元照。稟律藏。經。行。歷慧因。駘。稿。從。晉。水。淨。源。問。賢。首。宗。乘。華嚴
 過潤州金山。以禪規大展。拜佛印禪師。了元。元據座受禮。館伴楊傑
 以為疑。佛印曰。衆姓出家。同名釋子。義天抑僧耳。不如是。何以示華
 夏師法乎。朝廷聞之。以元為知大體。佛印。義天。朝京師。禮部郎
 中蘇軾。接伴。謁拜慧林圓照禪師宗本。有司館遇甚厚。圓照禪師
 衣蒲童子 是時太尉呂惠卿。字吉甫。學通內外。嘗注華嚴法界觀。及
 出新意。解莊子。因戍邊。暇日遊五臺山。至中臺。忽雲霧四

殊文

合暴風雷雨聲振林壑。從者驚竦，潛伏。斯須有物狀若蒼虬，半出雲霧間。太尉駭甚，移時稍霽。外望見一童子，體黑而披髮，以蒲自足，纏至肩，袒右膊，手執梵夾，問太尉曰：「官人何見而震駭如此？」太尉曰：「夙有障緣，遇茲惡境。」童子曰：「今皆滅矣。」官人何求而來？太尉曰：「願見大士。」童子曰：「欲見菩薩何為？」曰：「嘗覽華嚴大教，旨深意廣，欲望大士發啓解心。」庶幾箋釋流行世間，使幽夜頓獲光明。大心者即得開悟。童子曰：「諸佛妙意，善順事理，簡易明白。先德注意可解，如十地一品，釋文不過數紙。今時枝蔓，注近百卷，而聖意逾遠。真所謂破碎大道也。」太尉曰：「童子貌若此而敢呵前輩乎？」童子笑曰：「官人謬矣。此間一草一木，無非文殊境界。在汝日用觸事不迷，此真文殊耳。曷以凡情亂於思慮？大尉悔前言之謬，即頓首下拜。纔起之間，童子現大士形，跨獅子隱隱雲中，不見。太尉自爾惋恨，心神恍惚。家人問故，太尉曰：「吾欲竭誠悔過，期再見衣蒲童子，即嚴具香火，晨夕以之。志於必見而後已。」久之忽見童子於香几上，呵曰：「胡為住相貪着之甚耶？」太尉曰：「正欲世人咸見大士示化之真容耳。」即命畫工圖之，頃刻不見。華嚴感應錄并紫芝佛運編年

哲宗

神宗第六子，十歲即位。宣仁太后高氏臨朝聽政。相司馬光、呂公著、元祐之治盛焉。紹聖之後，政不逮矣。在位十五年，壽二十五。

元祐八年 紹聖四年
元符三年

丙寅元祐元年

大遼 咸雍二十二年 西夏

春二月，司馬光拜左相。三月，程頤為崇政殿說書。一日，言聞陛下官中盟而避蟻，有是乎？帝曰：「然，深恐傷之耳。」頤曰：「推此心以及四海，帝王之要道也。」經政夏四月，呂公著拜右相，文彥博太師平章軍國重事。紀帝秋九月，溫國文政公司馬光薨于相位。紀帝冬十月，勅改衍聖公為奉聖公。仍置教授一員，教孔氏子弟。宋鑑台州白蓮寺法真大師處，咸雍七月二十三日，與眾言別，跏趺而逝。嗣法二弟子，曰智涌、了然，曰真教、智僊，僊傳圓智上竺證悟大師也。釋淨土 汴京有曦法師者，定中遊淨土，見大蓮華，光明黃色，題名其二。州靈巖，曦問曰：「禪師何故位歸淨土？」圓照曰：「宗本修禪，時心在極樂世界，無二相也。」實錄

丁卯元祐二年

大遼 咸雍二十三年 西夏 春正月，宋冊李

秀州崇德界有車溪僧因唐世青鎮古塔建壽聖院請法師擇卿開山住持卿慈辯之子南屏之孫法智下第三世也入寂於徽宗大觀間塔葬院南芙蓉浦上有嗣子曰可觀有朋齊壁如湛善榮燈燈相續學侶皆龍象歲建法華三昧期懺高宗居德壽宮改壽聖為廣福院吳越講宗多車溪之派繫詩記

戊辰 元祐三年

大遼 咸雍二十四年

西夏 四月寇塞門寒

晉 杭州南山慧因寺法師名淨源生晉江楊氏先世泉之晉水人故學者以晉水稱師受具叅方受華嚴於五臺承遷學合論於橫海明單南還聽楞嚴圓覺起信於長水法師子璿四方宿學推為義龍因省親于泉泉主請住清涼復遊吳住報恩觀音杭守沈文通置賢首院於祥符寺以延之遷秀州青鎮密印寶閣移華亭普照之善住左丞蒲宗孟撫杭愍其苦志于宗奏慧因寺以居師高麗義天僧統之來也申弟子禮以見師初華嚴一宗疏鈔久矣散墜因義天持來咨決逸而復得義天之還國也以金書華嚴三譯本一百八十卷自高麗遣使遺師建大閣安奉之故俗呼慧因為高麗寺至是元祐三年十一月巳酉師乃入滅世壽七十八歲塔舍利於寺西北隅其宗稱為中興教主大尉呂惠卿字吉甫為建行業碑仍作華嚴閣記蔣之奇立石傳本○華嚴經晉譯六十卷唐譯八十卷

巳巳 元祐四年

大遼 咸雍二十五年

西夏

靈芝律師元照普勸道俗歸命西方極樂世界阿彌陀佛是時龍圖閣學士知杭州蘇軾乃以捨其母蜀郡太君程氏遺留簪珥采畫淨土佛像以薦父母○冬十月真州長蘆院禪師宗贖與當仍作頌讚之文棟賦時名勝盛結蓮華淨土念佛社江冬十一月三日高麗國義天僧統遣其徒壽介至杭祭晉水於墳塔行業碑

庚午 元祐五年

大遼 咸雍二十六年

西夏

西湖 唐白居易居易刺杭州浚理為勝槩至是龍圖閣學士蘇軾守杭州秦杭有西湖猶人之有眉目而葑生已翳乃浚湖之舊環三十里際山為岸積其葑於湖旁直通南北為長堤楊柳木芙蓉間值其上杭人名曰蘇公堤坡集

辛未 元祐六年

大遼 咸雍二十七年

西夏

黃山 太史黃公諱庭堅字魯直號山谷道人至是丁家艱館黃龍山從晦
 谷 堂禪師祖心遊與死心新草堂清尤篤方外契晦堂因語次舉孔子
 謂弟子以我為隱乎吾無隱乎爾吾無行而不與二三子者是丘也
 請公詮釋而至于再晦堂不然其說公怒形於色沉默久之時當暑
 退涼生秋香滿院晦堂曰聞木犀香乎公曰聞晦堂曰吾無隱乎爾
 公欣然頷解及在黔南致書死心新曰往日嘗蒙苦口提撕常如醉
 夢依稀在光影中蓋疑情不盡命根不斷故望崖而退耳謫官在黔
 州道中晝臥覺來忽然廓爾尋思平生被天下老和尚賺了多少惟
 有死心道人不肯乃是

第一相為也感羅湖鏹

大道 秋八月汴京法雲寺禪師法秀入寂詔杭州淨慈寺禪師善本繼席
 住持賜號大通禪師師名善本姓董氏漢仲舒之裔也大父琪父温
 皆官於穎遂為穎人甫及長博極群書無任宦意仁宗嘉祐八年與
 弟善思往京師地藏院試經得度習毘尼東遊至蘇州今平江路禮圓照

本禪師於瑞光發明悟真執侍五年圓照令師依圓通秀公又盡其
 要神宗元豐七年渡淮留太守巖久之出住雙林遷淨慈至是詔住

法雲賜大通號師凡所住見佛菩薩像之行立者終不敢坐齋食以
 魚獻名者不食其真誠敬事防心離過類如此元祐七年秋師丐老

真誠 故事

歸杭州西湖制可至徽宗大觀三年十二月甲子屆三指謂左右曰
 止有三日已而果歿塔全身於上方世壽七十五歲僧臘四十五夏
 師嗣圓照本禪師世謂大

小本焉圓照嗣懷禪師續

才辯 ○ 九月二十日杭州龍井山辯才法師入寂師名元淨自仁宗嘉祐末
 歷治平熙寧三朝住上天竺一十七年道滿朝野元豐間辭而復住

又三年晚居龍井飲食起居之際眉間流光皆舍利謂參寥子道潛
 曰吾淨業已成越七日無疾右脇而逝門下侍郎蘇轍銘其塔龍圖

閣學士知穎州蘇軾祭之文曰孔老異門儒釋分宮又於其間禪律
 相攻我見大海有南北東江河雖殊其至則同維大法師自戒定通

律無持破垢淨皆空講無辯訥事理皆融如不動山如常撞鐘如一
 月水如萬竅風八十一年生雖有終遇物而應施則無窮我初適吳

尚見五公講有辯海月臻也補所禪有連也大覺高明教也

後二十年獨餘此翁此又去矣後生誰宗龍井碑文集

悅 ○ 江西隆興府興隆巖巖率寺禪師名從悅生贛州熊氏初首眾於道吾
 謁雲蓋智和尚智指之見洞山文禪師深領奧旨出世席花至是元

祐六年冬十一月辛卯師澡浴集眾說偈曰四十有八聖凡盡殺不
 是英雄龍安路滑奄然而化願法要悟心者無盡居士商英張公公

遣使持祭。且曰：老師於祖宗門下，有大道力，不可使來者無所起敬。俾塔於龍安之乳峯，後為秦謚師號，嗣真淨文禪師。與洪雲杲同稟無盡張公，蚤負禪學，猶欲尋諸宗師，與之決擇。因朱給事世英語及。兜率悅禪師禪學高妙，聰敏出於流類。至此元祐六年，公漕江西，按部分寧。五禪住持逆於旅亭，顧問至。兜率公曰：聞師聰敏之名久矣。悅遽對曰：從悅臨濟兒孫，若以聰敏說文章，定似都運談禪。公雖壯其言而意不平，遂作偈命五禪舉揚。曰：五老機緣共一方，神鋒各向袖中藏。明朝老將登壇者，便請橫矛戰一場。悅當其末，提綱之語，盡貫前者。公因喜之。乃遊兜率，相與夜談及宗門事。公曰：比看傳燈錄一千七百尊宿機緣，唯疑德山托鉢話。悅曰：若疑托鉢話，其餘則是心思意解，何曾至大安樂境界。公憤然就榻，屢寢屢起，夜將五鼓不覺起，翻溺器，忽大省發，甚喜。即扣悅丈室門，謂悅曰：已捉得賊了也。悅曰：賊物在甚麼處。公擬議，悅曰：都運且寢。翌日，公有頌曰：鼓寂鐘沉，托鉢回巖頭。一撥語如雷，果然只得三年活。莫是遭他受記來。別去未幾，悅遂歸寂。公登右揆之明年，當徽宗宣和辛卯歲二月，奏請悅謚號。遣使持文祭於塔祠曰：昔者仰山謂臨濟曰：子之道，作日盛行於吳越間，但遇風則止。後四世而有風穴延沼，沼以讖常不憚晚得省念而喜曰：正法眼藏，今在汝躬，死無遺恨矣。念既出世，首山荒

村破寺，衲子纔三十餘輩。然其道大振天下。師於念公為六世孫。於雲庵為嫡嗣。住山規範，足以追媲首山。機鋒敏妙，初不減風穴。余頃歲奉使江西，按部西安，相識於龍安山中。抵掌夜語，盡得其末後大事。正宗顯決，方以見晚為嘆。而師遽亦化去，惜其福不逮慧。故緣不勝，喜其德不可掩。故終必有後。有若疎山了常，兜率慧照，慈雲明鑒，清溪志言者，皆說法一方。有聞於時。有若羅漢慧宜，楊歧子圓，廣慧守真，贛川智宣者，皆遯跡幽居，痛自韜晦。風穴得一省念，遂能續列祖壽命。今龍安諸子，乃爾其盛。豈先師靈骨真灰，燼無餘耶。蓋其道行實為叢林所宗。向有光佛祖，有助化風。思有以發揮之，為特請于朝。蒙恩追謚真寂大師。嗚呼！余惟與師神交道契，故不敢忘外護之志。雖其死生契闊之異，而蒙被天子之殊恩，則幸亦共之。仰惟覺靈，祇此榮福。羅淵錫仲溫贊曰：夫蔚為儒宗而崇佛道，未有如公者。然非敏手，安能激發荷井上根。未易承當。至於嶽立廊廟，展大法，施既不忘悅之道義，而特與追榮。矢心以詞，勤勤若此。蓋所以昭示尊師重法歟。文集托鉢因緣。雪峯義存在，德山作飯頭。一日德山托鉢赴堂，雪峯曰：鐘未鳴，鼓未響。托鉢向甚麼處去。德山便歸方丈。雪峯舉似巖頭全齋。全齋曰：大小德山未會末後句。在。德山聞知，令侍者喚齋來前曰：汝不肯老僧那。齋密啓其意。山乃休。明日陞堂，果與尋常

雲庵真淨文也

真寂謚號

釋天普古各

不同。歲至僧堂前拊掌大笑曰。且喜堂頭老漢會末後句。他後天下人不奈伊何。雖然也祇得三年活。德山後三年示寂。鐫燈

壬申 元祐七年

大遼 咸雍二十八年

西夏

靈源禪師惟清。叅承晦堂心禪師於黃龍。清侍者之名著聞叢林。至是元祐七年。無盡居士張公。漕江西欽慕之。檄分寧邑官同諸山勸請出世於隆興觀音。其命嚴甚。時清寓興化。不得已遂親出投偈辭。免曰。無地無錐。徹骨貧。利生深愧。乏餘珍。鄆中大施門難啓。乞與青山養病身。黃太史魯直憂居里門。有手帖與興化海老曰。承觀音虛席。上司甚有意於清兄。清兄確欲不行。亦甚好。蟠桃三千年一熟。莫做退花杏子摘却。此事黃龍興化亦當作助道之緣。共出一臂。莫送人上樹。拔却梯也。林間瑩仲溫羅湖錄贊曰。江西法道盛於元祐間。蓋彈壓叢林者眼高耳。况遴選之禮優異如此。靈源以竭力辭。而太史以簡美之得非有所激而云。

癸酉 元祐八年 高氏崩

大遼 咸雍二十九年

西夏

甲戌 紹聖元年

大遼 咸雍三十年

乙亥 紹聖二年

大遼 壽昌元年 帝加尊西夏 號改元

遼 道宗洪基。加號聖文神武全功大略。聰仁孝惠。天祐皇帝。壽昌二年。大國舅帳蕭解里四郎君。善騎射。豪傑不羈。常養亡命數十人。從行。往來遊獵於遼。至東西郡間。其飲食用度強取。辦於富民。一日獲罪。遼國捕之。甚峻。即嘯聚為盜。未旬日有眾二千餘人。攻陷軋顯等數州。諸道發兵捕討。潛率眾奔生女真界。女真之種有生熟之分。熟女真阿骨打所居乃江之流。結楊割。大師謀叛。諸軍追襲至境上。北謂之生女真。亦臣于遼國。就結楊割。子付楊割。一面圖之。楊割遷。不敢進。乃具以聞。北樞密院尋降宣劄。子付楊割。一面圖之。楊割遷。延數月。獨斬解里首級。遣長子阿骨打獻遼。餘悉不遣。給云。已誅絕矣。遼不得已。反進。楊割父子官爵。自是楊割父子內恃。有功於遼。陰懷異志。吞併旁近部族。以金珠良馬。時常賂遺權貴。以通情好。睦。六月九日。韶州南華寺禪師重辯。請龍圖閣學士蘇軾書。柳宗元所撰六祖大鑿禪師碑。軾又題其後曰。釋迦以支設教。其譯於中國。必託於儒之能言者。故大乘諸經。至楞嚴。則委曲精盡。勝妙獨出者。以房融筆。受故也。柳宗元南遷。始究佛法。作曹溪南嶽諸碑。妙絕古今。自唐以來。頌述祖師者多矣。未有通亮簡正。如宗元者。蓋推本其言。與孟軻氏合。其可不使學者晝見而夜誦之。

三塔 是年南康雲居山真如院祐禪師始創之以葬寺之物故僧侶童行骨殖之所諸方自爾遵有之祐生信州上饒王氏嗣黃龍

南南嗣慈明
圓禪師續燈

丙子 紹聖三年

大遼 壽昌二年

西夏 冬十月大舉寇宋至延州見有備乃拔去

丁丑 紹聖四年

大遼 壽昌三年

東坡 蘇軾謫儋州惠州太守方子容奉勅書謂子瞻曰室人奉淮泗大聖僧伽甚謹前夕來別於夢中曰送蘇子瞻過海南今果此行數分已定夫復何憂姪信元符三年庚辰歲六月軾歸自海外居常州遊直與初黃州謫所築室東坡因號東坡居士徽宗建中靖國元年七月二十八日朝奉郎提舉成都府王局觀蘇軾卒于常州

戊寅元符元年

有大遼 壽昌四年

西夏 永安元年

己卯 元符二年

大遼 壽昌五年

參寥子 錢塘高僧名道潛以詩見知於蘇文忠公軾公號其為參寥子凡詩詞造唱更和形於翰墨必曰參寥及呂丞相公著為癸妙總師名之後與簡牘則曰妙總老師江浙石刻具存者多矣今略記公離錢塘以長短句別之曰有情風萬里卷潮來無情送潮歸問錢塘江上西

興浦口幾度斜暉不用思量今古俛仰昔人非誰似東坡老白首忘機記取西湖西畔正暮山好處空翠煙靄筭詩人相得如我與君稀約佗年東還海道願謝公雅志莫相違西州路不應回首為我沽衣仲溫瑩禪師贊曰噫今世之小生於有道宗師必名呼而示其忽慢亦安知文忠於一詩僧尚爾敬重况

道德崇重者耶瑩嗣大慧杲禪師燈

檀庵 台州赤城崇善寺法師名有嚴退庵于檀木之下號曰檀庵懷安養故鄉有詩四首凄婉感人其一章曰西方真淨本吾家今憶歸程十

萬餘客路吟嶺都已困風塵孤苦最堪嗟七重樹聳千般樂八德池開四色華莫恠近來歸夢切奈何榮辱事無涯時爭傳誦嚴生平篤於淨業徽宗建中靖國元年夏四月將終見寶池大蓮華天樂四列而歸寂師著大部備檢四卷箋難四卷助覽四卷或對四卷流通續

庚辰 元符三年

帝崩 正月大遼

壽昌六年

西夏

遼帝秋七月大漸戒孫延禧曰南朝通好歲久汝性剛切勿生事又戒大臣曰嗣君若妄動卿等當力諫止之帝崩在位四十六年廟號

道宗諡天福皇帝遼志

宋冬治泰陵知登封縣樓并請因餘力治嵩山少林道場達磨初祖之居也自監司郡縣百執事下逮士庶工賈不挽而同一朝而具名曰面壁庵林出芝十二本華各異色甘露雨于池夜有光四起屬天合為大陳東西數十里后山居士陳師道記曰子孔氏之門顏閔冉皆無傳仲弓之後有荀卿曾與之後有孟軻端木賜之後有莊休而荀孟莊之後無聞焉李氏之傳關尹尹之傳復無聞焉釋自能仁二十八世而為達磨又六世而為曹溪至於今又十

有五世矣而儒老子之徒欲校其源委誤矣后集

隆興黃龍山晦堂寶覺禪師名祖心冬十一月十六日入寂師生南雄鄔氏嗣黃龍南禪師得寶覺法道者曰草堂惟清死心悟新太史

黃山谷吳中立等登

徽宗 諱侂神宗第十子初對端王年十九即帝位在位二十五年六月十日為天寧節時當承平日久蘇杭置造作局朱勳父子致花石

綱管良嶽萬歲山民間一花一石亦以供御為名而脅之受賂滿所欲方免蔡京為太師內侍童貫領樞密受遼國燕人李嗣良而同歸言遼可取適女真來聘約夾攻遼金既滅遼復侵宋帝乃禪位太子尊帝曰太上皇為金師擁之北去降封天水郡王終於五國城續錄

建中靖國一 崇寧五 大觀四 政和七 重和 宣和

辛巳建中靖國元年 大遼 乾統元年 天祚西夏 立

遼 天祚立諱延禧道宗之孫秦主元吉之子自稱天祚皇帝淫縱失道卒至於亡國遼志

女真 楊割太師是歲死子阿骨打嗣

續燈錄 秋八月十五日汴京法雲寺佛國禪師名惟白集禪派宗師機緣為續燈錄三十卷進呈帝親為製序以賜之其文曰昔御 釋迦如來之出世也受然燈佛記生淨梵王家分手指乎天地而其機也已露遊門觀於老死而習緣也頓寂及乎唱道雞園騰芳鷲嶺無邊剎境遂現於一毫之端大千經卷畢出於微塵之表西被竺土東流震旦編葉而書則一時聖教雖傳於慶喜拈花而笑則正法眼

藏獨付於飲光自達磨西來實為初祖其傳四七二三而至於曹溪於是雙林之道逾允一滴之流愈廣自南嶽青原而下分為五宗各擅門風應機對雖建立不同而會歸則一莫不箭鋒相拄鞭影齊施接物利生啓悟多矣源派廣迤枝葉扶疎而臨濟雲門二宗遂獨盛於天下朕膺天寶命紹國大統恭惟藝祖闢度門於縣寓太宗闡秘義於敷天章聖傳燈於景德永昭廣燈於天聖皆宏暢真風協助神化以成無為之治者也於皇神考尤嚮空宗元豐三年詔於大相國寺初二大禪刹闢慧林於東序建智海於西廡壬戌之歲以越國大長公主及集慶軍節度觀察留後附馬都尉張敦禮之請復建法雲禪寺於國之南於是祖席光輝叢林鼎盛天下襲方袍慕禪悅者雲集於上都矣今敦禮以其寺住持僧佛國禪師惟白探最上乘了第一義屢入中禁三登高座宣揚妙旨良愜至懷昔能仁說法華經放眉間白毫相光照東方萬八千世界而彌勒發問文殊決疑以謂日月燈明佛本光瑞如此持是經者妙光法師得其證者普明如來今續燈之名蓋燈燈相續光光相入義有在於是矣噫圓證覺海本舍裏於十方生滅空徧遂沉淪於三有因明立所由塵發智識妄相仍轉入諸趣良可悲也若回光內照發真歸元則是錄也直指性宗單傳心印可得於眉睫可薦於言前舉手而擎妙喜世界彈指而峴

莊嚴樓閣神通妙用真不可思議者也嘉於有衆締此勝緣俱離迷津偕之覺路斯朕之志也

汴京法雲禪寺佛國禪師名惟白生靜江府冉氏嗣圓通秀禪師秀嗣天衣懷懷嗣雪竇顯禪師僧

壬午崇寧元年 大遼 天祚皇帝 女真 西夏 阿骨打初年

宋 赦書一件應天下舊來有名德僧為衆師法未曾謚名者仰所屬名僧 勘會聞奏謚給師號詔天下軍州創崇寧寺又改額曰天寧寺至高宗改報恩寺光孝

追崇嚴薦南渡中興小曆

癸未 崇寧 二年 大遼 乾統三年 女真 西夏 二年

宋 夏四月勅謚杭州天竺寺慈雲大師遵式號法寶大師南屏法師謚 梵臻謚實相法師未與軍終南山澄照儀師謚法慧大師謚

甲申 崇寧 三年 大遼 乾統四年 女真 西夏 阿骨打三年

漏澤園 宋春二月詔天下州縣置漏澤園殞客死無歸之士東都

御贊佛牙

宋夏五月五日帝迎三朝宗仁鎮御讚釋迦佛牙於大相國寺入禁中供養帝展敬次舍利隔水晶匣出如雨點帝

讚以偈曰大士釋迦文虛空等一塵有求皆赴感無刹不分身

王瑩千輪在金剛百煉新我今恭敬禮普願濟群倫翻譯名義五十二篇

蕲州五祖山禪師名法演夏六月二十五日陞堂辭衆入寂師生綿

州鄧氏嗣白雲端和尚端嗣楊歧會會嗣慈明圓禪師臨濟下九世

也嗣師之法者佛果勤圓悟佛鑑懃佛眼遠世呼曰三佛

遠之嗣曰黃龍牧庵志等忠之嗣普庵菩薩印肅等普燈錄

龍門三自省

佛眼遠禪師居龍門日作之也一曰是身壽命如駒過隙何暇閑情妄為雜事既隆釋種須紹門風諦審先宗

是何標格二曰道業未辦去聖時遙善友師教誠不可捨自生勉勵

念報佛恩惟已自知大心莫退三曰報緣虛幻豈可強為人世幾何

隨家豐儉苦樂逆順道在其

中動靜寒温自愧自悔緇林寶訓

乙酉

崇寧四年

大遼 乾統五年

女真

阿骨打四年

西夏

宋

秋八月鑄九鼎成作樂名曰大晟東都事紀

丙戌

崇寧五年

大遼 乾統六年

女真

五年

西夏

丁亥大觀元年

大遼 乾統七年

女真

六年

西夏

芙蓉楷

宋詔左街十方淨因禪院禪師道楷住天寧寺開封尹李孝壽奏賜紫衣號定照禪師楷謝恩罷上表辭謝不敢竊冒寵榮帝再遣孝壽齋璽書諭意楷確然不回帝怒收楷付獄有司問長老有疾乎有疾免罪楷曰生平不曾妄語豈敢僥倖稱疾遂受罰著縫掖編管淄州

次年放逐便庵於芙蓉湖上學者益親帝賜所居額曰華嚴禪師生沂州崔氏初遊京師籍名術臺寺試華嚴經得度得法投子山青

禪師嗣之重和元年五月十四日入寂鄧州丹霞子淳等嗣之淳有二弟子曰清了即真曰正覺即天童高宗紹興二十七年九月二十

日宏智出辭明越郡侯十月十日還寺十一日手書請育王大慧杲禪師主後事擲筆而逝齒髮道具舍利流綴葬全身於東谷師隰州人碑記

戊子

大觀二年

大遼 乾統八年

女真

七年

西夏

蔡京童貫

宋 蔡京進太師童貫加武康熙河等路宣撫內侍建節始此五月加貫檢校司空易鎮泰寧貫由此恃功選置將吏不復關朝廷矣銖

羅漢。浙西湖州有邵宗益者，剖蚌中有珠，現阿羅漢像，偏袒右肩，矯首左顧，衣紋畢具，僧俗驚喜，奉之以歸。城南慈感天台教寺，寺臨茗溪，建

炎問憲使楊應誠與客傳玩，不覺越檻躍入溪中，後溪涸沙明，索而獲之，建閣藏焉。韻語

飯僧觀金

練塘居士洪慶善持江東使節，夜宿池州梅山，愚丘宗禪師迎之，相與夜話，洪問以飯僧見於何經，其言安在，宗曰

四十二章經有云：飯凡人百，不如飯一善人。乃至飯千億三世諸佛，不如飯一無住無作無證之者，其無修證則是正念獨脫能飯斯人，則功超諸佛，然前輩知此旨者多矣。洪曰：其為誰乎？宗曰：且以近說如秦少游，藤州貶所，自作挽章，有誰為飯黃緇之句。東坡既聞秦訃，以書送銀五兩，囑范元長為秦飯僧。及東坡北歸至毘陵，以疾不起，太學生哀錢於東京慧林飯僧。蘇黃門撰東坡墓誌，首載之。洪曰：觀金有據乎？宗曰：公豈不見毛詩小雅鹿鳴，燕群臣嘉賓也，既飲食之，又實幣帛筐篚，以將其厚意，蓋飲食不足以盡敬，而加贈遺以致慇懃也。於是為誦丁晉公齋僧疏曰：佛垂遍智，道育群生，凡欲救於傾危，必預形於景貺，謂白衣干祿，叨冢宰之重權，丹陛宣恩，忝先皇之優渥，補仲山之袞，曲盡巧心，和傳說之羨，難調眾口，嘗於安寢忽夢清容，妙訓泠泠，俾應心而早悟，貢儀隱隱，恨凡目以那知，蓋智永周

身事乖遠，害至禍臨，而莫測成災，及以非常黜向西京，感聖恩而寬宥，竄於南裔，當忠憲以甘心咎實，自貽孽非他作，念一家之散地，望萬里以何歸，既為負國之臣，永絕經邦之術，程由湘土，道假靈山，正當煩惱之身，忽接清涼之眾，方知富貴難保，始終直饒，鼎食之榮，豈若孟羨之美，特形皈命，恭發精誠，虔施白金，充修淨供，飯苾芻之高德，答嬾瓚之深慈，冀保此行，乞無佗恙，伏願天回南眷，澤賜下臨，免置邊夷，白日便同於鬼趣，賜歸中夏，黃泉再感於天恩，虔聲丹誠，永繫法力，洪曰：向讀名臣傳，只見補仲山袞和傳說羨一聯而已，今獲全聞其精禱，衡嶽寺高僧名明瓚，性嬾而食殘，時曰：嬾殘李泌異，若此歐山誌，而往謁之，撥火出芋，以其半啜，泌曰：領取十年宰相

已丑 大觀三年

大遼

乾統九年

女真

八年

西夏

法師從諫

宋十二月二十七日，四明法智下二世，杭州慈辯法師從諫，自元豐元祐至大觀，住上竺二十四年，退居處州壽聖入寂，嗣法弟子十人，西浙擇卿齊壁，其傳最盛，徽行

庚寅 大觀四年

大遼

乾統十年

女真

九年

西夏

無盡 宋六月以張商英入相時久旱是夕大雨御書商霖二大字賜商英
 圓悟 次年四月罷宣和四年薨號無盡居士寓荆南日道學自居少見推
 華 許圓悟艤舟謁之劇談華嚴旨要圓悟曰華嚴現量境界理事全真
 嚴 初無假法所以即一而萬了萬為一。一復一。萬復萬。浩然莫窮。心佛
 衆生三無差別。卷舒自在無礙圓融。此雖極則終是無風雨市之波
 無盡於是不覺促榻圓悟遂問曰。到此與祖師西來意為同為別。公
 曰。同矣。圓悟曰。且得沒交涉。公色為之愠。圓悟曰。不見雲門道。山河
 大地無絲毫過患。猶是轉句。直得不見一色。始是半提。更須知有向
 上全提時節。彼德山臨濟豈非全提乎。公乃首肯。翌旦復舉事法界
 理法界至理事無礙法界。圓悟又問。此可說禪乎。公曰。正好說禪也。
 圓悟笑曰。不然。正是法界量裏在。蓋法界量未滅。若到事事無礙法
 界。法界量滅始好說禪。如何是佛乾屎橛。如何是佛麻三斤。是故真
 淨偈曰。事事無礙。如意自在。手把豬頭。口誦淨戒。趣出淫坊。未還酒
 債。十字街頭。解開布袋。無盡公曰。美哉之論。豈易得聞乎。羅湖贊曰。
 夫圓悟融通宗教若此。故使達者心悅
 而誠服。非宗說俱通安能爾耶。羅湖贊

圓悟

西川成都府昭覺寺禪師名克勤。彭州駱氏子。世宗儒。兒時日
 記千言。遊妙寂寺見佛書有感。遂出家依師自省。祝髮從文照。

法師通講說。又從敏行授楞嚴。出蜀首謁五泉皓。次依金鑿信大滙
 菴黃龍晦堂心。東林度皆稱美之。晦堂曰。他日臨濟一派屬子矣。最
 後到蘄州謁演禪師於五祖山。盡領其奧旨。至是崇寧中還鄉里。成
 都帥翰林郭公知章請開法六祖寺。更昭覺政和初謝事復出峽南
 遊時無盡居士張公商英寓荆南。師謁之談華嚴無盡公信敬拜禮
 之。留住碧巖復徙道林樞密鄧公子常奏賜紫服師號。詔住建康蔣
 山。勅補汴京天寧萬壽寺常召見褒寵甚渥。建炎初又遷鎮江金山
 適高宗駕幸揚州詔入對賜號圓悟禪師。遷江西雲居久之還領昭
 覺紹興五年。年。號。八月己酉示微恙。跌坐書偈別衆。投筆而逝。火化
 舌齒不壞。舍利五色無數。塔于昭覺寺之側。謚真覺禪師。嗣五祖山
 演禪師。演嗣白雲端。端嗣楊歧會
 會嗣慈明圓禪師。臨濟派也。鐱燈

辛卯政和元年

大遼 天慶元年 女真阿骨打 西夏 十年

壬辰 政和二年

大遼 天慶二年 女真阿骨打 西夏 十一年

鷄 宋太師楚國公蔡京喜食鷄。預籠蓄而烹之。嘗夢鷄數千訴於前。其
 粟 一致詞曰。食君廩中粟。充君箸下肉。一羨數百命。生死猶轉轂。看君

壽千春禍福相倚。宋秋九月改官名太。伏京甚畏焉。諫議。宰少宰曰左右僕射。

癸巳 政和春首至安 大遼 天慶三年 女真阿骨打 西夏 十二年

獨賜 宋東都妙慧尼寺住持淨智大師慧允，生成都范氏，其著書號唐鑑。乃其叔父也。是年帝自禁中，以法衣施諸禪長老，允亦預焉。因命資。

次說法，而允受當其末。陞座問答罷，顧視大眾曰：若論說禪說道，則諸大禪師已說了也。教山僧到這裏說箇甚麼，即得。豈不見先德道。

千種言萬般解，只要教君長不昧。然雖如是，畢竟如何。遂以法衣覆頂。良久云：衲帔家頭萬事休。此時山僧都不會，便下座。於時繙素聽者萬計，靡不嘆服。所以韓舍人子蒼銘光之塔稱。

其多聞善辯焉。塔於豫章西山聖相之原。釋。宋四月西蜀嘉州，奏風折大樹枯株，有僧在定，髭髮蒙密，指爪纏身。

帝令送至京師。秋八月，迎入禁中，譯經院三藏大師金總持鳴金磬。出其定，僧曰：我東林遠法師之弟慧持也。西遊峩嶇，因入定于此。遠。

公無恙否。三藏曰：遠公東晉人，去世已七百年。僧遂不語。三藏徐啓。今欲何歸。僧曰：陳留縣，即復入定。乃用其言。葬陳留。帝令繪其像，覆。

天下。御製贊三首曰：七百年前老古錐，定中消息許誰知。爭如隻履西歸去，生死徒勞未作皮。藏山於澤亦藏身，天下無藏道可親。為語。

莊明，休擬議，樹中不是負趨人。有情身不是無情，彼此人人定裏身。會得菩提本無樹，不須辛苦問盧能。晉書錄二十二卷慧持見東晉義熙八年

甲午 政和四年 大遼 天慶四年 女真阿骨打 西夏 秋八月叛遼

女真 金也。世本新羅人，號完顏氏。完顏猶漢言王也。世為酋長，服屬大遼二百年。世襲節度使，至龕福下四世。妻女真女生二子，長。

曰胡來，胡來生三子，長曰核里，次曰蒲刺東，季曰楊割。楊割生三子，長曰阿骨打。次曰吳乞馬，季曰思改。思改生粘罕。女真至楊割太師。

始，雄諸部。丙子歲，蕭解里嘯聚遼，捕之，遂投生女真界。見蕭解里下遼命。楊割圖之，楊割但斬解里，遣長子阿骨打獻首級於遼。自此楊割內。

恃有功，陰懷異志。楊割死，阿骨打之年，會遼主天祚掙剝是嗜。上下荒淫，其相李儼蕭奉先輩庸瑣貪婪。阿骨打承其父楊割富庶之餘。

兵強馬壯，力有異圖。先是女真之地，東北鄰於五國，五國之東接大海。出名鷹，自海東來者，謂之海東青。小而俊健，能擒鵝鷺。瓜白者尤。

以為異，遼人酷愛之。天祚嗣位，責貢尤苛。逼其國人窮取以獻。女真至五國戰鬪而後得。女真苦之，且沿邊諸帥邀求賂遺無虛日。不勝。

其擾諸部忿叛於遼潛結阿骨打舉兵謀亂至是甲午年秋八月阿骨打始叛用粘罕胡捨爲謀主銀术割移烈婁宿闍毋等爲將帥甲馬二千犯混同江之東寧江府天祚遣兵禦之皆敗遂失寧江州阿骨打將兵轉戰而前乙未年秋八月遼主天祚下詔親征女真路出長春軍中一夕戈甲有光遼相張琳曰唐莊宗攻梁矛戟夜有光郭崇韜曰火出兵入破賊之兆天祚喜而信之十一月進戰兵潰天祚一日一夜走五百里退保長春女真長白山混同江俱今乘勝遂併渤海遼陽等五十四州遼陽開元路咸平府

乙未

政和二月遼王天遼五年

天慶五年

女真阿骨打十四年

西夏

明智法師

宋四月明州延慶院明智法師中立入寂立嗣神智鑒文文嗣廣智尚賢三世皆繼住持延慶祖庭至立益盛彙說之銘其塔翻鑿

宋左街香積院法師永道勅賜號寶覺大師

道三歲法師傳

死心禪師

隆興府黃龍山死心禪師名悟新韶州黃氏子生有紫肉幕左肩右袒如僧伽黎狀壯依佛陀院德修祝髮進具叅方謁晦堂心禪師得其法要遂嗣之至是乙未十二月十三日入寂茶毘舍利五色後有過其區所者獲之尤多塔於晦堂丈室之北塔

湛堂

隆興府泐潭湛堂禪師名文準生興元府梁氏受具後叅方謁真淨文禪師服勤十年一日舉杖決渠水濺衣忽大悟顯謨李公景直守豫章請開法雲巖遷泐潭至是政和五年十月二十日更衣說偈而化閣維睛齒念珠不壞舍利晶圓光潔塔於南山之陽無盡居士丞相張公商英撰行業碑大慧杲禪師爲禪侶時請之也師嗣真淨文文嗣黃龍南禪師繼

丙申

政和六年

大遼

天慶六年

女真阿骨打十五年

西夏

律宗

宋秋九月一日杭州靈芝寺律師元照跏趺入寂壽六十九歲僧臘五十一夏葬寺西北隅謚曰大智劉燾銘其塔關演碑其行業孫覲爲立石照字湛然生餘杭唐氏初毘尼大學親自佛制自文殊已降不許措一詞優婆離結集不敢行一字人間天上十方三界刹海無盡聖衆唯同一律可謂嚴矣如世禮樂征伐必自天子出公侯卿大夫不容僭也然大法東度唯律未明學者失已唐太宗貞觀中永興軍終南山澄照大律師道宣作戒疏羯磨疏事鈔弘四分律流傳逾四百載釋義近六十家於中大昭慶律師允堪作會正記獨爲盡理最後此靈芝大智元照以法華開顯圓意作資持記與會真師殊途同歸推明南山元意而上合於佛制自是會正資持又分宗於律矣

如析金杖不失金體無
作戒體果可分耶錄年

丁酉 政和誤慶豐大遼 天慶七年 女真阿骨打 西夏 十六年

林靈素者温州人也善符術輔以雷公法初往來不逞於宿毫淮泗
間乞食諸寺僧薄之至楚州今與釋慧世相毆擊訟於官時府倅

石仲喜共辯捷輕俊為脫之置館中問吐納燒煉蜚昇之術至是政
和七年正月仲攜之入京謁宰相蔡京京致見帝林大言曰天上有

神霄王清府長生帝君主之其弟青華帝君皆玉帝子次有左相僊
伯并書罰僊吏褚慧等八百餘官謂帝即長生帝君蔡京乃左相僊

道君 伯靈素即褚慧帝忻然信之賜林號金門羽客作通真宮以處之帝
自號教主道君皇帝二月詔收天下天寧觀為神霄王清萬壽宮所

在無觀者以寺充仍設長生大帝君青華大帝君像建寶籙宮置道
學科宣和元年帝有景貺冬十一月放林靈素歸温州死之東都事

靈源 隆興府黃龍山佛壽靈源禪師名惟清得法晦堂室中至是秋九月
十八日入寂師嗣晦堂寶覺心禪師嗣師之法慧古德逢守市皆高

第弟子時伊川居士徐師川朱
世英洪駒父皆從之問道普燈

佛 汴京智海佛鑑禪師名慧勲舒州慶按汪氏子少歲師本郡廣教圓
深試所習得度每以法華經佛言唯此一事實餘二即非真味之有

嗣五 省入五祖演和尚室深得法要嗣之舒守孫鼎臣請住太平法道大
播政和初詔住汴京智海經五年乞歸得旨居建康蔣山樞密鄧公

似鐵牛之機去即印住住即印破直饒不去不住亦未是衲僧行履
處且作麼生是衲僧行履處待十月前後為諸人注破至十月八日

沐浴更衣端坐于寫別故舊書數紙停筆而化閣維收靈骨舍利塔
於寺左嗣師之法者守珣等珣生湖州施氏住何山天寧號佛燈禪

佛燈 師至紹興六年亦以十月八日歸寂通判雙槐居士鄭績待制養空
居士潘良貴深

有扣明焉錄

戊戌重和元年 大遼 天慶八年 大金阿骨打稱帝西夏 天輔元年

壽山 宋帝汴京作壽山艮嶽是年秋七月成賜名華陽宮蜀郡漢州繼縣
僧祖秀字紫芝欽宗靖康初親遊其間作華陽宮記載之東都事略

秀嘗集文忠公修江州圓通訥禪師論議佛法大旨作歐陽外傳后
湖居士蘇庠序之高宗紹興二年其弟子曇運仲宏集師講義為傳

歐陽 作疏鈔三卷汝陰王銍又叙之右相魏國公張浚併述後叙刊行於世秀作佛運編年通論祖瑋者作統紀併為已有之瑋號石室縑緜

大金

女真也阿骨打建國稱帝遼主天祚在京中聞燕王兵敗女真入新州晝夜憂懼秋女真取東京黃龍府五十餘城是時有楊

朴者遼東鐵州人也本渤海大族登進士第累官校書郎先是渤海人高永昌殺遼東京留守蕭保先自稱為渤海國皇帝據遼東五十

餘州遼主遣相張琳將兵討之琳敗績女真破渤海軍斬高永昌降

楊朴而用之朴勸阿骨打稱皇帝改元天輔以王為姓以旻為名以

其國產金號大金又說阿骨打曰自古英雄開國受禪先求大國封

冊秋八月阿骨打遣人詣遼主天祚求封冊其事有十徽號大聖大

明皇帝世國號大金也王輅也袞冕也玉刻御前之寶也兄弟通

問也生辰正旦遣使批歲輸銀絹二十五萬匹兩分南宋歲賜之半

也割遼東長春兩路也送還女真阿鶻產趙三大王也天祚付群臣

議蕭奉先大喜以為自此無患差靜江軍節度使蕭習烈翰林學士

楊勉充封冊使副歸州觀察使張孝偉太常少卿王府充通問副使

衛尉少卿劉湜充管押禮物官將作少監楊主忠充讀冊使備天子

袞冕王冊金印車輅法駕之屬冊立阿骨打為東懷國至聖至明皇

帝其冊文略曰眷惟蕭慎之區實介扶餘之俗土濱上國材布中嶽

雅有山川之名承其父祖之胤碧雲豪野固須挺於渠材皓雪飛霜

疇不惟於絕駕章封屢報誠意交孚載念遙芬宜膺多猷是用遣蕭

習烈等持節備禮冊為東懷國至聖至明皇帝義敦和睦地裂豐腴

嗚呼戒哉欽哉式孚于休所有徽號緣犯祖號改為至聖至明餘悉

從之使人自十月發行冬十二月至金國是月阿骨打追尊九代祖

龕福謚景元皇帝號始祖八代祖名訛魯謚德皇帝七代祖名洋海

謚安皇帝六代祖名隨闕謚定昭皇帝號獻祖五代祖名實魯謚成

襄皇帝號昭祖曾祖太師名胡來謚惠皇帝號景祖父太師名楊哥

謚孝平皇帝號穆宗妃后皆追加謚號趁阿骨打以遼使儀物示楊

朴楊朴以儀物不全用天子之制又東懷國乃小邦懷其德之義仍

無冊為兄之文如遙芬多猷皆非美意彤弓象輅亦諸侯事渠材二

字意似輕侮命習烈歸易其文習烈曰兄友弟恭出自周書言和睦

則兄之意見矣楊朴等面折以為非是阿骨打大怒叱出使副欲腰

巳亥宣和元年 大遼 天慶九年 大金 天輔二年 西夏 元德元年

宋 正月詔改佛為大覺金僊。餘為僊人大士。僧稱德士。尼為女德士。寺為官院。院為觀。禁銅鍍。賜佛天尊服。德士衣道流。戴冠執笏。京師左街崇先香積院寶覺大師永道上書諫曰。自古佛法與國運同盛。衰。元魏太武信崔浩滅佛法。不五六年。崔浩赤族。文成帝大興之。周武信衛元嵩滅佛法。不六十年。元嵩貶死。隋文帝繼興之。唐武宗信李德裕。李歸真滅佛法。不一年。歸真誅。德裕竄死。朱崖。宣宗盛興之。我國家太祖皇帝太宗皇帝。列聖相承。譯經試僧。流通佛法。自有成憲。萬世可守也。上震怒。黥永道於道州。道在貶所。齋戒嚴整如常。時道昔者。嘗從西天總持三藏。稟真言軌範。至是值軍民多瘡瘡。道呪水以飲之。無不全安。三月京師大水。街衢浩渺。朝廷委林靈素治水。日夜溢漲。君臣懷懼。泗州僧伽普光王現靈禁中。帝焚香歸敬。見僧伽振錫登城。水乃頓涸。上下大悅。冬十一月。放林靈素歸温州。宣和二年秋九月。詔復佛號。德士復為僧。永道量移近郡。宣和七年。詔永道還京師。復僧形服。朝廷旌其護法。念其精忠。改賜名曰法道。住昭慶昭先院。兼頌右街顯聖釋迦院。東都事畧又三藏本傳

泗州大聖復僧佛號 金人四月攻陷遼國。上京路州。則太祖之天膳堂。懷州則太宗德光之崇元殿。慶州則望僊聖神儀三殿。比先破。乾顯等州。如凝神殿。安元聖母殿。木葉山之世祖殿。諸陵寢。皇妃子弟影堂。焚燒掠盡。發掘金銀珠玉。所司即以聞。蕭奉先皆抑而不奏。讎

庚子 宜和 復僧 大遼 天慶十年 大金 天輔三年 西夏 元德二年

宋 太尉陳良弼。建大會齋。延諸禪講。有善法師。賢首宗之雄者。號義虎。致問諸禪曰。吾佛設教。自小乘至于圓頓。掃除空有。獨證真常。然後萬德莊嚴。方名為佛。而禪宗以一喝轉凡成聖。攷諸經論。似相違背。今一喝若能入五教。是為正說。若不能入五教。是為邪說。是時諸禪列坐。法真禪師一公。以目眴慈受禪師深公。深肘淨因使對之。淨因召善而謂之曰。承法師所問。不足勞諸大禪師之矚。只淨因小長老可解法師之惑。其五教者。如愚法小乘教。乃有義也。如大乘始教。乃空義也。如大乘終教。乃不有空義也。所謂大乘頓教。乃即有即空義也。所謂一乘圓教。乃空而不有。有而不空義也。我此一喝。非唯能入五教。至於世間諸子百家。一切技藝。悉能相入。乃喝曰。還聞麼。善曰。聞。成曰。汝既聞。則此一喝是有。是能入小乘教。又召善曰。汝今還聞麼。善曰。不聞。成曰。汝既不聞。則適來一喝是無。是能入大乘

始教我初一喝汝既道有喝久聲銷汝復道無道無則元初實有道有則即今實無既乃不有不無是能入終教我有喝之時有非是有因無故有無喝之時無非是無因有故無即有即無能入頓教我此一喝不作一喝用有無不及情解俱忘道有之時纖毫不立道無之時橫徧虛空即此一喝入百千萬億喝百千萬億喝入此一喝是能入圓教善遂稽首謝師復召善曰乃至一語一默一動一靜道古至今十方虛空萬象森羅六趣四生三世諸佛一切聖賢八萬四千法門百千三昧無量妙義契理契機與天地萬物一體謂之法身三界唯心萬法唯識四時八節陰陽一致謂之法性是故華嚴經云法性徧在一切處有相無相一聲一色全在一塵中含四義事理無邊周徧無餘叅而不雜混而不一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心傳心以法印法不立文字見性成佛有千聖不傳底向上一路在善又問曰如何是向上一路成曰汝且向下會取善曰如何是寶所成曰非汝境界善曰望禪師慈悲成曰恁從滄海變終不為君通善於是愀然變容俛首而退是時帝私幸觀之太師魯國公亦預焉帝顧謂近侍曰禪宗玄妙深極如此淨因才辯亦罕有也侍臣奏曰此宗師之緒餘耳瑩仲溫羅湖錄贊曰成之學瞻明道左右逢原乘機挫銳於人

矢眾前借使先德扶宗亦蔑以加於此矣禪師名繼成字蹕庵生江西袁州宜春劉氏詔住淨因禪刹師嗣智海道平禪師平嗣大滙慕詰詰嗣翠巖可真真嗣慈明圓禪師成之嗣有二弟子曰瑞巖勝治父川臨濟派也羅湖文集卷五燈會元

辛丑 宣和秋八月童大遼 保大元年 大金 天輔四年 西夏

慈受 宋二月詔政和七年所改寺為神霄官者田產盡還僧寺統三月二十五日詔慈受禪師懷深住汴京大相國慧林禪刹師生壽春夏氏

信 高宗紹興二年入寂嗣長蘆信信嗣慧林圓照本禪師增

白雲庵 杭州靈隱寺方丈後山之庵也至是宣和三年有比丘曰清覺自號本然仁宗慶曆三年十月二十二日生洛京登封縣

孔氏宣尼五十二世孫曾祖高勛事梁歷唐同光時領襄州澤潞河陽節度使官至太子太師父訢進士隱德母崔氏覺幼而穎悟習儒業累請鄉舉神宗熙寧二年閱法華經有省求出家父母許之依汝州龍門山寶應寺海慧大師剃染囑其南詢初叅嘉州峩眉山千歲和尚次抵淮西舒州慶路浮山結庵于太守巖宴坐二十年哲宗元祐七年遊浙明年至杭州靈隱寺隨眾居止汪羅二行人求師心要

學侶日臻靈隱圓明童禪師以寺後白雲山庵居覺玄化開闢乃自立宗以所居安名為號曰白雲宗移居餘杭龍門山庵曰福地為龍神說三皈五戒至是崇寧三年至錢塘六和塔開化寺後紫雲庵居道俗請就正濟寺講華嚴經時當毀教覺著證宗論三教編十地歌大觀元年卓庵湖州歸安千金市名曰十地次至烏程菁山卓錫得泉結庵而居名曰出塵徒眾復請歸正濟寺忌之者以證宗論于忤朝政聞官政和六年編管廣南思州宣和二年弟子政布等十人詣京陳狀蒙旨放令逐便至是辛丑年七月二十日謝恩八月三日作偈投太守游公指以九月二十六日為別至期乃化去世壽七十九歲僧臘五十二夏弟子慧能稟遺訓奉靈骨舍利歸葬杭州餘杭之南山當宣和五年之二月也塔曰白雲院曰普安後弟子改曰普寧其於崇德甌山松林善住皆其行道之所德清龍山超山方山乾元山歸安巖山皆分葬舍利之所其宗聿興浙右

壬寅 宣和 土月無大遼 保大二年 大金 天輔五年 西夏

遼 春三月金人破中京奚國天祚在燕京聞報甚懼即日山居庸關率騎兵五千西奔雲中府留宰相張琳李處溫與燕王淳守燕

改元 建福 居燕二十年得人心天祚趨漁陽入夾山李處溫等三月十七日會百官父老立燕王曰天錫皇帝改元建福下詔廢天祚為湘陰王天錫以燕雲平中京上京遼西六路奄為已有沙漠以北西南面西北路招討府諸番部族天祚主之稱保大二年遼國自此分矣八月燕帝淳病薨謚曰宣帝無嗣越王蕭幹會百官父老議立燕帝妻蕭氏為皇太后權主軍國事奉迎天祚次子秦王為帝蕭氏即位於柩前

改元 德興 改元德興天祚聞淳死下詔削淳官爵并妻蕭氏降為庶人賜姓虺氏金主趨中京天祚走及夏國十二月金人抵居庸關遼

癸卯 宣和 大遼 保大三年 大金 五月改 西夏

宋 秀州今嘉興春旱禱精嚴寺觀音有驗重裝聖像夏旱復有請郡守曾侯夢白衣天人曰我固當為此方致雨然面目不淨三十里無所見不能與眾聖會奈何明日詰其由果匠者欲聖容明潤用鷄子牛膠調粉故爾遂改新之繫年錄觀音感應集

遼 春正月燕帝后蕭氏在燕聞金人入居庸關夜率蕭幹及車帳出城聲言迎敵實乃出奔至松亭關議所往耶律大石林牙遼人也欲歸天祚四軍大王蕭幹奚人也欲就奚王府立國宣宗燕王附馬都尉蕭勃迭曰今日固合歸天祚然而有何面目相見林牙命左右

牽出斬之傳令軍中有敢異議者斬於是遼奚二軍列陣相拒而分矣遼軍從林牙挾蕭后歸天祚于夾山七月到夾山天祚命報蕭奚后并外甥常哥餘命本罪奚渤海軍從蕭幹離不獲留奚王府幹據府自立僭號神聖皇帝國號大奚改元天興天嗣七月奚兵遇金人戰於腰鋪奚大敗蕭幹為其部

曲得哥殺之譴

金 癸卯春陞皇帝寨曰會寧府建為上京改遼之上京曰北京先是女真之初無城廓止呼曰皇帝寨國相寨太子莊至是改焉置三省六郡尹貳曹屬左丞相陳王兀室撰女真字以行諡五月阿骨打

旻北追天祚途中以疾殂諡曰大聖武元皇帝廟號太祖旻建國登位首末凡六年弟吳乞馬立改名晟楊割太師第二子也改天輔六年曰天會元年在位一十一年旻八子皆封王初燕人張鼓者平州

人也河東山西道平澤路灤州皆古平州登進士第仕燕建福元年燕王淳之年授遼興軍節度使遼興軍平州也金人粘罕欲擒鼓康公弼曰是激其反也獨往見鼓諭金國之意鼓曰契丹入路今特平州存耳敢有異志所以未

釋甲者防蕭幹耳康報其言粘罕信之改平州為南京加鼓同平章事判留守事實欲圖之也鼓殺金左企弓等以平州附宋十一月金兵襲破平州得宋朝所賜鼓金花箋御筆書詔金乃歸曲於宋累檄

之由 **始此** 宋朝宣撫司取鼓宋不得已命王安中誅鼓函首送金末幾金太子窩里亭由平州侵宋矣諡

金 主旻八子一曰呵毋二曰室曷照宗也三曰設梁虎與室曷同母乃至室所生四曰幹離不諡五曰窩里盟諡六曰窩里混諡七曰窩里混諡八曰阿骨保那王號自在郎君是也與兀朮同母旻第二第三二子早世所以誤呼其四為二五為三六為四也諡

甲辰 宣和六年 大遼 保大四年 大金 太宗晟西夏天會二年

宋高僧寂音尊者 江西瑞州清涼禪師名惠洪德潞郡之彭氏子年十四父母俱喪依三峯艷禪師居日記數千言覽群書始盡艷器之年十九試經於東京天王寺得度從宣祕講成實唯識論逾四年棄去謁真淨文禪師於廬山歸宗文遷石門師隨行命掌記室未久去之顯謨朱公彥守撫州請開法州北景德後住江寧府清涼大慧杲禪師處眾日親依於師仰嘆其妙悟辯慧高宗建炎二年五月辛酉入寂于同安世壽五十八歲僧臘三十九夏太尉郭公天民奏賜寶覺圓明之號師嗣真淨文禪師撰禪林僧寶傳三

傳 **僧寶**

釋氏源流

卷四

三

三

三

三

三

三

三

十卷林間錄又文集口石
錄 門文字禪流行於世譜燈

遼 甲辰秋七月天祚牽韃靼諸軍五萬攜其后妃二子曰秦王趙王
及宗屬南來越漁陽嶺金人粘罕回軍雲中天祚復奔山金司與

小胡魯謀南歸宋又謀奔西夏國計未決小胡魯密遣人通報粘罕
金使婁宿馳騎犯天祚小胡魯遂俘天祚以還金人削封天祚為海
濱王送長白山今遼東平道開元東築室居之明年乙巳殂遼國亡遼起

自後梁均王貞明二年丙子歲至是甲辰凡九主歷二百單九年趙
乙巳 宣和 七年 大金 天會三年 西夏

宋六月封童貫廣陽郡王宋朝凡異姓非外戚無封王者蔡京用事
持紹述之說以資姦謀遂贈王安石舒王其後何執中贈清河郡王
王爵於是濫矣十二月童貫復宣撫自太原逃歸錄

宋 侵 大金 十二月幹離不粘罕分道入侵宋因平州張毅歸宋至於構怨
東路之軍粘罕主之建樞密院於雲中以時立愛主院事國人呼為東
路之軍粘罕主之建樞密院於雲中以時立愛主院事國人呼為東

朝廷西朝廷於是幹離不之軍自燕山直犯河北粘罕之軍犯河東

陷朔武代忻等州直趨太原金之渝盟也一因張毅帝所恃者童貫
賈先臨敵逃歸貫本庸繆因蔡京為助遂握兵權貫今統兵身遠敵
常數百里是致將不先敵士不用命屢見敗衄庚申帝禪位太
子以道君號退居隆德宮遣李鄴使金虜告以內禪且求和紀

欽宗 栢徽宗子至是以皇太子受內禪即帝位
年二十七歲尊徽宗曰太上皇在位二年
靖康 二

丙午靖康元年 大金 天會四年 西夏 四月攻宋 朱昭死之

宋 正月金人陷相州已巳帝下詔親征太上皇出幸南京辛未帝置
守城戰具粗畢而金人抵城下矣白時中罷相李邦彥起復太宰
張邦昌少宰都人呼邦彥為浪子宰相壬申遣使督諸路帥臣將兵
入援金人索金銀犒師尊我主為伯父歸我燕雲之人在漢者割中
山太原河間之地親王宰相為質我乃退師詔以皇弟康王為軍前
計謀使張邦昌副之李璩高世則偕行所求皆與之其三鎮詔書李
綱留之不遣乙亥詔金國以大金稱丁亥勤王之兵並至號二十萬
京師人心稍安二月金使復來帝遣宇文虛中齎李綱所留三鎮詔

書以往。仍奉迎康王。先是康王留金營。與金國太子同射。連發三矢。皆中。鵠連珠不斷。金人謂將官良家子。似非親王。乃遣歸。更請肅王為質。乙巳康王自金營還。金人圍京城。凡三十三日。既得三鎮。詔書及肅王不埃。金銀數足。丙午金師退竄。蔡京儋州至潭而死。年八十。蔡攸竄萬安軍。尋有詔所在斬之。童貫遠竄。追斬於南雄。三月命樞密使李綱迎上皇于南京。四月始至京師。趙良嗣先竄。柳州。至是就斬之。初徽宗政和元年秋九月。童貫使遼歸。至幽州。盧溝河有燕人馬植者得罪於遼之燕王。無所容。遂見貫。陳滅燕之策。貫攜之歸。改姓趙。李名良嗣。薦於帝。賜姓復燕之議。始於此也。宣和二年二月。女真請遣使通好。因遣趙良嗣往約夾攻契丹。卒於敗國。今乃斬之。金人以三鎮未得。冬十月復兩道入寇。十一月乙酉。韓離不犯京師。屯劉家寺。閏月粘罕犯京師。屯青城。詔康王構為天下兵馬大元帥。陳構為元帥。宗澤副之。速領兵入衛。丙辰京城失守。辛酉帝如青城。二酋令孫觀撰降表書成。令帝簽名。北望拜發。且云。其主別立賢君。但稱宋王。帝默然。十二月壬戌朔。帝留青城。康王開元帥府於相州。癸亥帝自青城回。粘罕請遣使迎康王。使還報不見康王。為辭。鏐

西夏

四月夏人寇邊。攻震威城。戎酋呼知城宋昭曰。大金約我夾攻。自河以北大金得之。自河以西我國得之。今麟府諸壘悉已歸。

我公何恃而不降乎。攻甚急。城陷。昭死之。十一月夏人寇邊。陷懷德軍。守貳劉詮杜羽死之。鏐

○丁未靖康二年正月辛卯朔庚子。金粘罕遣人邀帝到營。帝以孫傅謝克家輔太子監國。傅仍為留守。梅執禮副之。帝出城。僕射何桌以下皆從。帝至青城。與粘罕相見。留之營中。並留親王宰相執政學士院禮部太常寺官。餘令先歸。金人根括金銀。帝遣中使歸云。朕拘留在此。候金銀數足。方可還。於是增官根括。搜掘戚里宗室內侍僧道伎術之家。凡八日得金三十萬八千兩。銀六百萬兩。衣段一百萬。輪納金營。二月丁酉粘罕遣金牙郎君來責。又發教坊人孟子著。內侍藍折。醫官周道隆等。所藏寶隱金銀。凡十八日。城內得金七萬五千八百兩。銀一百一十四萬五千兩。衣段四萬八千四百疋。納金人軍前。丁巳金人索郊天儀制及監書圖籍印板。戊午金人索大成樂器。太常禮制器用。以至琴棋博戲之具。珍奇圖畫等物。丙寅粘罕令蕭慶讀金主詔於帝曰。別立異姓。廢淵聖為陳留王。保州守墳墓。推異姓。堪為人主者。從軍前。備禮冊。命仍邀太上皇出城。丁卯太上皇后妃。鄆王以下三十餘人。諸王妃公主都尉等。皆從。三月丁酉金人冊張邦昌為帝。國號大楚。丁巳太上皇北行。寧德皇后及諸親王妃嬪以下皆行。由滑州路進發。韓離不軍護送。四月庚申朔淵聖皇帝北行。

皇后皇太子偕行由鄭州路進發粘罕軍護送淵聖率后諸王望拜城中泣別宗廟哭聲震動青城庚午元祐皇后孟氏垂簾聽政邦昌以太宰退處資善堂邦昌位凡三十二日元祐皇后孟氏垂簾聽政邦昌也時六宮有位都皆從二帝惟后以廢得存癸亥郡臣請康王即帝位辛巳康王至單州壬午至虞城縣邦昌聞車駕至南京排辦輿輦冠冕服御儀物百官有司各以其職並赴南京以備冊禮癸未康王次應天府歸德府甲申耿南仲等議改元建炎御容張邦昌至伏地慟哭請罪王慰撫之甲申耿南仲等議改元建炎以有宋火德之祥也戊子太后遣使賫手書畧曰今聞涓辰之吉受冊有期將同日月之照臨行布風雷之號令天命所屬黎民咸竭於驩心神器既安衰老願諧於素志康王乃以巳丑即帝位于南京高宗諱構徽宗第九子封康王靖康二年五月庚寅朔改元建炎以五月二十一日為天申節竄張邦昌于潭州尋賜死建炎三年三月御營司都統制苗傅副統制劉正彥作亂逼帝遜位太子居帝睿聖宮太后垂簾聽政十一日改年曰明受張浚呂頤浩辛永宗劉光世韓世忠等勤王上復辟幸建康秋七月韓世忠生擒苗劉繼於建康市議駐劄越州發建康金人犯建康陷杭州帝航海至温州復回越州車駕如杭州陞杭州為臨安府紹興二年春正月癸巳朔壬寅帝發越州丙午駐驛臨安府久之秦檜自金回專主和議徽宗欽宗鄭

后邢后相繼崩于五國城金還河南地及梓宮以和贊于越州繼而復入寇張浚韓世忠岳飛吳麟等大敗之遂遁去帝頒黃庭堅所書戒石銘於州縣與太學建二館開經筵躬籍田正經界秦檜不能體上意罷諸將之權以沮忠義之氣卒使境土不能復也帝年二十一歲即位。在位三十六年。禪位孝宗。自稱太上皇。居德壽宮。年八十二歲崩。宋續通鑑

建炎四年
紹興三年

丁未建炎元年 冬十月車駕狩揚州 大金 天會五年 西夏

戊申 建炎二年正月詔金山住持克勤入大金對揚州勸號圍悟禪師登 大金 天會六年 西夏

冬十月四日蘇州北禪天台法主淨梵入寂。梵傳慧明。明傳蘊堯。報慈法師也。蘭陵集釋

巳酉 建炎三年 大金 天會七年 西夏

諸天行位 秋八月二十一日杭州上天竺慧覺法師齊壁入寂石林葉夢得銘其塔壁著普賢觀經疏三卷祖源記二卷嗣子

神渙如湛法火。渙嘗考論諸天行位。以君臣賓主男女本跡為綱。曰謂大梵尊天君。臨三界。統上冠下。諸天皆其臣屬也。大梵為三界主。三日摩醯為大千主。帝釋主地居三十三天。四王主頌八部。雖君臣不同。要各有主義。若大辯在山澤。功德在北天園中。皆客寄耳。實無所主領也。梵釋四王是男天。功德大辯地神樹神皆女天。不可使男女失序。况鬼子母有女名。功德天有男名。散脂修摩。今子居母上。可謂之以母從子。其可居天主之上乎。梵釋四王本是地住菩薩。金剛密跡本護于兄成佛。不揣其本而齊其迹。可乎。知此四義。然後始可與言天矣。煥有三弟子。曰總庵妙心。常齋法拜覺庵。簡言。言傳鑑堂。思義寶慶。紹定間住上竺。釋統

護國金光明懺

冬十月帝狩台州。至金鰲山寺。寂然空靜。唯廣殿香

篤。帝悅而問之。對曰。護國金光明三昧懺也。是後駐蹕杭州。輦諸巨刹。歲賜金帛。修金光明期懺。實本於此。越惠揀

庚戌

建炎四年。春二月。駕狩温州。駐江心寺。因改曰龍翔。

大金

天會八年

西夏

齊

金人粘罕謂張邦昌之死。請於國主。乃以可南之地。九月九日。冊立濟南守劉豫為帝。于大名國。號大齊。年曰阜昌。宋屢征討之。豫

屢敗。郵至丁巳年。金主以劉豫不能立國。遂廢豫。齊立八年。七。豫生景州守濟南。志

辛亥紹興元年

秋八月。范宗尹罷相。秦檜右相。

大金

天會九年

西夏

壬子

紹興二年。秋九月。秦檜罷相。朱勝非復拜右相。

天會十年

癸丑

紹興三年

天會十一年

甲寅

紹興四年。九月。趙鼎入相。

太宗崩。熙宗立。天會十二年

乙卯

紹興五年

天會十三年

西夏

大德元年

宋九月丙辰。駕幸上天竺。以萬歲香山供養菩薩。召住持應如。賜對如辯慧。稱旨。賜金帛。祠部度僧牒。以勉修造。初紹興三年七月。龍圖閣學士梁如嘉。知臨安府。奏圓通大師。應如住上竺。至是帝悅。紀勝

金

太宗晟天會十二年十二月崩。熙宗孝成帝。立。太祖嫡孫也。宗浚之子。稱天會十三年。至戊午。改元天眷。辛酉。改元皇統。己巳。皇

統九年十二月十日為從弟岐王亮弒之孝成在位十六年幼而聰達貫宗經業喜文辭威儀太宗深所愛重平日嗜殺晚年性尤暴宗族大臣皆懼不免遂相與結約以伺其間而弒之亮既即皇帝位追廢宣為東昏王亮死世宗立謚宣曰武靈皇帝廟號閔宗父之改孝成皇帝廟號熙宗

丙辰 紹興六年

大金 天會十四年 西夏

平江虎丘隆禪師入寂塔全身於西南隅師和州含山人嗣園悟勤禪師勤嗣五祖演燈

丁巳 紹興七年

七月二十一日詔佛日禪師住徑山能仁禪寺

大金 天會十五年

戊午 紹興八年

三月秦檜復拜右相

大金 天眷元年

勅綾度牒

宋秋八月詔賜天下僧尼勅綾度牒統興廢志中興曆

己未 紹興九年

大金 天眷二年

報恩 宋詔以女真來和大赦天下諸郡縣州建報恩光孝禪寺天寧寺改之秦徽宗皇帝香火統興廢志中興曆

庚申 紹興十年

大金 天眷三年

西夏 拓跋仁孝立 大慶元年

宋冬十一月七日杭州北關妙行院沙門名思淨人寂禮部侍郎張九成銘其塔淨之族錢塘喻氏建妙行院接待供僧三百萬畫阿彌陀佛入于神妙楊侍郎傑贊為喻彌陀人從而稱之淨於西湖之北鑄石為大佛頭銘

辛酉 紹興十一年

秦檜張浚謀誅大將岳飛

大金 皇統元年

西夏

無垢居士 宋朝散郎知温州張九成字子韶號無垢居士杭州鹽官人初紹興二年三月帝策試進士九成第一九成謂前輩搢紳所立過人伊洛名儒所造精妙皆由悟心因是參學究竟初謁大通之嗣寶印禪師楚明見佛日杲禪師於徑山明悟心要窮元盡性至是辛酉年佛日重其悟入特為上堂引神臂弓以言之是時軍國邊事方議神臂弓之用右相秦檜以為譏議朝政五月民佛日竄衡州貶九成南安軍九成謫居十四年寓橫浦僧舍談經著書皆學者之未聞其心傳錄曰六經皆妙法也然言者道之贅六經其贅道哉困於經則贅矣又

曰世間無非幻人處幻中不知萬古紛紛喜怒哀惡從何而起以為本有則物不形以為本無不可責之如木石其間能自覺者又是認幻為覺覺即幻也無幻則不覺因覺知幻覺自不可着况於喜怒哀惡之情乎况於功名富貴之塵乎

智滿 宋秋七月台州智涌法師了然住白蓮天台教序已二十四年至是沐浴更衣跏趺說法而逝然著南嶽止觀宗圖記五卷十不二門樞要二卷虎溪前後集八卷嗣法諸子澤山

與成山堂元性白蓮妙璘虛堂本空

壬戌 紹興十年 大金 皇統二年 西夏

宋春顯仁太皇后章氏北歸徽宗秋九月尚書左僕射冀國公秦檜封太師魏國公

癸亥 紹興十三年 皇統三年

度僧 金夏六月英悼太子生詔海慧大師於上京宮側創造大儲慶寺普度境內童行有籍于官者為僧尼道士亦如之通百萬計次年詔留海慧清慧二禪師居大儲慶寺迎瑞像供養本寺積慶閣

建國 宋勅於臨安府西山建天申萬壽圓覺寺成四月十九日令藩邸看經僧德信奉香火至理宗寶慶二年五月十三日始詔師贊住持傳十方天台教觀圓覺碑刻

翻譯名義 宋秋八月蘇州今平江路景德寺沙門法雲編成七卷唯心居士周葵序

甲子 紹興十四年 院改賜寺額 大金 皇統四年 西夏 元慶元年

吳 宋詔改天竺靈山寺為時思薦福賜憲聖慈烈皇后吳氏奉先香火寧宗慶元三年冬十月卜地靈隱之西建時思薦福寺成復還天竺舊額嘉定十年六月慶遠軍節度使吳琰請于朝曰時思薦福乞依上下天竺事體永傳十方天台教觀始詔景遷開山住持碑刻

乙丑 紹興十五年 皇統五年

海 金國海慧大師遷化帝偕后親奉舍利五處立塔特謚佛覺佑國大禪師次年正月賜清慧號佛智護國大師登國師座特賜金襴僧伽

清 黎大衣珍異餅爐寶器帝與后親奉接足禮拜授衣其欽敬古所未有傳

慧 接足禮拜授衣其欽敬古所未有傳

慧 接足禮拜授衣其欽敬古所未有傳

慧 接足禮拜授衣其欽敬古所未有傳

慧 接足禮拜授衣其欽敬古所未有傳

丙寅 紹興十
六年

大金 皇統六年 西夏

丁卯 紹興十
七年

天興元年 皇統七年 西夏

金國撻辣既誅其子勝花都郎君者率其父故部曲以叛與滕骨通兀朮都元帥未死自將中原所教神臂弓手八萬人討之連年不能克皇統六年八月復遣蕭保壽奴與之和議割西平河以北二十七圍寨與之歲遺牛羊米豆日冊其酋長熬羅孛極烈為滕輔國主至是始和歲遺甚厚於是熬羅孛極烈自稱祖元皇帝改元天興大金用兵連年卒不能討但遣精兵分據要害而還冬都元帥兀朮薨

宋 三藏法師初名永道改賜曰法道徽宗宣和元年詔改佛為大覺金僊左街崇先香積院寶覺大師永道上書諫帝怒黥道于道州

宣和七年詔道還京師復僧形服朝廷旌其護法改賜名曰法道住昭慶昭先院兼領右街顯聖釋迦院高宗建炎元年以五月二十一日聖誕為天申節汴京留守宗澤承制請道住左街天清寺補宣教郎為國焚祝參謀軍事三年道隨駕南巡累召至都堂預議軍國事欲加冠裳道辭帝從其志仍前號寶覺加賜圓通法濟大師四年五月回駕次越州夏旱詔道禱雨於圓通教寺雨通帝悅紹興二年二

月宣道入對久之詔住江州廬山東林太平興龍禪寺三年春二月道上劉子陳僧道班次依祖宗成法五月夏旱詔道入禁中禱雨大通帝賜道金鉢紹興至是十七年四月道叙大宋僧史略秋七月二十一日跣跌謂其徒曰法門扶持更在諸公言訖而逝塔于杭州西湖之九里松寧宗嘉定間東陽吳克已為道作傳志

三藏 入滅 戊辰 紹興十
八年

大金 皇統八年 西夏

宋佛智禪師名端裕吳越王錢氏之裔嗣圖悟勤禪師初住鄧州丹霞遷虎丘移徑山庵於西華勅住保寧萬壽遷閩之玄沙壽山西禪被旨補靈隱是年秋赴育王之命嗣子淨慈水庵師一等錄燈

巳巳 紹興十
九年

金主被弑 亮立改西夏 天盛元年

劉 宋五月二十三日勅賜婕妤劉氏功德院以褒親崇壽為額寧宗嘉定十七年始詔正悟法師元粹開山住持傳十方天台教觀風山劉寺今為兩竺之亞詩



金 十二月甲子左丞相歧王亮即皇帝位追尊父為德宗改元天德
遷都燕京又遷汴京南侵宋至揚州正隆六年十一月乙未為諸
將弒於瓜洲鎮龜山寺在位
一十三年謚曰海陵煬王志

忠 麓

宋江西隆興牧庵禪師名法忠明州鄞縣姚氏子幼性專靜告親出
家父母送之依郡中崇教院師道英受業年十九試經得度趨講肆
究天台教旨頗自負一日暴所習於禪者為其折困因有疑投天童
交禪師交使其南詢遂造閩之雪峯需禪師席不契走淮西舒州龍
門佛眼遠禪師席下縱步水磨觀其勝曰法輪常轉豁然大悟說偈
曰轉大法輪目前包裹更問如何水推石磨佛眼領之辭去度九江
登廬阜露眠草宿蛇虎為鄰山舒水緩處會意則居焉住勝業南木
雲蓋公安大瀉五刹復赴豫章黃龍至是己巳年太尉邢公孝揚施
金為忠營壽塔於寺東之薊源工纔畢忠笑曰吾將行矣書偈曰六
十六年遊夢幻中浩歌歸去撒手長空瞑目而寂法嗣佛眼遠禪師
遠嗣五祖演演嗣白雲端嗣楊歧會會嗣慈明
圓禪師臨濟派也嗣忠之法者普庵肅禪師等燈譜

普庵寂感妙濟真覺昭貺禪師 名印肅生江西袁州宜春余氏年六
歲夢異僧勉之出家父母送之從壽

隆院賢公受業年二十七落髮越明年受具足戒賢勉之讀法華經
師曰嘗聞諸佛元旨必貴了悟於心遂辭師遊湖湘謁牧庵忠禪師
於大瀉山問萬法歸一一歸何處忠豎起拂子師遂有省後歸受業
院至是紹興癸酉有鄰寺曰慈化眾請師住無常產師布衾紙衣粥
食禪定一日閱華嚴經合論說偈曰捏不成團撥不開何須南嶽又
天台六根門首無人用惹得胡僧特地來平居說偈曰靈妙如如不
異太虛造化萬物不礙方隅慕師之道而來者師隨宜而為說法或
書偈與之有病患者折草為藥與之受者即愈靈應非一由是鼎新
梵宇或問師脩何行而得此師畫一畫云會麼云不會師云止止不
須說孝宗乾道五年七月二十一日示眾曰諸佛不出世亦無有涅
槃入吾室者必能元契矣善自護持毋令退失索浴更衣跏趺而逝
世壽五十五歲僧臘二十八夏塔全身於寺累受恩勅封謚師容貌
魁奇智性天發法嗣
黃龍牧庵忠禪師燈譜

庚午 紹興二
十年

辛未 紹興二
十一年

大金 天德二年 西夏

天德三年 西夏

釋迦文佛入滅至是二千一百年

宋杭州徑山佛日禪師名宗杲。生江東宣州寧國奚氏。嗣法佛果。圓悟勤禪師。初紹興七年。詔住徑山。辛酉十一年五月。為張九成上堂。言神臂弓。朝廷毀其衣牒。竄衡州。至是二十一年十一月。移梅州。未幾。詔復形服。蒙恩北歸。四方虛席以邀。不就。十二月二十三日。詔住明州阿育王山廣利禪寺。紹興二十八年。詔再住徑山。孝宗隆興元年八月十日。示寂於徑山明月堂。世壽七十五歲。僧臘五十八。夏葬全身於寺山。賜謚普覺塔曰寶光。孝宗為普安郡王時。嘗遣內都監至徑山問道。佛日獻偈曰。大根大器。大力量。荷擔大事。不尋常。一毛頭上通消息。徧界明明不覆藏。王嘉之。及封建王。復遣內知客。至徑山。供五百阿羅漢。親書妙喜庵三大字。制真讚以寄師曰。生滅不滅。常住不住。圓覺空明。隨物現處。孝宗即帝位。賜師號大慧禪師。盡取向所賜宸翰。以御寶識之。聖恩隆厚。嗣法弟子。燈分甚眾。右相湯思退。參政李炳。內翰汪藻。禮部侍郎張九成。給事中馮楫。士大夫得其道。悟徹者。具載如長書。普說。少保保信軍節度使魏國公張浚。銘其塔。賜語錄入藏。流行。普燈錄。

宋隆興泐潭草堂清禪師會中書記名脩仰。南閩人。佛日杲禪師奉旨自衡州移梅陽。仰侍行。郡守謝朝議以佛日語僚屬曰。朝廷編置所謂長老者。但一僧耳。兵馬司東偏之隙地。從其居止。既而僧行日至。幾數百。指施鉏鑿而平基址。連竹木而縛屋。虛聽其指呼。無敢怠者。守雖聞其服勤如此。亦未知果何人也。於是延見一二。觀其能為。仰適承命。乃與從容。彌日。語論英發。權舌商今。逢原左右。守復徵等。伍更有蘊異能者。否。仰遂告以負大經論者。有之。博極書史者。有之。詩詞高妙者。有之。翰墨飄逸者。有之。其所以未能明徹。則佛祖大事。因緣而已。是以不憚艱險。隨侍而來。得依仁政。幸莫大焉。守且駭異。知其徒侶皆為法忘軀之士。自是於佛日禪師日益加敬。遣其子純粹。求入道捷徑。佛日示以法語八篇。存語錄中。經謝。

修仰書記

宋顯仁太皇后章氏。紹興十二年。自北歸。東都。至是辛未二十一年十月。於杭州臯亭山建新寺。成額曰崇先顯孝。詔洞山下九世真歇禪師。清了。開山住持。召對稱旨。賜金襴衣。未幾而寂。全身葬於寺。有碑存焉。真歇生蜀綿州雍氏。嗣丹霞淳淳嗣芙蓉楷禪師。太后謂道家四聖。殊有冥助。改孤山寺為延祥觀。以奉香火。遷孤山尊者法慧法師智圓全身。葬北山瑪瑙坡。武林圖紀。

建寺觀

孤山尊者法慧法師智圓全身。葬北山瑪瑙坡。武林圖紀。

壬申 紹興二十二年

金會靈府遷都燕京西夏

天德四年

癸酉 紹興二十三年

金改 貞元元年

止。宋詔台州東掖山圓智住上天竺。太師秦檜問曰：止觀一法耶？二法耶？智曰：一法也。譬之於水湛然而清者，止也；可鑒鬚眉者，觀也。水則一耳，以衆生心性有重昏巨散之病，用止觀為藥救而治之，歸一法界之全體法界寂然名為止，寂而常照名為觀。止觀明靜之體，豈有二耶？檜悅，首施錢五萬緡以建法堂。紹興二十八年十二月十二日，證悟法師圓智入寂，曹勛撰塔銘，詔嗣法首座若訥繼席住持。

○ 宋給事中知瀘州馮檝悟心法於大慧杲禪師，號不動居士。南渡後，所在寺院佛藏經殘失，檝印施補之，足五千餘卷者，凡四十八藏。又四大部者亦如之。所至與賢士大夫高僧逸民，續廬山蓮社遺風。每月建繫念淨土會，至是癸酉冬十月三日，具衣冠望闕再拜已，換着僧三衣，陞高座，跏趺說偈而逝。晉燈錄

淨土。宋温州圓辯法師道瓘所至，居止每月二十三日，建淨土繫念道場會禪律講宗，名勝畢至，緇素常逾萬人。至是癸酉冬十二月十六日，安坐而逝。傳法嗣子法蓮慧詢，伸詔韶著指南集二卷，江湖寶之。佛法繫年錄

全真教。金國貞元元年，有吏員咸陽人王中孚者，倡全真教，談馬丘劉和之。其教盛焉。章宗泰和四年，元學士作紫微觀記，紀其真

甲戌 紹興二十四年 大金 貞元二年 西夏

乙亥 紹興二十五年 太師秦檜老病乞與男禧致仕遂薨。中廢 貞元三年

丙子 紹興二十六年 金改 正隆元年

馬嶠 宋華亭余山馬嶠禪師，名法寧，生山東密州莒縣李氏。幼歲投沂州天寧妙空明公得度，住沂州馬嶠山淨居寺。紹興初航海抵華亭青龍鎮，有宦居察判章衮母夫人高氏夢天人曰：古佛來也。翌日師至，迎之。止錢氏園，師乃建精舍，掘基得鐵磬，斷碑佛像之應。華亭令柳約申明所司，奏賜所建寺額曰淨居。往明州省妙空于雪竇庵，於補陀別峯曰青山。今小保寧郡守莫將請主吉祥。初哲宗元符間，余山有精舍曰靈峯，請部符改額曰昭慶禪院。右丞朱諤致師開山住持，遷明州廣慧，復回昭慶。至是丙子年正月八日入寂。塔全身方丈之東偏

學氏 稽古略 卷四 六三

學氏 稽古略 卷四 六三

學氏 稽古略 卷四 六三

學氏 稽古略 卷四 六三

學氏 稽古略 卷四 六三

學氏 稽古略 卷四 六三

世壽七十六歲。僧臘五十九夏。嗣雪竇明禪師。明嗣長蘆和。嗣法雲本。雲門宗派五燈會元

丁丑 紹興二十七年 大金 正隆二年 西夏

戊寅 紹興二十八年 正隆三年

己卯 紹興二十九年 正隆四年

庚辰 紹興三十年 正隆五年

詔謚 宋詔謚杭州天竺慈雲尊者曰懺懺主禪慧法師。塔曰瑞光之塔。卮

辛巳 紹興三十一年 曰大定元年

金 辛巳年秋七月。金主亮遷都汴京。九月亮背盟伐宋。宋帝下詔親征。亮勇於誅殺。與兵構禍。是時豪傑並起。大名王友直。濟南耿京。太行陳俊。倡集義眾。契丹之裔耶律窩幹。並興於沙漠。於是渤海一軍萬人。叛亮歸會寧府。立褒為帝。褒改名宗。孫子十月庚子朔。褒

即皇帝位。改元大定。左丞相張浩自汴京錄褒赦文。馳報亮。亮嘆曰。朕欲俟江南平後。取一戎大定之義。以紀元。是子乃先我乎。命取書一帙示之。乃預識改元之事。十一月乙未。諸將集兵萬餘人。控弦直入亮寢帳中。左右親軍散走。諸將射帳中。矢下如雨。亮即崩。皇子光瑛留汴京。亦為眾所殺。褒追廢亮為海陵王。謚曰煬。后徒單氏為海陵夫人。褒更名雍。都燕京。仁厚慈儉。在位二十九年。謂之小堯舜。志

壬午 紹興三十二年 大金 大定二年 西夏

大慶 金世宗雍。正月入都于燕。以父故名宗。輔收曰宗堯。追謚尊曰懿宗。建大慶壽寺於燕都城北。詔玄冥禪師顯公主之。為開山第一代。勃皇子燕王降香。賜錢二萬緡。沃田二十頃。詮誌

宋 二月帝自建康回臨安府。六月詔太祖皇帝七世孫建王瑋。賜名脊。立為皇太子。追封皇兄子稱為秀王。丙子帝內禪。皇太子即皇帝位。帝稱太上皇帝。居德壽宮。冬十月淫雨。勅內侍鄧從。又賞香禱。上竺觀世音菩薩。即日開霽。帝悅。賜內府三品王供養。以謝曾觀實 孝宗 諱昚。封建王。立為皇太子。年二十六歲。受內禪。即帝位。以十月二十日為會慶節。銳意克復神州。會臣下有以內修勸帝者。乃以

敷文德。求民瘼。勸農桑。修水利。明賞罰。借名器。五日一朝太上皇。以極兩宮之奉。在位二十七年。禪位太子。自稱太上皇。壽六十八歲。錄

隆興二年 乾道九年
淳熙計

癸未隆興元年

大金 大定三年 西夏

御贊觀世音菩薩

七月帝御選德殿製觀世音菩薩贊曰。觀音大士。以所謂普門示現神通力故。應跡于杭之天竺山。其來尚矣。朕每有禱祈。隨念感應。曰雨曰暘。不愆畧刻。是有助于冲人者也。因為作贊曰。猗歟大士。本自圓通。示有言說。為世之宗。明照無二等觀。以慈隨感。即應妙不可思。社經

大禪 明 宋詔蔣山大禪禪師了明住徑山。明生秀州陸氏。嗣大慧杲禪師。楊和王重敬之。捨蘇州莊田。歲入二萬斛。徑山由是豐足。增益。明禪師

甲申 隆興二年

大金 大定四年 西夏

乙酉乾道元年

大定五年 西夏

丙戌

乾道二年。詔靈隱道昌住淨慈。昌湖州人。受業寶溪鹿苑寺。燈

大金 大定六年 西夏

丁亥

乾道三年

大定七年 西夏

金光 宋春二月。帝幸上天竺。展敬觀世音菩薩。問住持若訥曰。何故歲修明懺。金光明懺。訥曰。大梵尊天是娑婆世界主。釋提桓因天帝。中御三天。以臨下土。四鎮天王共誓護法護民。故佛為諸天說。金光明三昧。此帝王盛世之典也。朝家香火。故宜歲歲行之。帝悅。擢訥右街僧錄。賜錢二萬。即開山石晉僧道翊故居。建十六觀堂。敕翰林學士樓鑰作記。按圖亦建於禁中。次年四月八佛誕日。宣訥請五十僧入內觀堂。行護國金光明三昧齋。罷命訥說法。帝悅。進左街僧錄。號慧光

慧光 賜號 法師。僧賜帛各一疋。自是歲歲如來誕日。例賜帛五十疋。付上天竺寺。遵脩佛事。乾道六年十一月。御書靈感觀音之寺。靈感觀音寶殿。十大字。賜上天竺。昭揭山門。乾道九年正月七日。宣訥入對。選德殿。午初引見。賜坐。帝曰。歲元曾去齋菩薩。訥曰。已領聖恩。帝曰。光明懺科儀如何。訥曰。經中有理懺有事懺。理懺者端坐究心。是以日業障如霜露。皆從妄想生。端坐念實相。慧日能消除。事懺者有五。謹自正心誠意。思惟大乘甚深空義。從善如流。改過不吝。是修第一懺悔。孝

事父母。以先四海。是脩第二懺悔。正法治世。不枉人民。是脩第三懺悔。於六齋日。境內不殺。是脩第四懺悔。深信因果。心存因果。不忘靈山。付囑。是脩第五懺悔。不必剋期禮拜。但能行此五者。以事契理。是名第一義懺悔。帝大喜曰。甚有開發。帝曰。每日講甚經。訥曰。妙法蓮華經。帝曰。七卷經。妙在何處。訥曰。為令眾生開示悟入佛之知見。不曾動着本體。點鐵成金。直指人心。見性成佛。帝悅。奏未時。訥謝恩下殿。淳熙元年。帝給內帑錢二萬緡。付上天竺建藏殿。賜印福州經一藏。命皇太子書殿榜曰。法輪寶藏。並見上淳熙二年春三月。帝幸上竺。展敬觀世音菩薩。建護國金光明道場。賜白雲堂印一顆。主管教門。體隱夏六月一日。宣訥入對內觀堂。帝曰。近看寶積經。其文何廣。訥曰。華嚴般若寶積涅槃皆為大機說法。文長義廣。帝曰。楞嚴深造淵微。何故說得如此好。又說得如此瀾翻。訥曰。佛乃識達本源者也。從體起用。以無盡藏三昧。說默一如。中使奏未時。訥退。淳熙十一年。訥丐老。進左右街都僧錄。退居竺山。彌陀興福院。詔以嗣法高弟。首座師覺補右街鑒義繼席住持。淳熙十六年。宣覺入留內觀堂。七日。講天台圓頓止觀。光宗紹熙初。帝居重華宮。許訥肩輿出入。註金剛般若經進呈。光宗御製替文。至紹熙二年十月一日。訥歸寂。世壽八十二歲。僧臘六十九夏。葬彌陀興福院。給事中宋之瑞作行業碑。

藏殿賜印

僧錄若訥

草庵

嗣法諸弟子。曰僧錄覺廣。慧妙珪。虛庵有宏。石礪從戒等。淳熙十四年十月二十二日。帝於內藏堂書般若心經一卷。至寧宗嘉定二年四月十日。申錫御寶。賜上竺僧錄妙珪。參知政事。樓鑰。給事中鄒應跋後。藏於上竺。碑刻四月十七日。明州延慶教寺法師草庵名道。因入滅。壽七十八。夏六十一。自幼遊歷諸方。登明智照慧之堂。又入真歇了宏智覺無示謀之禪室。回歸讀指要鈔。方大悟。初住延慶拈香曰。三入禪室。五陞講堂。始終親近八善知識。彼皆光明碩大。有德有言者。緣不在彼。如水投石。此一瓣香。敬為承嗣。延慶第一世法智尊者。存則人亡。則書心。不負人。面無慚色。高宗紹興丙寅。退居城南草庵。以生平所得道妙。著草庵錄十卷。其言文而真。江湖誦之。懣

戊子 乾道四年

大金 大定八年 西夏

金國十月一日。詔大慶壽寺顛禪師於東京。創清安禪寺。度僧五百員。作般瑟于叱會。諡宋十二月初三日。明州延慶寺法師有朋。坐清玉軒。一衆圍繞。諷觀經。至真法身觀。朋寂然坐而逝。釋統

巳丑 乾道五年

大金 大定九年 西夏

庚寅 乾道六年

大定十年 西夏 乾祐元年

金國世宗真儀皇后出家為尼建
垂慶寺度尼百人賜田二百頃誌

佛海

宋冬十月十五日詔杭州阜亭山崇先顯孝禪院前住持禪師慧遠
住景德靈隱禪寺次年二月二十三日宣遠入對選德殿賜坐帝曰

如何免得生死慧遠對曰不悟大乘道終不能免帝曰如何得悟遠
曰本有之性究之無不悟者帝曰悟後如何遠曰悟後始知脫體現
前了無毫髮可見之相帝首肯之帝曰即心即佛如何遠曰目前無
法陛下喚甚麼作心帝曰如何是心遠正身叉手立曰只這是天顏
大悅乾道八年春正月二十八日車駕幸靈隱寺秋八月七日宣上
竺徑山靈隱僧道三教集內觀堂齋既罷宣遠入東閣賜坐帝曰有
一二事欲問卿前日睡夢中忽聞鐘聲遂覺不知夢與覺是如何遠
曰陛下問夢耶問覺耶若問覺而今正是寐語若問夢夢覺無殊教
誰分別夢即是幻知幻即離離幻即覺覺心不動故曰若能轉物即
同如來帝曰夢幻既非鐘聲從甚處起遠曰從陛下問處起帝復問

改賜
師號

前日在此閣靜坐忽然思得不與萬法為侶有箇見處遠曰願聞聖
訓帝曰四海不為多遠曰一口吸盡西江水又如何帝曰亦未曾欠
闕遠曰纔涉思惟便成剩法正使如斲輪如閃電了無干涉何以故
法無二法見無二見心無別心天無二日帝首肯久之冬十月三十
日詔景德靈隱寺佛海大師慧遠特改賜佛海禪師淳熙元年五月
三十日宣遠入對帝曰古宗師坐脫立亡今世有誰遠曰徽宗皇帝
朝改僧為德士詔下日建州有崇寧長老集眾陞座曰木簡枯來坐
具放下雲散水流去寂然天地空便安坐而去紹興二十七年南劔
州西巖寺宗回因官以茶園事招拾登座說偈曰官府追呼不暫停
何如長往事分明從前有箇無生曲且喜今朝調已成言訖安坐而
去又圓悟住昭覺時有五百眾第一座名道祖一日為眾入室既畢
復有僧問曰生死到來如何迴避祖即屹然而去圓悟亟至其所連
喚祖首座遂開眼圓悟曰抖擻精神透關去祖點頭便行此皆今世
坐脫立亡者帝嘉嘆久之御侍皆相顧遠禪師
奏對錄淳熙三年春正月十

坐脫
立亡

五日遠入寂壽七十四歲臘五十九夏葬靈隱之西山叅政周必大
銘其塔語錄三卷左相虞允文序之二月二十九日詔台州報恩光

佛照
光

孝寺德光繼遠席住靈隱冬十一月入對選德殿淳熙五年特賜光
號佛照禪師淳熙七年六月五日詔光住明州阿育王山廣利寺至

光宗紹熙四年正月二十六日。詔光住臨安府徑山興聖萬壽寺。寧宗嘉泰三年入寂。光生臨江軍彭氏。嗣大慧杲禪師。誦禪佛海禪師名慧遠。生眉山彭氏。年十三從藥師院宗辯為僧。遊山聽習。會圓悟復領昭覺。遠依之。圓悟普說。舉龐居士問馬祖不與萬法為侶者是甚麼人。馬祖曰。待汝一口吸盡西江水。即向汝道。聞之大悟。東下由虎丘奉詔住臯亭山。崇先。屢遷名剎。稟法嗣佛果。圓悟勤禪師。鑑

辛卯 乾道 正月二十日。雲門下入大金 大定十年 西夏 乾祐二年

道瑾 宋四月庚戌。帝聽朝。謂左右曰。太祖皇帝問趙普曰。天下何者最大。普曰。道理最大。朕常三復斯言。祖宗每事必問道理。焉得不治。軒

壬辰 乾道 八年 大定十二年 西夏

癸巳 乾道 九年 大定十三年

觀世音菩薩應夢緣起 宋正月七日。宣上天竺左街僧錄慧光法師。若訥入對選德殿。帝曰。上竺起因。今得幾時。

訥曰。起自石晉天福四年。僧道翊者。庵山中。夜每見前山發大光明。尋之。有異木起。取而刻為聖像。夢神人曰。明日有洛陽僧來。宜從之。

應夢 求舍利。果得舍利三顆。置菩薩頂髻中。太祖開寶間。吳越忠懿王錢俶。夢白衣天人曰。吾居處甚陋。覺而詢其實。為廣其殿宇。名天竺看

經院。英宗治平間。沈文通。蔡襄。繼守杭州。具奏始末。宰相曾公亮。數陳之。賜額靈感觀音院。今蒙陛下宸翰。改院為寺。方成大剎。慧素感山紀談曰。蜀僧祖秀。字紫芝。蚤以文鳴。士大夫間慕嵩明教之風。著歐陽文忠公外傳。蘇養直。庠為序冠。其首略曰。君子以佛之教。不見證於堯舜禹湯之世。而孔子孟軻之後。歷代先儒。雖嘗國不少禁。聽其橫流寓內。古今持此論者有矣。獨秀公以謂堯之丹朱。不足以授政。而禪舜。舜亦憂商均。而禪禹。至湯武革命。斯教之所始。使孔子行事。亦何以異此。由堯迄武王。佛未誕生。有以也。成康既沒。佛於是顯跡。然而未被中國。以埃聖人生於魯。集大成於古帝王之教也。甚矣聖人困於魯。衛陳宋。欲居九夷。乘桴浮海。當是時。以外數萬里之教。加于中國。天子諸侯。疇聽之哉。佛之法。不苟傳。非顯宗明帝感而求諸遠。恐未能速應耳。此皆秀公京師之書。其駭古震今之論。溢數萬言。秀又讚東坡像曰。漢之司馬楊正。唐之太白子昂。是五君子者。皆生乎蜀郡。未若夫子而有耿光。夫子之詩。抗衡者其唯子美。夫子之文。並軫者其唯子長。賦亦賢於屈賈。字乃健於鍾王。此夫子之絕枝。蓋至道之糝糠。夫子之道。是為后稷伊尹。可以致其君於堯湯時。

議將加之以鐵鉞而夫子尤諷於典章海表之遷如歸故鄉言蜀郡之五傑者莫得窺夫子之垣墻秀至是癸巳年歸老蜀山焉文粹溫

甲午淳熙元年

大金 大定十四年 西夏

陳 宋淑妃陳氏建功德院於杭州南山賜額曰寧親廣福陳詩四月八日詔温州鴈蕩山靈峯寺禪師中仁入對選德殿奏答稱肯仁於徽

宗宣和間慶基殿賜牒落髮往來譯院諦窮經論後得法於圓悟勤禪師普燈錄

乙未 淳熙二年

大金 大定十五年 西夏

丙申 淳熙三年

大定十六年

丁酉 淳熙四年

大定十七年

九世同居 金國鄭州尹泌九世同居三月詔免賦役三年御書曰勅賜旌表孝義尹氏之家餘

戊戌 淳熙五年

大金 大定十八年

己亥 淳熙六年

大金 大定十九年 西夏

庚子 淳熙七年

大定二十年 西夏

建 金國正月勅建仰山棲隱禪寺於燕京之西山詔玄冥禪師顛公開山賜田設會度僧萬人碑

宋秋召明州雪竇寺禪師寶印入對選德殿帝曰三教聖人本同這箇道理印對曰譬如虛空東西南北初無二也帝曰但聖人所立門戶不同孔子以中庸設教耳印曰非中庸何以安立世間故法華曰

治世語言資生業等皆與實相不相違背華嚴曰不壞世間相而成出世間法帝曰今時士大夫學孔子者多只工文字語言不見夫子之道不識夫子之心唯釋氏不以文字教人直指心原頓令悟入不

亂於死生之際此為殊勝印曰非獨後世學者不見夫子之心當其孔門顏子號為具體蓋平生力量只道得箇瞻之在前忽焉在後如

有所立卓爾竟捉摸未着而聖人分明八字打開問諸弟子曰二三子以我為隱乎吾無隱乎爾吾無行而不與二三子者是丘也以此

觀之聖人未嘗迴避諸弟子而諸弟子自蹉過了昔張商英曰吾學佛然後能知儒此言實為至當帝曰朕意亦謂如此帝又曰莊老何

如人印曰只是佛法中小乘聲聞以下人蓋小乘厭身如桎梏棄智如雜毒化火焚身入無為界即如莊子所謂形固可使如槁木心固可使如死灰若大乘人則不然度眾生盡方證菩提正如伊尹所謂予天民之先覺者也將以斯道覺斯民也有一夫不被其澤者若已推而內之溝中也帝大悅詔住徑山與聖萬壽禪寺淳熙十年春二月帝親註大方廣圓覺經一部遣中使賚賜寶印許述序刊行淳熙十五年印請老賜退居庵名曰別峯光宗紹熙元年十一月到寺身交承智策禪師與之言別策問行日印曰水到渠成歸別峯索紙書十二月初七夜鷄鳴時九字如期而化奉蛻質返寺之法堂留七日顏色明潤髮長頂溫葬于庵之西岡勅謚慈辯禪師塔曰智光嗣華藏民禪師民生眉州朱氏嗣圓悟佛杲勤慈辯名寶印生嘉州李氏自幼通六經而厭俗務乃從德山清素得度具戒聽華嚴起信既盡其說棄去曾園悟歸昭覺印依之隋眾入室而大悟嗣之會元

辛丑 淳熙八年

大金 大定二十二年 西夏

原道論 宋帝御製論曰朕觀韓愈原道言佛老之相混三教之相糺未有能辯之者但文煩而理迂癸聖人之用心則未昭然何

則釋氏專窮性命棄外形骸不着名相而於世事了不相關又何與禮樂仁義哉然尚猶立戒曰不殺不淫不盜不飲酒不妄語夫不殺仁也不淫禮也不盜義也不飲酒智也不妄語信也如此與仲尼又何遠乎從容中道聖人也聖人所為孰非禮樂孰非仁義又烏得而名焉譬如天地運行陰陽循環之無端豈有意春夏秋冬之別哉此世人強名之耳亦猶仁義禮樂之別聖人所以設教治世不得不然也因其強名揆而求之則道也道也仁義禮樂之宗也仁義禮樂固道之用也揚雄謂老氏棄仁義滅禮樂今迹老子之書其所寶者三曰慈曰儉曰不敢為天下先孔門曰溫良恭儉遜讓又曰惟仁為大老子之所謂慈豈非仁之大者耶曰不敢為天下先豈非遜之大者耶至其會道則互相偏舉所貴者清淨寧一而與孔聖果相背馳乎蓋三教末流昧者執之自為異耳夫佛老絕念無為脩心身而已矣孔子教以治天下者特所施不同耳譬猶耒耜而耕機杼而織後世徒紛紛而惑固失其理或曰當如之何去其惑哉曰以佛脩心以老治身以儒治世斯可也唯聖人為能同之不可不論也中興治績十

壬寅 淳熙九年

大金 大定二十二年 西夏

釋氏和古明

竹庵 宋春二月十九日。四明法智下四世。秀州今嘉路當湖竹庵解空尊者。可觀入寂。世壽九十一歲。僧臘七十八。夏少依車溪擇卿講席。得旨深穩。一日聞舉般若寂寥。言下大悟。曰。如服一杯降氣湯。卿即可之。又見慧覺法師於湖州。雪窗下讀指要。至若不謂實。鐵床非苦。變易非遷。豁然喜曰。世間文字語言皆糠粃耳。初高宗紹興戊子。主當湖德藏。至是。軋道七年秋。左相魏杞在平江。請住北禪天台寺。適九日入院。指法座曰。曾中一寸灰已冷。頭上干莖雪未銷。老步只宜平地。去不知何事強登高。聞者悅服。魏杞牧鄞。致師住延慶祖庭。時八十九歲矣。不二載歸竹庵入寂。茶毘日。無風無雨無事。邦人詫為三無事日。煙所到處皆舍利。塔于德藏院。解空著楞嚴補註四卷。金剛過論事苑二卷。圓覺手鑑一卷。蘭盆補注一卷。山家義苑二卷。草錄一卷。生平提唱宗旨。如頌中論四句曰。中論因緣所生法。一句道盡無剩語。我說即是空假中。珠簾暮捲西山雨。又頌船子曰。夾山不在一楫上。明月蘆花夜夜寒。船子故應無可做。偶來此地弄釣竿。嗣師之法者曰宗印等。印北峯生杭州鹽官陳氏。年十五具戒。參學得竹庵道。隱雷峯毛氏庵。赴華亭普光。遷秀州德藏。復遷華亭之超果蘇之北。禪移天竺靈山。寧宗召對選德殿。賜號慧行法師。嘉定六年。行化。十二月八日至松江。謂其徒曰。吾化緣畢。此右脇而逝。馱

癸卯 淳熙十年

大金 大定二十三年 西夏

甲辰 淳熙十一年

大金 大定二十四年

昊天寺 金國大長公主。二月降錢三百萬。建寺於燕京。城額曰昊天。給田百頃。每歲度僧尼十人。碑刻

乙巳 淳熙十二年

大金 大定二十五年 西夏

丙午 淳熙十三年

大金 大定二十六年

丁未 淳熙十四年。十月八日。太上皇高宗崩。

大金 大定二十七年

戊申 淳熙十五年

大金 大定二十八年

己酉 淳熙十六年。二月。光宗受禪。即帝位。三月。皇子擴進封嘉主。

大金 大定二十九年

宋 春正月。以周必大留王為左右丞相。二月辛酉朔壬戌。帝內禪。移居重華宮。皇太子明皇帝位。立妃李氏為皇后。懿

光宗 諱惇。孝宗第五子。年四十歲。自東宮受禪。尊孝宗曰壽皇聖帝。在位五年。禪位太子。自稱太上皇。壽五十四歲。

紹熙五年

庚戌紹熙元年

大金 章宗璟西夏 明昌元年

金 國主雍。正月癸巳崩。章宗璟立。太子允恭之子也。改元明昌。道諡雍為世宗。父允恭為顯宗。璟幼好學。善屬文。寬裕溫和。母趙氏。諡

辛亥 紹熙二年

明昌二年 西夏

壬子 紹熙三年

明昌三年

癸丑 紹熙四年

明昌四年

鄭王 破誅

金 十月誅皇叔鄭王允蹈。先是太子允恭早世。允蹈次長。當立。樞密使張克巳內侍江淵等以私意立太孫璟。然允蹈性寬厚。母亦趙氏。遠避恩寵。中外無黨。每見之有愧色。日亦酣飲。內都知省江淵出入宮掖。大受四方饋遺。國體始弱矣。京師謠言立鄭王。璟惡之。遣

東隊主李白曜。西隊主張飛龍。御前將軍完顏黑鐵。分兵擒捕。置獄會同。館獄成。鄭王允蹈附馬都尉唐迺蒲刺。同母妹新興公主。榮安公主。並賜死。餘同逆者。夷三族。次年正月。鄭王長子

愛王 大通節度使愛王大辯。據五國城以叛。報父讎也。諡

萬松 禪師 金詔洞宗禪派萬松長老於內殿說法。章宗躬親迎禮。奉錦綺大僧。祇衣詣座授施。后妃貴戚羅拜於前。各施珍財。建普度會。每歲設齋。後於承安二年。詔萬松

禪師住西山之仰山。諡

甲寅 紹熙五年 皇聖帝孝宗崩

大金 明昌五年 愛王西夏 叛

飛進 和簡 宋無準禪師。名師範。生蜀郡梓潼雍氏。是年十月。登戒叅學。來杭州。見松源岳於靈隱肯堂。充於淨慈。謁破庵先禪師於平江西華秀峯。

頓悟玄旨。出世明州清涼。移焦山。遷雪竇。詔住育王。遷徑山。召入對。修政殿。賜金襴僧衣。宣詣慈明殿。陞高座。說法帝垂簾而聽。賜號佛鑑禪師。後建接待御書。賜額曰萬年正續。又築室明月池上。榜

破 庵。夔州臥龍破庵禪師。名祖先廣。曰退耕。乞老于朝。入寂塔。全身于圓照。嗣破庵祖先禪師。所

庵。安王氏子。嗣密庵傑禪師。祖

密庵。明州天童密庵禪師名咸傑生福州鄭氏自幼穎悟出家為僧徧參知識後謁應庵於衢州明果應庵孤硬難入屢遭呵叱一日應庵問

如何是正法眼師遽答曰破沙盆應庵頷之未幾辭去省親庵送以偈曰大徹投機句當陽廓頂門相從今四載徵詰洞無痕雖未付鉢袋氣宇吞乾坤却把正法眼與作破沙盆此行將省覲切忌便踪跟吾有未後句待歸要汝遵出世衢之鳥巨次遷祥符建康蔣山華藏

未幾詔住徑山靈隱晚居天童示寂塔全身於寺之中峰嗣應庵華禪師會元

應庵。明州天童應庵禪師名曇華生蘄州江氏生而奇傑年十七出家於東禪剃髮受具徧參知識謁圓悟禪師於雲居悟入蜀指之見彰教

隆禪師隆移虎丘師待行半載問頓悟玄奧累遷巨刹住歸宗日大慧在梅陽寄師偈曰坐斷金輪第一峰千妖百怪盡潛踪年來又得真消息報道楊岐正脉通其歸重如此孝宗隆興元年六月十三日奄然而化塔全身於寺山嗣虎丘隆禪師隆諱紹隆嗣圓悟勤禪師

臨濟派也會元

青堂。臨安府淨慈肯堂禪師名彥充生杭州於潛盛氏幼依明空院義堪為師得度遊學領旨於東林中庵顏禪師充奉勅住淨慈示寂塔於

寺之南庵嗣中庵顏中庵住江州東林名道顏蜀郡潼川人族鮮于氏父參圓悟泊悟還蜀囑之依妙喜仍以書致喜曰顏川彩繪已畢但欠點眼耳妙喜居雲門及洋嶼顏皆侍焉

朝夕質疑方得大悟遂嗣大慧杲禪師會元

杭源。杭州景德靈隱禪寺禪師名崇岳生處州龍泉吳氏孝宗隆興二年得度於杭州西湖白蓮精舍遊方參請最後見密庵傑禪師於衢州

西山密庵移建康蔣山華藏杭之徑山皆侍從之密庵開室問僧不是心不是佛不是物師侍側忽大悟密庵遷靈隱命師居第一座旋出世平江澄照為密庵嗣遷江陰光孝無為治父饒州薦福明州香

山平江虎丘寧宗慶元三年詔住靈隱慶元六年上章乞老帝許之退居東庵嘉泰二年八月四日于書別交舊公卿垂語於學者曰有力量人因甚擡脚不起又曰開口不在舌頭上貽書嗣法弟子香山

光睦雲居善開囑以闡法書偈曰來無所來去無所去警轉玄關佛祖罔措踟躕而寂壽七十一歲臘四十九夏塔全身北高峯之原蝶

宋紹熙五年春三月壽皇不豫六月丁酉夜壽皇崩帝亦寢疾是日太皇太后有旨聽就內中成服秋七月甲子太皇太后降旨云皇

帝以疾至今未能執喪曾有親筆自欲退閑皇子嘉王可即皇帝位

尊皇帝為太上皇帝皇后為太上皇后嘉王固辭且顧樞密趙汝愚

曰其無罪恐負不孝之名閣門宣贊中侍關禮等遽以黃袍披嘉王王拒不受汝愚固請遂即皇帝位於東楹之素幄

寧宗 諱擴光宗長子封嘉王即帝位臨下以簡御眾以寬省刑薄賦罷歲貢寬民力留心帝王之業服澣濯之衣二十七歲受禪在位三十一年壽五十七歲

慶元六年 嘉泰四年 開禧三年 嘉定十年

乙卯慶元元年

丙辰 慶元二年

金國改元十一月二十三日大赦度僧千員

丁巳 慶元三年

戊午 慶元四年

己未 慶元五年

大金 承安四年 西夏

金九月太后趙氏寢疾國主候起居鄭宸妃亦至后曰我有一心願未遂宸妃能成我意乎我家三四百口為煬王海陵所殺叢塚在和龍我自有錢七萬可以辦汝說與皇帝越旬太后崩宸妃以其遺留分與中外姻親及諸趙氏之在京遠近者春手詔下和龍府起大明寺造九級浮圖遣太后殿內侍候衍監造務極壯麗且度僧三萬人施以度牒度及五萬人也寺傍建八寺以處之

庚申 慶元六年

大金 承安五年 西夏

宋五月丁亥壽仁太上皇后崩諡曰慈懿八月丁亥太上皇帝光宗崩金愛王既叛求援大軍是年大軍大舉深入十二月丁酉取大都城圍和龍大

辛酉嘉泰元年

金改 泰和元年

壬戌嘉泰二年○行禪宗機緣普燈錄

泰和二年 西夏

癸亥嘉泰三年

泰和三年

甲子嘉泰四年○追封岳飛
日鄂王 繼

泰和四年

乙丑開禧元年

金議遷都
泰和五年

丙寅開禧二年

泰和六年

西夏拓跋失都兒忽仁宗姪也乾順之小子曰仁友者之子也五月立 在位六年 趁

丁卯開禧三年

泰和七年

戊辰嘉定元年

泰和八年

金十一月丙辰章宗崩無嗣群臣奉遺詔立衛王允濟丙寅印帝位世宗第七子也在位四年統石烈執中弑之

己巳嘉定二年

金改
大安元年 西夏

庚午嘉定三年○旃檀佛像至是庚午計二千二百二年矣

大安二年

旃檀瑞像 是歲止金國十二年矣十月迎赴上京禁庭供養按翰林程鉅夫瑞像殿記曰釋迦如來初為太子生七日母摩耶

棄世生初利天佛既成道思念母恩遂昇初利天為母說法優填國王自以久失瞻仰於如來欲見無從乃刻旃檀為像目犍連尊者慮有闕陋躬以神力攝三十二匠昇初利天諦觀相好三返乃得其真既成國王臣民奉之猶真佛焉及佛自初利天復至人間王率臣庶同往迎佛此像騰步空中向佛稽首佛為摩頂授記曰我滅度千年之後汝從震旦棟土廣利人天由是西土一千二百八十五年龜慈六十八年涼州十四年長安一十七年江南一百七十三年淮南三百六十七年復至江南二十一年汴涼一百七十七年北至燕京居聖安寺十二年北至上京大儲慶寺二十年南還燕宮內殿居五十四年丁丑歲三月燕宮火迎還聖安寺居今五十九年乙亥歲當今大元世祖皇帝至元十二年也帝遣大臣孛羅等四眾備法駕使衛音伎迎奉萬壽山仁智殿丁丑建大聖萬安寺己丑歲自仁智殿迎

安寺之後殿。大作佛事。瑞像計自優填王造始。之歲至今延祐丙辰。凡二千三百有七年。碑始

辛未 嘉定四年

大金 大安三年 西夏 神宗 光定元年

春西夏神宗拓跋須蕃邸立。始為大軍所攻。求援於金。金不能救。夏人乃叛金。是時大朝國勢益強。但居其故地。於燕雲置行省。命其大臣領之。所謂太師國王也。韃靼之先與女真同類。蓋皆靺鞨之後也。其國在元魏齊周之時。稱勿吉。至隋稱靺鞨。地直長安東北六千里。東瀕海。離為數十郡。有黑水白山等名。白山本臣高麗。唐滅高麗。其遺人。逃入渤海。惟黑水完疆。及渤海盛靺鞨皆役屬之。後為奚契丹所攻。部族分散。其居混同江之上。遼東開元路咸平府長白山初名曰女真。水之源蓋古肅慎之地也。乃黑水遺種。其居於陰山者。自號為韃靼。在唐末及五代時。常通中國。宋初各再入貢。韃靼之人皆勇悍而善戰。其近漢地者謂之熟韃靼。尚能種秫稌。以平底瓦釜煮而食之。其遠者謂之生韃靼。止以射獵為生。無器甲用骨鏃而已。蓋以地不產鐵故也。契丹雖通其和市。而鐵禁甚嚴。後金人得河東及執劉豫廢鐵錢。由是秦晉鐵錢皆歸韃靼。得之遂大作軍器。而國以益疆。方金國盛時。韃靼歲時入貢。衛王瑒立韃靼主忒没真。始稱皇帝

成吉思皇帝。山東兩河皆為大朝收附矣。又有滕骨國者在女真之東北。唐謂之蒙兀部。金國謂之蒙兀。亦謂之萌骨。人不火食。夜中能視鮫魚皮為甲。可捍流矢。自金國熙宗天眷年間始叛。都元帥宗弼用兵連年。卒不能討。宗弼即兀朮也。謂四太子是也。但分兵據守要害。反厚賂之。其國亦自稱祖元皇帝。建立年號。時為邊患。得契丹漢兒婦女而妻妾之。自是漸有火食。至是大朝乃自號大蒙古國。然二國居東西兩方相望。凡數千里。不知何以合為一名。蓋金國盛時。置東北招討司。以捍禦萌骨高麗西南。招討司以統隸北方。西夏萌骨所據。蓋金主太宗創業時。地二十七圍寨。而北方之境。東接臨潢府。西與夏國鄰。南距靜州。北抵大人國。今盡為大朝之所有矣。諡


壬申 嘉定五年

金改 重慶元年 西夏

癸酉 嘉定六年

大金改至寧元年 九月改貞祐元年

金八月起紇石烈執中為右副元帥。將武藝軍三千。迎敵大軍。二十日發燕京。至紫金關。執中開關延敵。聞大軍過關。一時潰走。執中還京。見帝言大軍勢盛難敵。完顏綱亦敗而回。密奏執中故放大軍入關。執中聞之懼誅。先是左副元帥南平沮格軍賞眾共怨之。執中因



人心之憤欲廢主。遂回軍以誅南平為名。二十四日。軍至東華門外。召南平計事。手刃之。宮中聞變。門皆不開。執中欲縱火燒門。守門將軍合住。啓其門。執中引兵入宮。侍衛皆散走。執中遣兵執帝。并其後。囚於舊府。甲午。二日夜。執中遣內侍李監成弑國主於其府。國主為人仁厚。居兄弟中最賢。在位五年。宣宗立。降封為東海郡侯。宣宗諱珣。世宗之孫也。顯宗允恭之長子。九月丙午。即位。改至寧元年。為貞祐元年。拜紇石烈執中太師。都元帥。領三省事。封澤王。大軍至紫金山。關距燕京二百里。遣左監軍高乞以糶軍五千拒之。失期不至。執中欲斬之。國主以高有功。諭令免死。執中益其兵。令出曰。勝則贖罪。敗則殺無赦。出戰。軍大潰。自度必為執中所殺。遂引糶軍圍執中府。突入其臥內。殺之。退詣應天門待罪。十月辛亥。國主以高乞掌兵。不欲加罪。盡收執中弑逆之人。殺之。拜高乞平章軍國。加樞密。大使時大軍圍燕京。又約宋夾攻。志

甲戌 嘉定七年

大金 貞祐二年 西夏

議和 金三月。京師乏糧。軍民餓死者十四五。金主遣使太軍議和。索公主及護駕將軍十人。細軍百人。從公主童男女各五百人。綵繡衣三千

襲御馬三千疋。金銀珠玉。又請左丞相完顏福興為質。金主皆從之。以東海郡侯少女應之。又令金主鄉其國。遙拜。主不敢拒。又曰。元帥圍燕日久。未嘗擄掠。欲得犒軍金帛。主亦從之。大軍北歸。是時京城白金三斤。不能易米三升。死者不可勝紀。議遷都汴梁。九月二十八日起駕。十月二十四日入汴京。大軍既歸。聞金遷汴。怒曰。既和而遷。是有疑心。而不釋憾。特以和為款我之計耳。次年八月。復圍燕京。分兵下中原州郡。遣使至汴。索犒軍金銀等物。金主皆與之。東平大名真定勤王之兵。遇大軍皆潰敗。自是內外不通。太子守緒自燕京取間道歸汴。燕京官闕雄麗。為古今冠。至是為亂。兵所焚。火經月餘不絕。志

乙亥 嘉定八年

大金 貞祐三年 西夏

丙子 嘉定九年

貞祐四年

丁丑 嘉定十年

禪宗聯燈錄 淨慈晦翁金改 興定元年 西夏

金國地勢日促。遂有南窺江漢之謀。構怨於宋。數攻宋地。而取之。是時西夏於金益懷貳心。以書來宋。議夾攻金。八月。宋安丙允夏謀。志

戊寅 嘉定十一年

興定二年 西夏

巳卯 嘉定十二年

興定三年

癡絕禪師名道冲生武信長江荀氏光宗紹熙三年出峽參松源岳禪師於饒州薦福會松源舉首座曹溪生和尚出世妙果聽其入門法語有省通歷叢林皆分半座至是嘉定十二年由徑山首座出世嘉興天寧嗣曹源生遷蔣山理宗嘉熙三年移雪峯方半載詔遷天童育王虛席兼攝住持說法兩山淳祐四年奉旨住靈隱退歸金陵朝命以虎丘俾其養老淳祐八年六月詔住育王使者三返不起明年二月開山吳之法華八月詔住臨安府徑山淳祐十年五月十三日入寂八十二歲僧臘六十一夏遺骨舍利葬金陵山中續志

庚辰 嘉定十三年

大金 興定四年 西夏

辛巳 嘉定十四年

興定五年

壬午 嘉定十五年

興定六年

癸未 嘉定十六年

金改 元光元年 九月拓跋德仁立改 乾定元年

甲申 嘉定十七年 秋閏八月帝崩 皇子成國公立

元光二年 乾定二年

宋 閏八月丁酉帝崩于福寧殿年五十七歲皇后楊氏史彌遠立貴誠為皇子進封成國公即皇帝位更名昀尊皇后為皇太后垂簾聽政廢皇太子竑降封濟陽郡王出判寧國府殺之續錄

金 十月國主珣崩廟號宣宗珣第三子名守緒即帝位義宗也性寬和慈仁少嗜書長而博學才藻富贍好為文章在位十一年諡

理宗 諱昀寧宗姪年二十歲即帝位尊尚道學崇重士類初政翕然晚年宰相賈似道買民田為官田抑軍賞而不行國體由是多故而衰焉在位四十一年

壽六十一歲崩續錄
寶慶三 紹定六 端平三 嘉熙四
淳祐二 寶祐六 開慶一 景定五

乙酉寶慶元年

金改 正大元年 西夏

丙戌 寶慶二年

大金 正大二年

西夏拓跋德仁七月卒清平郡王立

金國是時群盜縱橫干戈充塞括馬敷糧公私並竭金由是困矣金志

丁亥 寶慶三年

正大三年 西夏滅

西夏自五代唐明宗天成間縱亂剽掠而州城被擾且河西諸鎮言定難節度使李仁福潛通契丹朝廷慮其連兵併吞河右南侵關中長興四年三月癸未仁福卒遷其子彝超為彰武留後彝超不奉詔遣其兄阿囉王守青嶺關集境內黨項諸胡以自守而輕朝廷廢帝清泰二年二月丁丑夏州赫連勃勃所築之節度使李彝超上言疾病以兄行軍司馬彝殷權知軍州事彝超尋卒晉出帝開運元年二月壬子詔以彝殷為契丹西南面招討使漢乾祐二年正月甲寅詔以靜州隸定難軍二月辛未彝殷上表謝彝殷以中原多故有輕傲之志每藩鎮有叛者常陰助之邀其重賂朝廷知其事亦以恩澤羈縻之周顯德二年正月庚寅定難節度使李彝興耻與折德辰並列節度乃塞路不通周使二月癸未世宗遣供奉官齊藏珍賫詔往責之通鑑至宋太宗太平興國七年十月李繼捧來朝太宗嘉之詔授

彰德軍節度賜姓趙名保留京師奉朝請仁宗寶元戊寅趙元昊僭稱帝至是丁亥七月二十七日北朝大軍滅之止一百九十年宋鑑

戊子 紹定元年

大金 正大四年

巳丑 紹定二年

正大五年

庚寅 紹定三年

正大六年

辛卯 紹定四年

正大七年

壬辰 紹定五年

金改年春曰開興夏改曰天興天興元年

金國為大軍合圍汴京金人百計守城四月天向熱大軍意將還師又講和好取太子金紫為質所與金帛無數城中雖暫退敵師然兵疲力盡河南蕩析宋師瞰其南洪寇擾其東矣天使復至命金主黜尊號拜詔稱臣去冠冕髡剔為西京留守交割涼城金主難之親率護衛軍五千人突圍而出與大軍戰獲勝左丞相完顏白撒奏請過河取衛州截其歸路北至衛州大軍雲集金主急回被其追及元帥

賀都喜死之先是金主既出。囑崔立以留守事。衛州既敗。諸軍從者止二千人。汴京聞之。崔立盡殺朝官之在京者。以太后皇后皇妃公主皇兄荆王降于大軍。悉取宮中金帛珠玉玩好之物以獻。自稱鄭王兼丞相。大軍因而授之。加河南行省權皇帝。金主留歸德府。國志

癸巳 紹定六年

大金 天興二年

金歸德絕糧。六月戊戌。金主自毫遷蔡州。宋十一月遣襄陽太尉江海襄陽帥孟珙以兵四萬人攻蔡州。駐城南。帥臣史嵩之餽運糧十萬給南北軍。且置榷場於城南。更相貿易。大軍賴之。十二月初九日。大軍攻外城克之。十六日大軍併力攻西城弗克。十八日大軍復大至。鑿其西城。十九日金主悉出御用器皿賞軍士。二十二日金主微服將馬軍百步軍千。夜出東城將遁。及柵不戰而還。趁

甲午端平元年

大金 天興三年 金亡

金 正月初十夜。摘三面精銳軍備西城。天未明。大軍至。方大戰。南面宋兵萬餘以薄城矣。金主知城必破。乃語大臣遜位於東面總帥丞麟。丞麟西向固讓。金主自持符璽授之曰。朕所以付卿者。豈得已哉。以朕體肥不便鞍馬。城陷之後。馳突必難。願卿平昔以趨疾聞。且

有將略。可稱萬一得免。使祚胤不絕。此朕之志也。強以符璽。丞麟跪受之。金主退閉閣門而自縊之。宣徽使溫敦命東上閣門使事僕散斜不失引後主丞麟陞正座。身披甲冑立受百官拜。禮成。咸出迎大軍。戰南城之陴皆宋師旗幟。四面鼓譟。夾攻聲震天地。守者開門。縱大軍進。金兵巷戰。久不能禦。退保子城。後主丞麟知主崩。率百官詣前拜泣。謂眾曰。先帝在位。勤儉寬仁。圖復舊業。有志不就可哀而已。吾欲謚曰哀。酌酒未終。大軍已至城下。攻急。城陷。後主。金自徽宗為亂軍所害。國亡。謚金主哀者。咸謂未盡也。廟號義宗。重和戊戌。稱帝。至是端平甲午。九主合一百一十七年而亡。義宗既自縊。權黜檢完顏斜烈覺之。矯制召丞御石蓋氏。近侍局大使焦春和。內侍局殿頭宋規。赴義宗前。斜烈曉以名分。與三人者皆從死。初斜烈將從死。遺言奉御絳山使焚於義宗。縊所幽蘭軒。火方熾。子城陷。近侍左右皆走。獨絳山留為大軍所執。問之為誰。絳山曰。吾奉御也。大軍帥曰。眾皆走。而汝獨留何也。絳山曰。吾君已崩。吾欲收其骨。瘞之大軍。笑曰。汝狂者耶。汝之命不能保。能瘞君骨耶。絳山曰。汝事汝君。吾事吾君。吾君有天下十餘年。功業弗終。身死忍徒暴露遺骸。與士卒等同耶。吾逆知汝必不違我情。吾故留於此也。大軍以其言白。僭蓋。僭蓋曰。此奇男子也。許之。絳山乃入。掇其餘燼。裹以弊衾。瘞于汝水之

傍絳山再拜號哭投身汝水軍士救而存之。乙未端平二年詔集議楮幣出度牒收兩界會子。丙申三年議楮幣宜造十八界降

黃勝措置會子續宋通鑑

丁酉嘉熙元年。

戊戌二年。己亥三年詔覈州縣義倉以備賑濟。庚子四年右相史嵩之以稱提會子以五折二十

七界會子五道准十八界一道續宋通鑑

辛酉淳祐元年。

壬寅二年。癸卯三年。甲辰四年。史彌忠薨特贈少師保寧軍節度使鄭國公。令有司定謚以聞詔彌

忠子嵩之起復右丞相兼樞密使永國公。乙巳五年嵩之致仕。丙午六年。丁未七年。

笑翁和尚

戊申淳祐八年。明州育王山笑翁禪師。三月二十七日入寂。世壽七十二歲。僧臘五十二夏。師諱妙堪。生明州慈溪毛氏。寧宗慶元二年受具。參松源岳禪師於靈隱。次謁無用全禪師於天童。領旨無用諱淨全。生越州翁氏。嗣徑山大慧杲禪師。堪出世明州妙勝。嗣全禪師。次遷金文移光孝。遷台之報恩。平江虎丘。福州雪峰。奉詔住臨安府景德靈隱禪寺。闍寺左屠沽之地。為叢林。立門曰飛來峰。又建僧行

焚化瘞骨之三塔於山北。皆奏准焉。史魏王明州建去慈寺。請師開

山說法為第一代。王薨謝去。主台州瑞巖。移温州江心。詔住淨慈。又

詔住天童。有旨主育王。至是戊申春。再詔移淨慈。不赴。遂入寂。行業碑刻

己酉淳祐九年。庚戌十年。辛亥十一年。壬子十二年。

癸丑寶祐元年。

甲寅二年。乙卯三年。丙辰四年。丁巳五年。戊午六年。

己未開慶元年。釋迦文佛入滅。至是己未二千二百八年矣。

韃靼國憲宗皇帝。九月親帥大軍入蜀。順流東下。幹腹一軍自大理國南來。歷邕桂之境。南至靜江府。一軍度江。圍鄂州。吳潛入奏。帝以賈似道為宣撫。視師江上。十月丁大全罷相。吳潛入相。帝以賈似道為右相。荆湖宣撫策應大使進兵。援鄂州。趙葵為樞密使。江東西宣撫策應大使屯信州。遏廣右幹腹之師。十一月憲宗駕留釣魚城下。似道遣使約和。陰許歲幣。兵解去。雪寒帝出內庫銀絹犒戍海兵。獻

庚申景定元年。

中 韃靼國薛禪皇帝。四月即位。五月十九日建元中統。宋賈似道入朝。以右相兼太子太師。北使郝京來宋尋盟。賈相諱言前事。拘留郝京。卒於國亡。宋十月以皇弟嗣榮王與芮之子祺為皇太子封忠王。辛酉景定二年。壬戌三年。右相賈似道。田為公田。直欲得一千萬畝。歲入六七百萬。碩臺臣交章言星變災異。公田不便。民間愁嘆不平之所致。乞罷公田以答天意。賈相力辯之。自此公論頓沮矣。癸亥景定四年。

至 甲子 景定五年。廢十七界不用。及關子之行也。物價頓踴。冬十月帝崩。皇太子即帝位。帝本福州古田縣之宗室。父為越州山陰尉。娶縣人全氏生二子。一曰與莒。一曰與芮。初諱孟啓。理宗弟嗣榮王與芮之子。理宗子多而不育。鞠孟啓於宮中。改名孜。又改曰祺。立為皇太子。封忠王。賜名叔。帝即位進封嗣榮王。為福王。是時權臣持國。帝擁虛器。在位十年。壽三十五歲。咸淳十。

度宗 初諱孟啓。理宗弟嗣榮王與芮之子。理宗子多而不育。鞠孟啓於宮中。改名孜。又改曰祺。立為皇太子。封忠王。賜名叔。帝即位進封嗣榮王。為福王。是時權臣持國。帝擁虛器。在位十年。壽三十五歲。咸淳十。

乙丑咸淳元年 詔淨慈虛堂愚禪師住徑山。師嗣湖州道場山運庵巖巖嗣松源岳禪師。

纂 丙寅咸淳二年。丁卯三年。到曾參邠國公孔伋沂國公配享先聖。穎孫師陳國公陸十哲之位。進賈似道平章軍國重事。魏國公帝稱師臣。通國稱曰師相。戊辰四年。己巳五年。庚午六年。二月帝一日問似道曰。襄陽之圍三年矣。奈何。賈相曰。北兵已退去。陛下得何人言。帝曰。適有女嬪言之。賈相詰問而殺之。自是無人敢對帝言邊事者。續宋。

大 辛未咸淳七年三月。淮西制置司申襄圍不解。乞調兵增戍。韃靼國建國號大元。取周易乾元之義。以明資始之功。續宋。臨安府中天竺永祚禪寺首座諱淨伏。出世潭州石霜。嗣虛舟度禪師。詔中天竺虛舟禪師普度住景德靈隱。師揚州人。受業揚子橋白蓮寺。嗣常州華藏無得通禪師。壬申八年。咸淳十年。通嗣靈隱松源岳禪師。癸酉九年。七月帝崩。

少帝 諱焜。度宗長子。年五歲即帝位。太皇太后謝氏垂簾聽政。明年改元德祐。帝在位二年。大兵臨城。舉國歸附。德祐。

乙亥德祐元年

丙子 德祐二年二月丙申朔乙卯。起三官北遷。丁巳出宮。太皇至燕。七年崩。封壽春郡夫人。全后為尼。正智寺。少帝封瀛國公。續宋。

釋氏和丁四 卷四
右宋一十六主合三百一十七年舉國歸附

大元

寶洲以舊輯手鑑再治而廣之爲稽古略予讀而美之題以贊其萬

一云耳

并門劉庸和南釋氏新書得靜觀其中妙理足盤桓因知研討皆餘

緒萬象冥冥總內安

釋氏稽古略卷四終

